





ԶՄԻՄԾԻՆ

1979
9



Լ Ձ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Յու՛նիս


1979



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌԻ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ




ԱՅՑԵԼՈՒԹՅՈՒՆ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴԻ ՆԱԽԱԳԱՀ ՏԻԱՐ ՖԱԴԵՅ Տ. ՍԱՐԳՍՅԱՆԻՆ

Հունիսի 18-ին, երկուշաբթի օրը, առավոտյան ժամը 11-ին, Վեհափառ Հայրապետը Երևանում, Կառավարական տանը, այցելեց Հայկական ՍՍՀ Մինիստրների խորհրդի նախագահ տիար Ֆադեյ Տ. Սարգսյանին:

Հայոց Հայրապետի և Հայաստանի մեծահարգ պարոն վարչապետի միջև տեղի է ունենում սրտագին գրույց, ջերմ մթնոլորտում:

Սույն տեսակցությանը ներկա են եղել նաև Հայկական ՍՍՀ Մինիստրների խորհրդի գործերի կառավարիչ Հ. Ե. Վարդանյանը և Հայկական ՍՍՀ Մինիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Ա. Հասրաթյանը:





ԱՄՍՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

1978—79 թթ. ուսումնական տարեշրջանի փակման հանդեսը տեղի ունեցավ հունիսի 15-ին, ուրբաթ օրը, ժամը 11-ին, հոգևոր ճեմարանի հանդիսարանում: Այն սիրով նախագահեց Վեհափառ Հայրապետը՝ ֆրանսահայությանը տված հայրապետական իր այցելությունից նոր վերադարձից հետո:

Նախագահության սեղանին Վեհափառ Հայրապետի կողքին տեղ էին գրավել տ. Սիոն արքեպ. Մանուկյանը, տ. Հուսիկ արքեպ. Սանթրոքյանը, տ. Արսեն եպս. Բերքերյանը և հոգևոր ճեմարանի վերատեսուչ տ. Հովհաննես ավագ քին. Մարությանը:

Հանդեսին ներկա էին Մայր Աթոռի միաբանությունն ու պաշտոնությունը, հոգևոր ճեմարանի դասախոսական կազմը, որոշ սաների ծնողներ և այլ հյուրեր:

Հանդիսությունն սկսվեց Վեհափառ Հայրապետի «Հայր մեր»-ով: Ապա հնչեցին Հայաստանի պետական հիմնի դաշնամուրային նվագը, որն ունկնդրվեց հոտնկայս, և ճեմարանի քաղերգը՝ ուսանողության կատարմամբ:

Հոգևոր ճեմարանի վերակացու տ. Արտակ քին. Սիմոնյանը կարդաց բացման խոսքը, որից հետո սկսվեց գեղարվեստական քաժիկը:

Ճեմարանի սաների կատարմամբ հրնչեցին «Էջ Միածինն ի Հօրէ» և «Որք զարդարեցին» շարականները: Գ լսարանի ուսանող Խաչիկ սրկ. Խարազյանը Վեհափառ Հայրապետին ողղեց հետևյալ Ուղերձը.

«Վեհափառ Տեր,

Գերաշնորհ և հոգեշնորհ հայրեր և սիրելի ներկաներ:

Այսօր այս նվիրական հարկի տակ հավաքվել ենք ուրախ հանդիսությամբ փակելու ս. Էջմիածնի հոգևոր ճեմարանի 1978—1979 ուսումնական տարեշրջանը:

Հուզիչ է պահը ուսանողներին համար, որովհետև պատմության գիրկն է անցնում մեր պատանեկության ամենաքաղցր տարիներից մեկը: Սակայն հոգումս հետ միասին մենք միաժամանակ ուրախ ենք:


Վեհափառ Տեր, ինչպես գիտեք, ճեմարանը այս տարի իր հերթական նոր հունձքը տվեց: Այդ հունձքը բարի է ու առատ:

Գ լսարանի ութ երիտասարդ սարկավագներս արդեն վերջացրել ենք տարեկան կուրսային և ավարտական քննությունները, որով այս ամսվերջի հաճելի հանդիսությունը մեզ համար է՝ նաև հրաժեշտի հանդիսություն:

Դժվարանում ենք հավատալ, որ այնս ամեն օր չենք մտնելու այս նվիրական հարկից ներս, չենք լսելու զանգի դողանքը, չենք նստելու նորից գրասեղանների ստաշ և չենք լսելու մեր ուսուցիչների դասախոսությունները:

Երիտասարդ պատանիներ էինք մենք, երբ ոտք դրեցինք ճեմարանի այս հարկից ներս՝ տարված ապագայի հույսերով:

Ս. Էջմիածնի վանական մթնոլորտի մեջ մենք անցկացրեցինք մեր ուսումնառության քեղուն վեց տարիները: Ս. Էջմիածինը հանդիսացավ մեր հոգու, մտքի և սրտի



ԱՄՆԱՎԵՐՋԻ ՀԱՆՐԱՍՏԱՅԻՆ ԱՎԱՐՏԻՆ ՎԵՂԱԾԱՆԻ ՀԱՅՐԱՊԵՏԸ՝ ՇՐՋԱՊԱՏՎԱՆ ՀՐԳԵՎՈՐ ԺԵՄԱՐԱՆԻ
ՏԵՄՉԱԿԱՆ-ԴԱՄԱՌՈՍԱԿԱՆ ԿԱԶՄՐՎ ԵՎ ՌԱՍԱՆՈՐՈՒԹՅԱՐԲ (1979 թ. հունիսի 15)

խանձարուրը: Ծեմարանի հարկի տակ ճանաչեցինք և սիրեցինք հայ եկեղեցին, մեր մշակույթն ու գրականությունը և հոգևոր արժեքները:

Այսօր, այս հանդիսավոր պահին, իմ շրջանավարտ եղբայրների կողմից հայտնում եմ մեր որդիական երախտագիտության ջերմ զգացումները Վեհափառ Հայրապետին, որ է «Զորագլուխն Առաքինեաց» մեր սուրբ եկեղեցու հոգևոր դասի:

Վեհափառ Տեր, Դուք, հակառակ Ձեր բազմազբաղ փիճակին, մեզ երկու տարի դասավանդեցիք մի շարք առարկաներ, և մենք մոտիկից զգացինք և տեսանք մեր մկառմամբ Ձեր ցույց տված հայրական խնամքն ու հոգատարությունը, որի համար մի անգամ ևս հայտնում ենք մեր որդիական երախտագիտության զգացումները:

Շրջանավարտ իմ եղբայրների կողմից երախտագիտական խոսք ունեմ ասելու նաև հոգևոր ճեմարանի տեսչությանը՝ գլխավորությամբ տեր Հովհաննես ավգ. քհն. Մարության: Տեսչությունն էր, որ միշտ մեզ հիշեցնում էր մեր պարտականությունները և ամեն ջանք էր թափում, որ մեր ուսումնառության տարիները, ամիսները և օրերը անցեն ամենայն կամոնավորությամբ և հետաքրքիր:

Այս հանդիսավոր պահին կարելի՞ է արդյոք մոռանալ մեր սիրելի և հարգելի դասախոսներին, մի խումբ պատրաստված մշակներին, որոնք գիտակից իրենց պաշտոնին ու կոչմանը, հանձն առան զարդարելու մեզ իրենց իմացական, բարոյական շնորհներով ու կարողություններով, առատապես բաշխեցին մեզ գիտելիքներ, սովորեցրին մեզ հավիտենական ճշմարտություններ և, վերջապես, հասցրին մեզ այս ցանկալի հանգրվանին:

Անսահմանորեն երախտապարտ ենք ձեզ, սիրելի ուսուցիչներ:

Վեհափառ Տեր, մենք, որպես «Անձինք նուիրեալք», որոշել ենք մեր երիտասարդ ու խոստումնալից կյանքը ընծայել Մայր Աթոռի և հայ եկեղեցու ծառայության սրբազան գործին: Եվ հույս ունենք, որ ծամանակի ընթացքին Ձեր հայրական իմաստուն և հոգատար ղեկավարության ներքո՞նք ուժ և նոր կորով կբերենք այս դարավոր հաստատությանը, որ Մայր Աթոռ սուրբ Էջմիածինն է, և նրա միջոցով՝ հայ եկեղեցուն:

Իսկ այժմ, Վեհափառ Տեր, խորին ակնածանքով Ձեզ ենք դիմում, որ Ձեր սուրբ աղոթքները վերադառնա Մայր Աթոռի հաստատության ու հարատևության համար, միաժամանակ Ձեր հայրապետական օրհ-

նությունը շնորհեք մեզ, որ դառնանք արժանավոր հետևորդները այս սուրբ հաստատության առաքինի և վաստակաշատ հին միաբանների, ապրենք ու Էջմիածնի հովանու տակ և զարգանանք ու լուսավորվենք նրա ճառագայթած երկնային լույսով: Վստահեցնում ենք Ձերդ Սրբությանը և մեր դասախոսական կազմին, որ մեր վրա դրված հույսերը կարողացնենք Աստծու հովանավորությամբ և Ձեր առաջնորդությամբ կդառնանք Մայր Աթոռ ու Էջմիածնի հարգատ օգուտները:

Այս զգացումներով, Վեհափառ Տեր, թույլ տվեք ուսանողների անունից համբուրել Ձեր սուրբ Աջը և մաղթել Ձեզ բեղմնավոր նորանոր տարիներ:

Վերակենդան գեղարվեստական բաժինը, ճեմարանի սաները միասին ասմունքեցին Պարույր Սևակի «Եռանայն պատարագ»-ը, որի երաժշտա-գեղարվեստական ձևավորումը կատարել էին հոգևոր ճեմարանի դասախոսներ Խորեն Մելիսանջյանը և Երվանդ Մելքոնյանը: Այն ներկայացնելու կերպը նորություն էր: Ծեմարանի սաները խմբված բեմի անկյունում, կարծես մարմնավորում էին հայությանն ու նրա պատմությունը: Հաղորդականությունը կատարյալ էր: Մենասացները խորը հուզումով արտասանում էին Ասք-ի ներշնչյալ հատվածները, որոնց որևէ մեկ հայ անկարող էր ունկընդրել՝ առանց սարսուռ ապրելու իր հոգում և մաշկի վրա: Մերթ ընդ մերթ, ըստ իմաստի եզրահանգման, Ասքն ընդհատվում էր Կոմիտաս վարդապետի և այլ երգահանների, ժողովրդական կամ հայրենաշունչ երգերով, որոնք հնչում էին մերթ թախծալի ու քնքույշ, իսկ երբեմն՝ հզոր ու հաղթարշավ, և այդ բոլորը միասին կարծեք կազմում էին գեղարվեստական մի կոտ ամբողջություն:

Հիմնական թեման արտասանվում էր բազմաթիվ կրկնումներով, տարբեր ասմունքողների կողմից, որն ստանում էր անթափանցելի մի խորհրդավորության կերպարանք: Զայնարկողները թվում էր, թե այնևս արտասանողները չէին, այլ ողջ հայությունը՝ անհատ առ անհատ, սերունդ առ սերունդ՝ հառնած իր ողջ պատմությամբ՝ անցյալ, ներկա, այն... ապագա, և որի մեջ մասնավորաբար զգացվում էր ազգային հավաքական միակամությունը և համերաշխությունը:

Վեհափառ Հայրապետը Իր փակման խոսքում մասնավորաբար անդրադարձավ դրան և շնորհավորեց կատարողներին և կազմակերպիչներին, խորապես գնահատեց այն:

Հոգևոր ճեմարանի վերադառնալ տ. Հովհաննես ավագ քհն. Մարությանը Վեհափառ Հայրապետին ներկայացրեց 1978—79 ուսումնական տարվա հետևյալ զեկուցագիրը.

«Վեհափառ Տեր,

Գերաշնորհ և հոգեշնորհ հայրեր, սիրելի դասախոսներ, ուսանողներ և ներկաներ:

Դեռ երեկ էր կարծեք, որ այս նվիրական հարկի տակ Ձերդ Սրբության օրհնությամբ կատարեցինք ա. Էջմիածնի հոգևոր ճեմարանի 1978—1979 ուստարվա քացումը և այսօր նույն հարկի տակ հավաքվել ենք ամփոփելու համար արդեն պատմություն դարձած այս ուսումնական տարեշրջանի արդյունքները:

Հոգևոր ճեմարանի սաներ

1978—1979 ուստարվա սկզբում ա. Էջմիածնի հոգևոր ճեմարանը ունեցել է 37 ուսանողներ, որից 14-ը՝ նոր ընդունվածներ:

Նոր ընդունված ուսանողների թվին կարելի է ավելացնել ԱՄՆ-ից եկած Գրիգոր Դուրգարյանին և Տիգրան Արդալյանին, որոնք որպես ազատ ունկնդիր մասնակցել են որոշ դասերի՝ մայրենի լեզվի մեջ ավելի հմտանալու համար: Կրոնական առարկաներին և եկեղեցական երաժշտությանը մասնակցել են նաև քահանայացուներ Խաչիկ արկ. Ֆրանգյանը և Օմիկ արկ. Լուսարյանը:

Ուսումնական տարեշրջանի ընթացքում քանակ են մեկնել 2 ուսանողներ, իսկ 4 ուսանողներ՝ հեռացել:

Հոգևոր ճեմարանի ուսանողների քանակը ըստ դասարանների այսօր հետևյալն է.

Գ լսարան՝	8 ուսանող
Բ լսարան՝	5 ուսանող
Գ դասարան՝	8 ուսանող
Ա դասարան՝	10 ուսանող
ընդամենը՝ 31 ուսանող:	

Ուսանողներից 18-ը օտարահպատակներ են՝ Լիբանանից, Սիրիայից և Ռումինիայից, իսկ մնացած 13-ը՝ Հայաստանի զանազան շրջաններից:

Այս տարի չենք ունեցել Ա լսարան և Բ դասարան:

Իրենց ճեմարանական ուսումը հաջողությամբ են ավարտել Գ լսարանի 8 ուսանողներ (Վաչագան արկ. Ավետիքյան, Խաչիկ արկ. Խարազյան, Հովհաննես արկ. Ղազարյան, Խաչիկ արկ. Մարտիրոսյան, Արա արկ. Շուկյան, Հովսեփ արկ. Պալլոզյան,

Վահրամ արկ. Տերտերյան, Հրաչ արկ. Օղյուզյան): Տրված է նրանց դիպլոմային համապատասխան թեմաներ: Հոգևոր ճեմարանի տեսչությունը հուսով է, որ նրանք բոլորն էլ ժամանակին կպաշտպանեն իրենց դիպլոմային աշխատանքները և կըստանան ավարտական վկայականներ:

Դասախոսական կազմ

Հոգևոր ճեմարանի տեսչությունը ուրախ է նշելու, որ այս տարի տ. Սիոն արքեպիսկոպոս Մանուկյանը սիրով հանձն առավ օգտակար լինել մեր ճեմարանի սաներին՝ ստանձնելով լսարանական բաժնում կրոնական մի շարք առարկաների դասավանդումը:

1978—1979 ուսումնական տարեշրջանի ուսուցչական կազմը հետևյալն է:

Ն. Ս. Օծություն Տ. Տ. Վազգեն Ա կաթողիկոս Ամենայն Հայոց, գերշ. տ. Սիոն արքեպիսկոպոս Մանուկյան, տ. Հովհաննես ավագ քահանա Մարության, տ. Եղիշե քհն. Մարգիսյան, տ. Արտակ քհն. Սիմոնյան, Ստեփան արկ. Ջազարյան, Պետրոս արկ. Սարգիսյան, պրն. Արթուր Հատիսյան, պրն. Պարգև Ծաֆրազյան, պրն. Սիմոն Կրկյաշարյան, պրն. Երվանդ Մեկրնյան, պրն. Բարսեղ Թաշճյան, պրն. Խաչատուր Ներսիսյան, պրն. Խորեն Մեյխանեջյան, պրն. Հայկ Ֆրունջյան, պրն. Ռուբեն Կարապետյան, պրն. Թադեոս Ամարյան:

Հոգևոր ճեմարանի տեսչական կազմը հետևյալն է.

Տ. Հովհաննես ավագ քահանա Մարության՝ տեսուչ, տ. Արտակ քահանա Սիմոնյան՝ ավագ վերակացու, պրն. Վարդավառ Սիմոնյան՝ վերակացու, պրն. Բարսեղ Թաշճյան՝ հաշվապահ-քարտուղար, պրն. Հենրի Բալյան՝ գրադարանավար:

Հոգևոր ճեմարանի թժիշկն է պրն. Հրաչիկ Մանուկյանը:

Վեհափառ Հայրապետի ցանկությամբ այս տարի ևս հրավիրվեց տիկ. Ռոզա Ղալաջյանը՝ Գ լսարանի ուսանողներին մեքենագրության դասեր տալու համար:

Հոգևոր ճեմարանի տեսչությունը, դասախոսական կազմը իրենց կարելին արեցին՝ ճեմարանի սաներին ոգի, հավատք ներշնչելու:

Ուսումնական և ներքին կյանք

Այս տարի ճեմարանում տեղի են ունեցել հետևյալ հանդիպումները և զեկուցումները:

1.—Ձեկուցում Նոր Կտակարանի ուսումնասիրման մեթոդը օտար ուսումնական

հաստատություններում»։ զեկուցող՝ տ. Հայկազուն արեղա Նաջարյան (Լոնդոն)։

2.—Ջրույց՝ Մայր տաճարում մոր տեղադրված երգեհոնի առանձնահատկությունների մասին. պրն. Պերն Ժամկոչյան (ԱՄՆ)։

3.—Ջեկուցում՝ «Հայագիտության զարգացումը Ծվեյցարիայում»։ զեկուցող՝ լեզվաբան-հայագետ Ռոբերտ Կոտել (Ֆրանսիա)։

4.—«Ռուսաստանի հետ Արևելյան Հայաստանի միավորման 150-ամյա հոբելյանի առթիվ»։ զեկուցող՝ հոգևոր ճեմարանի դասախոս պրն. Սիմոն Կրկյաշարյան։

5.—Նոր տարվա տոնակատարություն։

6.—Վարդանանց տոնակատարություն. զեկուցող՝ տ. Եղիշե քհն. Սարգիսյան։

7.—«Հավաքչական աշխատանքը Մատենադարանում» (Գումապատկերների ցուցադրումով)։ զեկուցող՝ պատմական գիտությունների թեկնածու Բաբգեն Չուգասըզյան։

8.—«Հայոց եկեղեցու և հայ համայնքների իրավական փոփոխությունները 15—17-րդ դարերում, մահմեդական տիրակալության շրջանում»։ զեկուցող՝ պատմական գիտությունների դոկտ., պրոֆ. Հակոբ Փափազյան։

9.—«Հակոբիկյան եկեղեցի. ինչո՞ւ է կոչվում Հակոբիկյան և նրա՝ հայ եկեղեցու հետ ունեցած հարաբերությունները»։ զեկուցող՝ պատմական գիտությունների թեկնածու Հայկ Մելքոնյան։

10.—«Էջմիածնի վանքը 18-րդ դարի վերջին տասնամյակներին և Ղուկաս Կարանցի կաթողիկոսի գործունեությունը»։ զեկուցող՝ պատմական գիտությունների դոկտոր Վարդան Գրիգորյան։

11.—«Ուրարտու և Հայաստան» (Մշակույթի ժառանգության հարցի շուրջ)։ զեկուցող՝ պատմական գիտությունների թեկնածու Գևորգ Տիրացյան։

12.—«Տիգրանի կաթողիկոսությունը և նրա կապերը հայ եկեղեցու հետ»։ զեկուցող՝ պատմական գիտությունների թեկնածու Հայկ Մելքոնյան։

13.—Միամանդոյի 100-ամյակին նվիրված գրական-երաժշտական երեկո՝ Գ լսարանի սարկավագ ուսանողների նախաձեռնությամբ։

14.—Ջեկուցում առողջապահությանը նվիրված. զեկուցող՝ վաստակավոր բժշկուհի Թամարա Ավետիսյան։

Բացի վերոհիշյալ զեկուցումներից և գրույցներից գրեթե ամեն չորեքշաբթի Գ լսարանի և երբեմն էլ Բ լսարանի սաները մասնակցել են Վեհարանում միաբանական

հավաքույթներին և կազմակերպված զեկուցումներին, որոնց ներկա էր լինում նաև Հայոց Հայրապետը։

Այս տարի ուսանողները եռօրյա ձմեռային պտույտի են մեկնել Ծաղկաձոր, միօրյա պտույտի՝ ս. Գեղարդ վանք։ Եղել են Սարդարապատի մորաքաղաքագրական թանգարանում, Երևանի պետական պատկերասրահում, Մեծամորի թանգարանում և այլն։ Իսկ հունիս 18-ից 21-ը հոգեվոր ճեմարանի ուսանողությունը և դասախոսական կազմը մեկնելու են Իջևան՝ 4-օրյա պտույտի։ Այցելելու են Հաղարծնի, Գոշա, Մակարա վանքերը և այլ հիշարժան հուշակոթողներ։

Ուսանողներին հաճախ տարել ենք Կինո, թատրոն, կրկես, երաժշտական ներկայացույթներ։ Ուշադրություն ենք դարձրել ուսանողների ֆիզիկական կոփվածությանը։ Նրանք զբաղվել են ֆուտբոլով, բասկետբոլով և այլն։

Վեհափառ Տեր, մոր եք վերադարձել Մայր Աթոռ ս. Էջմիածին՝ Ֆրանսիա կատարած Ձեր հովվական այցելությունից, և ահա Ձեր զավակների շրջապատում եք։ Ձեզ միշտ ուրախացրել են ճեմարանի սաների հաջողությունները։

Ճեմարանում ուսումնա-դաստիարակչական գործը մեր ցանկացած բարձրության վրա չի եղել։ Ճեմարանի ներսում երբեմն կարգապահությունը ևս խախտվել է։ Որոշ ուսանողներ իրենց անցյալի հոռի սովորություններից հեշտությամբ չեն կարողացել ձեռքազատվել։ Նրանց թերությունների, հանցանքների համար միշտ դիմել ենք դաստիարակչական համոզչական մեթոդին։ Խրատել ենք անձամբ, նրանց թերությունները ուսանողների ներկայությամբ քննարկել ենք, եղել ենք խիստ և, անհրաժեշտության դեպքում՝ մանկավարժական ժողովների նյութ դարձրել այդ սալաքարումները, որպեսզի մեր որոշումների մեջ լինենք արդար։ Անշուշտ մեծ անկարգություններ չեն եղել։ Եղածները տղայական, երբեմն անգիտակցաբար կատարված զանցանքներ են եղել, որոնց կողքով անտարբեր չենք անցել՝ միշտ դիմելով համոզման, դաստիարակման մեթոդին։

Սիրելի սաներ, շուտով ձեզանից շատերը կմեկնեն արձակուրդի իրենց տները։ Մայր Աթոռ ս. Էջմիածնի սերը և Ամենայն Հայոց Հայրապետի օրհնությունը տարեք ձեր հետ։ Միշտ հիշեցեք, որ դուք Էջմիածնի զավակներն եք։

Այս առթիվ մեր շնորհակալությունները նաև Մայր Աթոռի միաբանությանը, պաշտոններին, բարերարներին, բոլոր նը-

րանց, որոնք իրենց նյութական և բարոյական միջոցներով օգնեցին մեզ հեշտացնելով մեր աշխատանքները հոգևոր ճեմարանից ներս:

Այս համատու գեկուցագիրը վերջացնելուց առաջ թույլ տվեք, Վեհափառ Տեր, հոգևոր ճեմարանի տեսչության և դասախոսական կազմի անունից շնորհակալություն հայտնել Ձերդ Սրբությանը, որ Իր գահակալության 24 տարիների ընթացքում էլ, որպես ուսուցչապետ, ղեկավարել է ու Էջմիածնի հոգևոր ճեմարանը և դասական-դեղ մեր սաներին:

Ի դիմաց տեսչության և դասախոսական կազմի թույլ տվեք համբուրել Ձեր ու Աջը՝ մաղթելով Ձեզ քաջատոկություն և բեղմնավոր նորանոր տարիների՝ ի պաշտառություն Մայր Աթոռ ու Էջմիածնի և հոգևոր ճեմարանի:

Ձեկուցագրի ընթերցումից հետո տեղի ունեցավ մրցանակաբաշխություն: Ուսման մեջ առաջին մրցանակի արժանացան Հրաչ արկ. Օղյուզյանը (Գ լսարան), Հայկ Զիլնգիրյանը (Բ լսարան), Պետրոս Ասողյանը (Գ դասարան), Հարություն Թապալյանը (Ա դասարան):

Երկրորդ մրցանակի արժանացան Վահրամ արկ. Տերտերյանը և Վաչագան արկ. Ավետիքյանը (Գ լսարան), Բորիս Մալյանը և Նշան Քիրեմիջյանը (Բ լսարան), Վարդան Բաղդասարյանը և Ստեփան Կարապետյանը (Գ դասարան), Վարդան Մըկերտչյանը, Զարեհ Քենդիրջյանը և Տիգրան Զուլֆայանը (Ա դասարան):

Կարգապահության և վարքի համար մրցանակի արժանացավ Հովհաննես արկ. Վազարյանը (Գ լսարան):

Կոմիտաս վարդապետի անվան երաժշտական առաջին մրցանակով (150 ու.) պարգևատրվեց Խաչիկ արկ. Մարտիրոսյանը, իսկ երկրորդ կարգի մրցանակով (100 ու.)՝ Վահրամ արկ. Տերտերյանը (Գ լսարան):

Ապա տեսչ տեղի հայրը սիրով հրավիրեց Վեհափառ Հայրապետին՝ փակման խոսք ասելու և Իր օրհնությունը տալու ճեմարանի սաներին:

Վեհափառ Հայրապետը հետևյալ խոսքն ուղղեց ուսանողությանը.

Ֆրանսիա կատարած Մեր հովվական այցելությունից վերադարձին Մեզ համար հաճելի ու մխիթարական է այսօր այստեղ ներկա լինել հոգևոր ճեմարանի ամսվերջի հանդիսությանը: Մենք անցնող քառնորս տարիների ընթացքում միշտ ուրախությամբ

և գոհունակությամբ մասնակցել ենք ճեմարանի հանդիսություններին:

Մեր գոհունակությունն ենք հայտնում նախ այսօրվա հանդիսության գրական-և-րաժշտական Ասք-ի փառքում կատարման համար, Ասք, որը պատրաստել էին երկու դասախոսներ՝ Խորեն Մելիսանեյանն ու Երվանդ Մելքոնյանը: Մեր գնահատանքն ու օրհնությունը նրանց: Մաղթում ենք, որ նման գեղարվեստական Ասք-եր միշտ կատարվեն ճեմարանի հարկի տակ:

Մեր գնահատանքն ու շնորհավորանքը նաև հոգևոր ճեմարանի տեսչին՝ տ. Հովհաննես ավագ քահանա Մարտիրոսին, դասախոսական կազմին՝ իրենց բարեխիղճ և ազնիվ ուսումնադաստիարակչական, կրթական աշխատանքի համար: Նրանք ուսումնական ողջ տարվա ընթացքին խղճի մտոք կատարեցին իրենց պարտականությունները և մեր ուսանողությանը ջանքեցին գիտություն ու ներշնչեցին հավատք ու ոգի իրենց ապագա հոգևոր առաքելության համար:

Մեր օրհնությունը նույնպես ճեմարանի ուսանողությանը, մեր սիրելի սաներին:

Մանավանդ Մեր օրհնությունը Գ լսարանի շրջանավարտ ութ սարկավագներին, որոնց անունից գեղեցիկ ու բովանդակալից ճառ ասաց Խաչիկ տարկավագ Խաբազյանը, և հանուն իր դասընկերների խոստումներ էլ տվեց իրենց ապագա հոգևոր սպասավորության: Մեզ համար մխիթարական է և հուզիչ լսել նման խոստումներ: Հավատացած ենք, որ այդ խոստումները ներքին ճշմարիտ սպրտման հարազատ արտահայտություններն էին: Սակայն էականը ոչ թե միայն նման հանդիսավոր առիթներով խոստումներ կատարելն է, այլ դրանք կյանքի կոչելը, գործի վերածելը: Դժվարին մասը հենց այդ է: Անցյալում, նման առիթներով տրված խոստումներից ոչ բոլորն են հարգվել: Մեր մաղթանքն այն է, որ դուք, սիրելի շրջանավարտ սարկավագներ, տերը մնաք ձեր տված խոստումների: Այսօր մեր ժողովուրդը և՛ հայրենիքում, և՛ ափսոսքի տարածքի վրա կարիքն ունի հավատալիք, գիտակից և հալոնաճար երիտասարդ հոգևորականների, որոնք սիրեն հոգևոր ծառայության սուրբ գործը, առանց ծուլանալու նվիրումով աշխատեն Տիրոջ անդաստանի մեջ, չառաջնորդվեն անձնական շահերով, հարստանալու տենչով: Հաստատում ենք, որ երբ հոգևորականը ծրաշան է ու կարգապահ, նվիրված իր պարտականություններին, այնտեղ եկեղեցին պաշտոն է, ժողո-

վորդը՝ մխիթարված: Կա, թափայն, այս հուսադրիչ երևույթի նաև հակառակ պատկերը: Մեր այս հաստատումն աքտահայտվում է մաթեմատիկ ճշգրտությամբ մի քիչ, ամեն տեղ, և՛ այստեղ՝ Մայր Աթոռում, և՛ սփյուռքի մեր եկեղեցական կյանքում:

Սիրելի շրջանավարտ սարկավազներ, տերը եղեք ձեր խոստումի, որպեսզի պարզերես ու համարձակ ներկայանաք մեր ժողովրդին, որը կարիքն ունի ձեր կենդանի խոսքին և մանավանդ ձեր օրինակելի, ճշմարիտ հոգևորականի կյանքի օրինակին:


Ուրախ ենք, որ ձեր ճեմարանական-ավարտական քննությունները հաջողությամբ տվեցիք: Բայց այդ դեռ բավական չէ: Բուն քննությունը պիտի տաք կյանքի մեջ, ձեր ապագա ծառայության գործի դաշտում: Կատարենք, որ այդ բախտորոշ քննության մեջ էլ հաջողակ լինեք՝ ի մխիթարություն Մեր արտի:


Այնուհետև Հայոց Հայրապետը համառոտակի անդրադարձավ ֆրանսահայ համայնքի կրթական, դպրոցական կյանքին, որը նույնքան կարևոր է համայնքի հայապահպանման համար, ինչպես եկեղեցին:

Վեհափառ Հայրապետը համառոտակի պատմեց ֆրանսահայերի կրթական, դպրոցական կյանքի մասին և շեշտեց, որ այն լավ կազմակերպվելը նույնքան կարևոր է հայապահպանման համար, որքան կրոնաեկեղեցական գործունեությունը: Խոսելով հոգևորականներին վերապահված դերի մասին ադ առաքելության մեջ ևս, Նորին Արքեպիսկոպոսը գոհունակությամբ նշեց, որ Դիոնիսիայում կան նաև ս. Էջմիածնի հոգևոր ճեմարանից շրջանավարտված հոգևորականներ, որոնք գիտակցությամբ և նվիրումով են կատարում իրենց հոգևոր պարտականությունները:

Հանդեսն ավարտվեց Վեհափառ Հայրապետի «Պահպանիչ»-ով և «Հայր մեր»-ով: Այսպիսով հոգևոր ճեմարանը փակեց իր դռները 1978—79 ուսումնական տարեշրջանից հետո ամառային արձակուրդների համար: Հույսով ենք, որ սաները կրկին հանգստի մի լավ շրջան՝ վերսկսելու համար իրենց ուսումը առաջիկային՝ ավելի թարմացած, առույգացած և ուսման ավելի բեռ ծարավով:

ԳՐԻԳՈՐԻՍ ՎԱՐԴԱՊԵՏ ԲՈՒՆԻԱԹՅԱՆ





ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 1-ին, ուրբաթ.—Այսօր Կ. Պոլսից ուխտավորաբար Մայր Աթոռ ժամանեցին Բեյօղլուի և Երրորդություն եկեղեցու տ. Բարթող ավագ քին. Խրքաճյանը և Կ. Պոլսի պատրիարքարանի պաշտոնյա պրն. Բագրատ Սեմերճյանը:

Հունիսի 3-ին, կիրակի.—Հոգեգաղութ (Ենտեկոստե, յիսներորդ օր ի Ջատկեն).

Այսօր Մայր տաճարում, մեծ տոնի առիթով, Ավագ խորպնի վրա, հանդիսավոր և սրտառագ է մատուցում Մայր տաճարի լուսարարապետ տ. Հուսիկ արքեպ. Սանթրոյանը:

Հունիսի 10-ին, կիրակի.—Ա. կիրակի զկնի Հոգեգալստեան: Սկիզբն Յարութեան կիրակեից: Յիշատակ Եղիայի մարգարեին.

Այսօր Մայր տաճարում, Ավագ սեղանի վրա, ս. պատարագ է մատուցում ուխտավորաբար Մայր Աթոռում գտնվող տ. Բարթող ավագ քին. Խրքաճյանը:

Հունիսի 11-ին, երկուշաբթի.—Տօն սրբոց կուսանացն Հոփսիսմեանց.

Այսօր ս. Հոփսիսմե վանքի տաճարում ս. պատարագ է մատուցում տ. Կոմիտաս արեղա Հովնանյանը և «Հայր մեր»-ից առաջ քարոզում «Եւ լցան ամենեքեան Հոգով սրբով, եւ սկսան խօսել յայլ լեզուս՝ որպէս և Հոգին տայր քարքառել անցա» (Գործք Բ 4) բնաբանով:

Հաւարտ ս. պատարագի կատարվում է հոգեհանգստյան մասնավոր պաշտոն՝ վանքի վերակառուցման քարերարներ Հյուսիսյան և Մանուկյան զերդատանների մեջեջյալների հիշատակին:

Հունիսի 12-ին, երեքշաբթի.—Տօն սրբոց կուսանացն Գայիանեանց.

Այսօր ս. Գայանե վանքի տաճարում ս. պատարագ է մատուցում վանքի վանահայր տ. Գորգեն քին. Աշուրյանը և «Հայր մեր»-ից առաջ քարոզում «Զօրք հրեշտակաց ընդ մարդկան տօնեցին. եւ կանայք ի յեր-

կինս գրեցան զինաւորք. կուսութեամբ ընդ մահու պատերազմեալք յաղթեցին. խաչակից լինելով կուսածին Արարչին» («Անձիւք նուիրեալք» շարական) բնաբանով:

Հավարտ ա. պատարագի կատարվում է հոգեհանգստյան պաշտոն՝ «վասն համօրէն ննջեցեալ կաթողիկոսաց, եպիսկոպոսաց, վարդապետաց, տարկաւագաց և ամենայն ուխտի մանկանց Հայաստանեայց եկեղեցւոյ»:

*
* *

Հունիսի 14-ին, հինգշաբթի.—Տօն սրբոյն Յովհաննու Կարապետին և Աթանագինեայ եպիսկոպոսին:

Այսօր ա. Շողակաթ տաճարում ա. պատարագ է մատուցում վանքի վանահայր տ. Գրիգոր քհն. Փանոսյանը և «Հայր մեր»-ից առաջ քարոզում «Տէր լոյս իմ և կեանք իմ, ես յումէ երկեայց. Տէր ապաւեն կենաց իմոց, ես յումէ դողացայց (Սաղմոս ԻԶ 1) բնաբանով):

*
* *

Հունիսի 16-ին, շաբաթ.—Տօն սրբոյն Գրիգորի Լուսաւորչին մերոյ ելն ի վիրապէն:

Այսօր Մայր տաճարում, Իջման ա. սեղանի վրա, ա. պատարագ է մատուցում տ. Արտակ քհն. Սիմոնյանը:

*
* *

Նոյն օրը, ժամը 12-ին, Վեհարանում տեղի է ունենում Գերագույն հոգևոր խորհրդի հերթական նիստ, որի ընթացքում Վեհափառ Հայրապետը համառոտակի խոսում է վերջերս Ֆրանսիա կատարած հովվապետական Իր այցելության տպավորությունների մասին:

*
* *

Հունիսի 17-ին, կիրակի.—Բ կիրակի զկնի Հոգեգալստեան: Տօն կաթողիկէ ա. Էջմիածնի:

Մայր Աթոռի տոնի առիթով այսօր Մայր տաճարում, Ավագ խորանի վրա, ա. պատարագ է մատուցում տ. Գրիգորիս վրդ. Բունիաթյանը: «Հայր մեր»-ից առաջ «Էջ Միածինն ի ձօրէ եւ լոյս փառաց ընդ մմա» (շարական) բնաբանով քարոզ է խոսում Վեհափառ Հայրապետը՝ շեշտելով սուրբ Էջմիածնի՝ դարերի ընթացքում կատարած

եկեղեցական, հոգևոր, ազգային, հայրենասիրական, մշակութային և կրթական մեծ դերի մասին: Ապա խոսում է վերջերս Ֆրանսիա կատարած հովվապետական Իր ուղևորության տպավորությունների մասին:

Հավարտ ա. պատարագի Հայոց Հայրապետի նախագահությամբ կատարվում է «մաղթանք ա. Էջմիածնի»:

*
* *

Հունիսի 18-ին, երկուշաբթի.—Այսօր, առավոտյան, հոգևոր ճեմարանի ուսանողությունը, տեսչական ու դասախոսական կազմի հետ միասին, չորսօրյա շրջապտույտի է մեկնում դեպի Իջևան՝ այցելելու համար այդ շրջանի պատմական վանքերը, եկեղեցիները և այլ հուշարձաններ:

*
* *

Հունիսի 19-ին, երեքշաբթի.—Այսօր, առավոտյան ժամը 10-ին, Մայր Աթոռ է այցելում ֆրանսահայ ուխտավորների մի մեծ խումբ, որը, Մայր տաճարում իր ուխտն ու աղոթքը կատարելուց հետո, Վեհարանում ընդունվում է Հայոց Հայրապետի կողմից և աջահամբույրով ստանում Նրա օրհնությունը:

*
* *

Հունիսի 20-ին, չորեքշաբթի.—Այսօր, ժամը 15-ին, Վեհարանում տեղի է ունենում Հայոց Հայրապետի հանդիպումը Մայր Աթոռի միաբանության, մայրավանքի պաշտոնեական հետ:

Հանդիպմանը ներկա էին նաև Երևանի ա. Սարգիս և ա. Հովհաննես եկեղեցիների եկեղեցական խորհուրդների անդամները և քահանայից դասը՝ գլխավորությամբ Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանի:

Սույն հանդիպմանը հրավիրված էին նաև Մայր Աթոռին առընթեր ճարտարապետների և իրավաբանական հանձնաժողովների անդամները և այլ հրավիրյալներ՝ շուրջ 60 հոգի:

Հանդիպման բացումը կատարում է Գերագույն հոգևոր խորհրդի ատենապետ տ. Սիոն արքեպ. Մանուկյանը և նշում սույն հանդիպման կարևորությունն ու նշանակությունը: Ապա արբազան հայրը հրավիրում է Հայրապետական շքախմբի անդամ և ուղևորության ժամանակ Նորին Սուրբ Օծության քարտուղար ու ֆրանսերեն լեզվի թարգման Կրն. Պարզև Շահբազյանին, ո-

րը համառոտակի, բայց ամբողջական ձևով ներկայացնում է այդ ուղևորության ժամանակագրական օրագրությունը՝ մայիսի 3-ից մինչև հունիսի 11 օրերը ներառյալ:

Այնուհետև տ. Սիոն արքեպիսկոպոսը հրավիրում է Հայոց Հայրապետին՝ Իր խոսքը ասելու ուղևորության մասին:

Նորին Սուրբ Օծությունը ավելի քան մեկ ժամ տևող Իր բովանդակալից և հետաքրքիր զեկույցի մեջ վեր է հանում հայրապետական այդ ուղևորության հոգևոր, եկեղեցական, ազգային-հայրենասիրական նշանակությունը ֆրանսահայ համայնքի մեր օրերի տարեգրության մեջ:

Հայոց Հայրապետը խոսում է նաև իր հանդիպումների մասին Ֆրանսիայի կաթոլիկ բարձրաստիճան հոգևորականների, նրանց հետ ունեցած էկումենիկ տեսակցությունների, ինչպես նաև Ֆրանսիայի պետական բարձրաստիճան անձնավորությունների հետ:

Հայոց Հայրապետը, մասնավոր կարևորությամբ խոսում է Փարիզում, Էլիզեի պալատում, Ֆրանսիայի հանրապետության նախագահ մեծահարգ տիար Վալերի Ժիսկար դ'Էտենի հետ ունեցած Իր տեսակցության մասին:

Հայոց Հայրապետի սույն զեկույցը լսվում է մեծ հետաքրքրությամբ:


«Էջմիածին» ամսագիրը իր հաջորդ համարներում լայնորեն անդրադառնալու է Հայոց Հայրապետի Ֆրանսիա կատարած ուղևորության մասին:


Հունիսի 24-ին, կիրակի.—Գ կիրակի զկնի Հոգեգալստեան.

Այսօր Մայր տաճարում, Ավագ խորանի վրա, ս. պատարագ է մատուցում տ. Մովսիս վրդ. Սարգսյանը և «Հայր մեր»-ից առաջ բարոգում «Զամենայն ինչ փորձեցէք՝ գրարին ընկալարոք» (Թուրք սուլթանական Ս. Ե 21) բնաբանով:

Ս. պատարագին ներկա էր Վեհափառ Հայրապետը:

Հունիսի 30-ին, շաբաթ.—Այսօր, երեկոյան ժամը 19-ին, Վեհափառ Հայրապետի նախագահությամբ Վեհաքառնում տեղի է ունենում Գերագույն հոգևոր խորհրդի հերթական նիստ, որին Վեհափառ Հայրապետի հրավերով ներկա է լինում ուխտավորաբար Մայր Աթոռում գտնվող Երուսաղեմի հայոց ամենապատիվ տ. Եղիշե սրբազան պատրիարքը: Սույն նիստին ներկա են լինում նաև Արևմտյան Եվրոպայի հայրապետական պատվիրակ և Ֆրանսիայի հայոց ստաջնորդ տ. Սերովբե արքեպ. Մանուկյանը և Երուսաղեմի հայոց վանքի դիվանապետ ու Ժառանգավորաց վարժարանի ու ընծայարանի վերատեսուչ տ. Ծաֆե արքեպ. Աննյանը՝ որպես Գերագույն հոգևոր խորհրդի անդամներ, որոնք նույնպես ուխտավորաբար գտնվում էին Մայր Աթոռում:





ՀՅՈՒՄՆԱԿԱՆ ԱՄԵՐԻԿԱՅԻ ԱՐԵՎԵԼՅԱՆ ԱՌԱՋՆՈՐԴԱԿԱՆ ԹԵՄԻ 77-ՐԴ ՏԱՐԵԿԱՆ ԹԵՄԱԿԱՆ ՊԱՏԳԱՄԱՎՈՐԱԿԱՆ ԺՈՂՈՎԸ

Այս տարի, մայիսի 3—5 օրերին, գումարվում է Հյուսիսային Ամերիկայի արևելյան թեմի 77-րդ տարեկան թեմական պատգամավորական ժողովը, որը տեղի է ունենում Չեմսֆորտի (Մենտուսեց) սրբաբոց Վարդանանց հայոց եկեղեցում:

Ժողովի հյուրընկալությունը կազմակերպել էին Չեմսֆորտի ս. Վարդանանց, Հելվերսիի ս. Գրիգոր Լուսավորիչ և Լորենսի ս. Խաչ հայոց եկեղեցիները:

Մայիսի 3-ին, հինգշաբթի օրը, ժամը 10-ին, ժողովը իր աղոթքով բաց է անում Հյուսիսային Ամերիկայի արևելյան թեմի առաջնորդ տ. Թորգոմ արքեպ. Մանուկյանը, որից անմիջապես հետո կատարվում է պատգամավորների ստուգում և հաստատում:

Բարիգալստյան ուղերձի ընթերցումից հետո, հոտնկալս կարդացվում է Ն. Ս. Օ. Տ. Տ. Վազգեն Ա Սրբազնագույն կաթողիկոսի 10 մարտ 1979 թվակիր ողջույնի և օրհնության հետևյալ խոսքը:

«Ձեր Հայրապետը, մխիթարված և ուրախ սրտով կու գա իր ողջույնը և օրհնությունը բերելու ձեզի բոլորիդ, որ թեմիդ բարեջան առաջնորդ գերաշնորհ տ. Թորգոմ արքեպիսկոպոս Մանուկյանի նախագահության ներքո հավաքված եք քննարկելու և գնահատելու անցնող տարվան թեմիդ կրոնական, դաստիարակչական և մշակութային աշխատանքներու արդյունքները և մշակելու նոր ծրագիրները հետագա գործունեության:

Սշխարհագրականորեն ձեզմե թեև շատ հեռու, սակայն սրտով ձեզի բոլորիդ մո-

տիկ, քաջ ծանոթ ենք ձեր հոգեշեն ու ազգապահպան իրագործումներուն, և վստահ եղեք թե մենք ջերմապես կգնահատենք զանոնք, և կգնահատենք նաև բոլոր այն հոգևոր սպասավորները ու աշխարհական դասեն մեր ժողովուրդի զավակները, որոնք բարի եռանդով լի ու պայծառ տեսիլքներով ներշնչված, թեմիդ սրբազան առաջնորդի կողքին, համերաշխ ու միասնական ճիգերով՝ շեն և լուսաշող կապահպանեն թեմիդ աղոթքի Տուներն ու կրթական, բարեսիրական և մշակութային հաստատությունները, միշտ սուրբ պահելով անուճն ու առաքելությունը Հայաստանյայց մեր Մայր եկեղեցվույն ձեր աստվածահայաց մեծ երկրին մեջ:

Աղոթող ենք նաև որ ձեր համայնքային կյանքն ու գործունեությունը զարգանան եղբայրսիրության ու փոխադարձ հարգանքի ճամբով, ձեր առաջ դրված հարցերը ջանալով լուծել միշտ համերաշխությամբ ու խաղաղությամբ: Մեր ջերմ իղձն է և խնդրանքը ձեզի ամենուդ ուղղյալ, որ այդ ոգիով բարվոք լուծման հանգի Կանադայի շրջանի այժմու տազնապը, համաձայն 12 մարտ 1979 թվակիր Մեր հորդորներուն, ուղղյալ թեմիդ սրբազան առաջնորդ հոր:

Թող Տերը մեր բարեխնամող, օրհնե ձեզ ամենքդ և օգնական մնա միշտ, ի կատար ածելու համար եկեղեցաշեն ու ազգանվեր բոլոր նպատակները, պտղաբեր արդյունքներով:

«Այսուհետև՝ եղբարք, ողջ լերուք, հաստատուն կացեք, մխիթարեցարուք, միա-

քան լեռուք, խաղաղութիւն արարէք, և Աստուած խաղաղութեան և փրոյ եղիցի ընդ ձեզ» (Բ Կորնթ. ԺԳ 11). ամէն»:

Այնուհետև հանուն թեմական պատգամավորական ժողովի ընթերցվում է խոր հարգանքի և որդիական հավատարմության հեռագիրը՝ ողղված Վեհափառ Հայրապետին: Որից հետո ներկայացվում է 78-րդ տարեկան թեմական պատգամավորական ժողովի ատենագրությունը և կատարվում դիվանի ընտրությունը:

Ժողովավարական կանոնների ընթերցումից և օրակարգի որդեգրումից հետո, ընթերցվում են ընտրական հանձնախմբերի տեղեկագրերը:

Առաջին միատը ավարտվում է առաջնորդ արքագանի զեկույցով և պատգամավորներին քվեաթղթերի բաշխումով:

Ժողովի երկրորդ միատը գումարվում է հաջորդ օրը, մայիսի 4-ին, առավոտյան ժամը 9-ին: Նախ կատարվում է ընտրությունների քվեարկություն, ապա կարդացվում է Ա. միատի ատենագրությունը և Թեմական խորհրդի, Կանոնադրության և Առաջարկների հանձնախմբի տեղեկագրերը:

Վերջում կարդացվում է զեկույց՝ «Հայաստանյայց եկեղեցի» թեմայով:

Ժողովի երրորդ միատը, որը գումարվում է նույն օրը, մայիսի 4-ին, ժամը 14-ին, նախ ընթերցվում է երկրորդ միատի ատենագրությունը, որից հետո կարդացվում է մի զեկույց՝ «Հանգանակության արշավ» թեմայով:

Շաբաթ օրը, մայիսի 5-ին, առավոտյան ժամը 10-ին, գումարվում է հերթական՝ չորրորդ միատը, որի ընթացքում ընթերցվում են երրորդ միատի ատենագրությունը և Բյուջեի հանձնախմբի տեղեկագիրը:

Ժողովի վերջին՝ հինգերորդ միատը գումարվում է նույն օրը, ժամը 14-ին, որի ընթացքում չորրորդ միատի ատենագրությունը կարդացվելուց հետո, լսվում է ընթերցումը Գնահատության հանձնախմբի տեղեկագրի: Սույն թեմական պատգամավորական ժողովի վերջին միատում որոշվում է նաև 1980 և 1981 թվականների թեմական պատգամավորական ժողովի գումարման թվականն ու վայրը:

Հյուսիսային Ամերիկայի արևելյան առաջնորդական հայոց թեմի այս տարվա թեմական պատգամավորական ժողովը իր արդյունավետ աշխատանքները ավարտում է մայիսի 5-ին՝ առաջնորդ արքագան հոր աղոթքի և օրհնության խոսքով:



ԱՍՏՎԱԾԱԾՆՁԱԿԱՆ ՍՈՒՐԲԵՐ*

Գլուխ հիմնդրող


ՄԱՐԳԱՐԵՆԵՐ

Հին Կտակարանի կարևորագույն երևույթը նույն ինք ՄԱՐԳԱՐԵՆԵՐՆ էն: Աստվածաշունչով հայտնված կրոնքին գլխավոր տարբերությունը մյուս կրոնքներեն իր մարգարեներն են: Ստույգ է, մյուս կրոնքներն ալ ունեցած են իրենց հիմնադիր «մարգարեները», սուտ կամ իրավ. բայց անոնց թիվը սահմանափակ է. մեկ կամ երկուքը չէ անցած: Իսրայելի մարգարեները շարունակական և իրարու հաջորդող երևույթ մըն է, գրեթե լման հազար տարիներ:

Մարգարեն այն մարդն է, որ ինքզինքը կզգա գերբնական ուժի մը ազդեցության ներքև, և անով զորացած կընեն հզոր գործեր և կուտա հզոր պատգամներ: Մշմարիտ և հավիտենական Աստուծո կողմէ հայտնյալ կրոնքը սկսողներ, հիմնավորողներ և պահպանողները ասոնք եղած են:

Իր ընդհանուր և լայնագույն առումով մարգարեն են բոլոր այն մարդերը, որոնք Աստուծո հետ սերտ հաղորդակցություն ունեցած են. Աստվածաշունչի քառով՝ Աստուծո հետ «խոսած» են, կամ պատգամ մը ստացած են Անկէ: Այս իմաստով մարգա-

րեն են մեր մինչև հիմա ներկայացուցած դեմքերուն մեծ մասը, որոնք արդարև «մարգարե» անունով ծանոթ են իսլամական կրոնքին մեջ, որ քրիստոնեության պես կհավատա և կընդունի այս մարդոց



Սրբազան հեղինակը

* Ծարունակված «Էջմիածին» ամսագրի 1977 թվականի № № Է—ԺԱ-ից, 1978 թվականի № № Ա—Գ-ից և 1979 թվականի № № Բ-ից, Դ-ից և Ե-ից:

Աստուծո՞ւմե անբշնչված ըլլալու իրականությունը:

Սակայն իր մասնահատուկ իմաստով Հին Կտակարանի մեջ մարգարե կոչվին բոլոր անոնք, որ Աստուծո՞ւմե կոչվին անձի մը կամ ժողովուրդի մը պատգամ մը հաղորդելու համար: Որե՞մն այս իմաստով մարգարե՞ն ԱՍՏՈՒԾԻ ԽՈՍՆԱԿՆ Է. մեկը որ կրնա ըսել «Այսպես կրես Տեղը»: Ծշմարիտ մարգարեի մը հիմնական հատկանիշն է ըլլալ անկաշատ, անկախ և անվախ, ու վերջին ծայր հավատարիմ Աստուծո տված պատգամին:

Քրիստոնեական հավատամքի մեջ ս. Հոգիի մասին կրպի ի միջի աչոյց. «Որ խօսեցաւ յօրէնս եւ ի ՄԱՐԳԱՐԷԱՍ»: Որե՞մն Աստված խոսած է մարգարեներու միջոցով: Անոնք Աստուծո խոսքին ապաստվորներն են: Աստուծո՞ւմե պատգամներ ստանալով մարդոց փոխանցող միջնորդներ են: Մարգարեները միաժամանակ Աստուծո՞ւմե հայտնալ կրոնքը իր զտության և հարազատության մեջ պահող պաշտպաններն են, ի գին ամեն զոհողության որուն մեջ է նաև իրենց կյանքին զոհողությունը, և դիմելով ամեն միջոցի, ներառյալ հեղափոխությունը և ճշմարիտ կրոնքի թշնամիները ֆիզիքապես փնացնելը:

Հին Կտակարանը գրողները մեծագույն մասամբ ատմք են: Հրեաներ ամբողջ Աստվածաշունչը կրածնէին երեք մասերու—**Օրենք**, **ՄԱՐԳԱՐԷ** և **Մատյանք**: Օրենքը Աստվածաշունչի առաջին հինգ գիրքերն են, որոնք գերազանց մարգարեներ՝ Մովսէսէ գրված կնկարովէն. իսկ ՄԱՐԳԱՐԷ կոչվածներն են հաջորդ վեց պատմական գիրքերը—**Հեսու**, **Դատավորաց** և **Ա.—Դ. թագավորաց**—և մարգարեներու անունով ծանոթ տառանկեց գիրքերը: Իսկ **Մատյանք** կոչվածները Հին Կտակարանի մնացյալ գիրքերն են:

Հին Ուխտի մարգարեները կրնանք բաժնել երկու խումբերու. ա) **Գործիչ մարգարեներ**, որոնք մեզի գրություններ չեն ձգած. բ) **Գրող մարգարեներ**, որոնք իրենց հայտնալ պատգամները իրենց ժամանակակից սերունդին րերանացի հայտնելեն հետո, գրի կապած են զանոնք և իբրև անկորնչելի ժառանգություն ձգած են հաջորդ սերունդներին:

Կսկսինք գործիչ մարգարեներով, որոնք արդարև կկանխեն գրող մարգարեները:

21. ՍԱՄՎԵԼ

Սամվել վախճան մը և սկիզբ մըն է Հին Կտակարանի մեջ: Վերջինն է դատավորներուն և սկիզբը մարգարեներուն:

Ուխտի զաւակ է Սամվել և Աստուծո՞ւմե կոչվեցաւ մանկության շատ մատաղ տարիքին: Մայրը զայն ընծայելու ատեն կրես. «Փոխ կուտամ զայն Աստուծո՞ւմ ամբողջ իր կյանքի ընթացքին»:

Արդարև Սամվել Աստուծո՞ւմ և իր ժողովուրդի ծառայության մեջ մնաց մինչև իր մահը, որ տեղի ունեցաւ 1095 թվին նախքան Քրիստոս:

Փղշտացիներ կրկին կհարձակին իսրայելացիներու վրա և գերի կտանին անոնց գերագույն Սրբությունը, Ուխտի Տապանակը, որուն գերության լուրը իմանալով օրվան ծերացած քահանայապետը և դատավորը՝ Հեղի, կիյնաւ արթուն և կմտնի: Սամվել որ մեծցած էր անոր ձեռքին տակ, և արդեն իսկ հասունցած և ժողովրդակալություն շահած անձ մըն էր իբրև Աստուծո՞ւմ մարդը, գրեթե ինքնաբերաբար հաջորդեց անոր իբրև դատավոր Իսրայելի: Իր առաջին գործը եղաւ Աստուծո՞ւմ ճամբայեն շեղած Իսրայելը ապաշխարանքի հրավիրել և հրահանգել որ հեռացնեն իրենց մեջէն օտար աստվածները: Սամվել եզրակացուց իր պատգամը սա պարզ խոսքերով. «Տիրոջ դարձեք ձեր բոլոր արտով, զկն պաշտեցեք, ու Ան պիտի ազատե զձեզ փղշտացիներէն»: Արդարև ժողովուրդը ապաշխարեց, պահեցողություն ըրաւ խոստովանելով որ մեղանշած էր առաջի Աստուծո՞ւմ, ու կամեցան ս. Գիրքը. «Այստեղ է որ Սամվել դատել սկսաւ Իսրայելի որդիները»: Եւ ապա աղոթքով և իր ժողովուրդը խրախուսելով պարտության մատնեց փղշտացիները, որոնք այլևս չհամարձակեցան շարունակել իրենց ասպատակությունները Իսրայելի վրա ամբողջ Սամվելի դատավորության ընթացքին, որ տևեց 22 տարիներ:

Սամվել ծերացած ըլլալով իր որդիները իր տեղ դատավոր կարգեց. ատմք սակայն ապիկար և անարժան դուրս եկան, և ժողովուրդը Սամվելէն ԹԱԳԱՎՈՐ պահանջեց: Սամվել հակամալս օծեց Սալուդ, որուն գորալիզ և առաջնորդ եղաւ: Սկզբնական շրջանին Սալուդ հաջող և ժողովրդահամբ գործունեություն ունեցաւ. հետո սակայն ինկալ Աստուծո՞ւմ աչքեն ու Աստված հրամայեց Սամվելին օծել Դաւիթը իբրև ապագա թագավորոց:

Թեև Մովսէս եղաւ առաջին և գերազանց մարգարեն, բայց Իսրայելի մարգարեներու անընդհատ շարքը, կամ մարգարեական դպրոցը Սամվելով կսկսի: Իր մանկութենէն իսկ, սրտառույզ արայմաններու տակ, Աստված «կանչեց» Սամվելը և ինքզինքը և իր կամքը հայտնեց անոր: «Սամվել մեծցաւ և Աստված անոր

հետ էր, և իր խոսքերեն ոչ մեկը առանց կատարումի մնաց: Ու գիտցավ ամբողջ Իսրայելը, թե Սամվել Աստուծո հավատարիմ ՄԱՐԳԱՐԵՆ էր, և Տերը շարունակեց երևի աճոր Սելովի մեջ» (Ա. Թագ. Գ 19—21):

Մովսեսի դրած տարրական բայց հիմնական սկզբունքով կառաջնորդվելը Սամվել, և կառաջնորդել իր ժողովուրդը երբ շարունակ կրներ. «Մի խտորորիք Տիրոջմե, ծառայեցեք Աճոր ձեր բոլոր արտովը...: Տիրոջ համար ավելի հաճելի է Աճոր պատգամներուն անալը քան զոհը և ողջակեզը: Ով որ կարհամարհե տիրոջ խոսքը՝ պիտի արհամարհվի Անկե» (Ա. Թագ. ԺԵ 22—23):

Սամվելի օրով առաջին անգամ կհիշվին «Պար Մարգարեից» կամ «Եկեղեցի Մարգարեից», այսինքն մարգարեներու խումբեր կամ եղբայրություններ, որոնք միասին կապին և միասին կըրթագային և որոնք «սրինգի, թմբուկի, քնարի և փողի» նվագահարությամբ կսկսեին պարել կրոնական ու ծիսական պար մը, որու ընթացքին հափշտակումի և վերացումի պահեր կունենային ու «Վմարգարեանային»: Այս «մարգարեությունը» ուրիշ բան չէր եթե ոչ զգալ և ականատեսներուն զգացնել գերբնականի ներկայությունը: Վարակիչ բան մը ուներ այս պարը իր մեջ և կազդեր բոլոր մասնակցողներուն մինչև իսկ եթե անոնք սովորական աշխարհականներ ըլլային, ինչպես պատահեցավ քանիցս Սամվել թագավորին և իր մարդոց (Ա. Թագ. Ժ 5, բաղդ. ԺԺ 18—24): Երածշտությամբ ներշնչվելով մարգարեություն ընելը կշարունակվի մինչև Եղիսե մարգարե (բղդ. Դ Թագ. Գ 15):

«Մարգարեից եկեղեցիները» կատաղի պաշտպաններ էին ճշմարիտ Աստուծո պաշտամունքին ընդդէմ տեղական և օտար աստվածներուն: Սամվել կնկատվի ասոնց պարագլուխը (Ա. Թագ. ԺԺ 20):

Սամվել արի և աղոթանկեր անձ մըն էր: Մովսեսի պես աղոթքով հրաշքներ գործեց և օժանդակեց իր ժողովուրդի հաղթանակին (Ա. Թագ. Է 5—8): Երբ ժողովուրդը իրմե թագավոր ուզեց՝ Սամվել աղոթքով ստագավ Աստուծո պատգամը այս մասին (Ա. Թագ. Ը 6—9): Սամվելի շեղումին համար այնքան մեծ ցավ զգաց որ ամբողջ գիշերը աղոթքով անցուց (Ա. Թագ. ԺԵ 11): Հույճ և լատինք կհիշեն Սամվելը օգոստոս 20-ին:

22. ԵՂԻԱ

Կրակե մարգարեն. կրակի պես այրող ու կրակի պես մաքրող: Ուրիշ գագաթ մը Հին Կտակարանի մեջ, և ամենեն ուժեղ դեմքը մարգարեներուն: Ահագուր է արտաքին երևույթով. ահեղ է գործերով: Աստուծո արդար զայրության մարմնացումն է երկրի վրա: Կապրի «քաղաքակրթության» այլատերիչ ազդեցություններն հեռու, բնության ծոցին մեջ:

Ոչինչ ըսված է իր նախընթացի մասին: Երբ հանկարծ կերևի Աստվածաշունչի թատերաբեմին վրա՝ արդեն կազմավորված Աստուծո մարդն է Եղիան:

Օրվան Իսրայելի թագավորը, Աքաաբ, խորքին մեջ գեշ թագավոր մը չէ. բայց իր չար ոգին է թագուհին, Փյունիկեցի կուսակալ Նեբաթելը: Այս կինը Իսրայել քերած է իր հարսանեկան օժիտներուն և նաժիշտներուն հետ նաև իր երկրին աստվածները և անոնց քուրմերը, որոնց թիվը կմոտենա հազարի: Արքունիքեն սկսյալ երկիրը թաթախված է Իսրայելի պատմության ամենեն թանձր կուսակալության մեջ: Այս ահավոր կացության դեմ պայքարելու համար Աստված կհարուցանե Ահավոր Եղիան:

Հանկարծ կներկայանա Աքաաբին և կարտահալտվի այս միտքով.—Երկիրը ողողեցիր կուսակալությամբ և հետևաբար Աստուծո բարկությունն ալ միասին հրավիրեցիր վրադ: «Կաթիլ մը անձրև պիտի չտեղա այս տարիներ երկրիդ վրա, մինչև որ ես կրկին ներկայանամ քեզի» (Գ Թագ. ԺԷ 1): Ու նույն հանկարծականությամբ կաներկայանա թե՛ թագավորի ներկայությունեն և թե՛ երկրեն: Եղիա գիտեր որ զինք պիտի փնտռեին մեռցնելու համար. ուստի հեռացավ երկրին հյուսիսային կողմը, Փյունիկեցվոց Սարեփթա քաղաքը, ուր կը վայելէ ասպնջականությունը այրի կնոջ մը, որուն սափորեն այլուրը անպակաս կըլլա և պտուկեն՝ յուղը երաշտի տարիներուն, և որուն մեռած զավկին կյանք կպարզեն Եղիան:

Երաշտի երրորդ տարին կներկայանա Եղիա Աքաաբին, որ կդիմավորե զայն սաբառերով.

— Այդ դո՛ւ ես, Իսրայելի խանգարիչ:

— Խանգարիչը դու ես և քու հորդ տունը, ըսավ Եղիան, որ մոռցաք ձեր Աստվածը և սկսաք պաշտել Բաաղները: Արդ, մարդ դրկե և կանչե ամբողջ Իսրայելը Կարմեղոս լեռան վրա, կանչե նաև Բաաղի և Աստարտեի քուրմերը, որոնք կկերակրվին Հեզաբելի սեղանեն:



Արդարև այսօրվան Հայֆա քաղաքի կոնակին երկարած Կարմեղոս լեռան վրա տեղի ունեցավ տրամադիկ պայքարը Եհովայի և Բահադի միջև, հանձինս Եղիայի և Բահադի քուրմերուն. իսկ թագավորն ու բազմահազար ժողովուրդը կազմեցին հանդիսատեսները այս կրոնական տրամին:

Կանգնեցավ Եղիա իր հսկա հատակով ամենքի դիմաց և ըսավ.

— Մինչև ե՞րբ երկու ոտքի վրա պիտի կադաք. անգամ մը Աստուծո կողմը հարելով և մյուս անգամ Բահադի կողմ հակելով: Եթե Եհովան է ճշմարիտ Աստվածը հետևեցեք Անոր. եթե Բահադն է՝ կապվեցեք անոր: Ես միայն մնացած եմ իբրև Տիրոջ մարգարեն. իսկ Բահադը և Աստարտեն ունին ինն հարյուր հիսուն մարգարեներ: Արդ, տվեք մեզի երկու եզներ, մեկը անոնց, մեկը՝ ինձի: Պատրաստենք զանոնք. մեզմե յուրաքանչյուրը թող դնե իր զոհը իր սեղանին վրա: Այն Աստվածը, որ կրակ կղրկե երկինքեն և կայրե իր զոհը այն է ճշմարիտ Աստվածը: Բոլոր ներկաները. միահամուռ համաձայնեցան Եղիայի առաջարկին:

Բահադի քուրմերը մորթեցին իրենց եզը և դրին իրենց շինած բազինին վրա: Աստուծոն մինչև կեսօր պոռացին-կանչեցին «Բահադ լսե մեզի» հանկերգով: Եղիա չկրպով պահել իր հեզանքը և պոթկաց.

— Ավելի քարձրածայն կարդացեք. ուրվհետև աստված մըն է ի վերջո. գուցե զբաղմունք մը ունի, կամ զբոսանքի գացած կրնա ըլլալ, կամ ճամբորդության ելած է, կամ ալ քնացած կրնա ըլլալ և արթնցնել սետք է...»: Իննհարյուր հիսուն մոլեռանդ քուրմերու դիմաց միս-միսակ կեցած նման խոսք մը նետելը հասարակ մահկանացուի գործ չէր: Բահադի քուրմերը իրենք իրենցմե եւած ծխական պարեր կդառնալին իրենց սեղանին շուրջ և կվիրավորեին իրենց մարմինները սուրով ու նիզակներով, իրենց աստվածին գույքը շարժելու համար:

Կեսօրը անցած և մոտեցած էր Իսրայելյան երեկոյան զոհի կանոնական ժամը: Եղիա միջամտեց.

— Մեկ կողմ կեցեք այլևս. կարգը իմն է: Ու սարքեց Տիրոջ սեղանը տասներկու քարերով: Վրան շարեց փայտի շերտերը. որավ սեղանին վրա իր պատրաստած զոհը և ըսավ իր շուրջիններուն.

— Զուր բերեք և թափեցեք զոհին վրա: Թափեցին չորս տափոր ջուր: Կրկնեցեք, ըսավ. կրկնեցին. երեքկնեցեք ըսավ. երեքկնեցին: Զուր ողողեց զոհը, փայտերը, ամբողջ սեղանը և լնացավ անոր շուրջ բաց-

ված լայն փոսին մեջ: Եղիա այսպես աղոթեց.

«Տեր Աստված Աբրահամի, Իսահակի և Հակոբի, թող այսօր ամեն ոք ճանչնա, թե դու ես Իսրայելի Աստվածը, ու ես՝ քու ծառայ: Լսե ինձի, Տեր, կրակով...»:

Հագիվ ավարտած էր աղոթքը, երբ «Տիրոջմե կրակ իջավ և կերավ ողջակեզը, փայտի շերտերը, քարերը և հողը. ու լափեց լնացած ջուրը սեղանին շուրջ» (Գժազ. ԺԸ 38): Երբ ժողովուրդը այս տեսավ, «ինկան իրենց երեսին վրա և ըսին. Արդարև Տերն է ճշմարիտ Աստվածը»: Ու Եղիա օգտագործելով հոգեբանական պահը՝ գոռաց.

— Բռնեցեք Բահադի քուրմերը, անոնցմե ոչ մեկը արժանի է ապրելու: Բռնեցին զանոնք, իջեցուցին մոտակա հեղեղատը և կոտորեցին զանոնք և մարմինները գետը նետեցին: Ապա աղոթեց Եղիա և երկուքուկես տարիներն ի վեր սպասված անձրևը տեղաց առատորեն:

Կատոնեցավ բնականաբար Հեզաբել երբ իմացավ իր քուրմերուն կոտորածը. լուր դրկեց Եղիային ըսելով. «Եթե դուն Եղիան ես, ես ալ Հեզաբելն եմ. թող աստվածներ պատուհասեն զիս, եթե վաղը այս ժամուն դուն ալ իմ քուրմերուս ճակատագրին չարժանանաս»:

Եղիա հակառակ իր խիզախության և հրաշագործ կարողության «մարդ էր իբրև զմեզ չարչարելի», կրես Հակոբոս առաքյալ (Ե 17): Հետևաբար Հեզաբելի տպանալիքեն «վախցավ Եղիա, և ելավ ու գնաց առանձին», այս անգամ երկրի հարավային ծայրը, մինչև Սինա լեռը և այնտեղ քարարի մը մեջ ապաստանեցավ գրեթե հուսակտուր, և սպասեց Աստուծո նոր պատգամին: Իբրև նախանշանները Աստուծո ներկայության նախ ելավ «մեծ և ուժգին հով մը, որ լեռները կքակեր և ժայռերը կխորտակեր. անոր հաջորդեց երկրաշարժ և կրակ», ճիշդ այնպես ինչպես պատահած էր նույն տեղ շուրջ 500 տարիներ առաջ Մովսեսի օրով: Սակայն այս քուրմին մեջ Եղիան չզգաց Աստուծո ներկայությունը: Հուսկ ապա լսվեցավ «մեղմ օդի ձայն մը». Եղիա զգաց Աստուծո ներկայությունը այս խաղաղարար գեփոփոխման մեջ. զլուխը ծածկեց իր մաշկյակով, և ելավ ու կեցավ քարայրի մուտքին: Զայնը ըսավ իրեն.

— Ի՞նչ գործ ունիս այստեղ, Եղիա:

— Ամենակալ Տիրոջ նախանձով վառվեցա, որովհետև Իսրայելի որդիներ ուրացան քու ուխտը, քակեցին սեղաններդ,

կոտորեցին մարգարեներդ, ու ես միայն մնացի, այժմ զիս ալ կ'իմտուն մեջտեղեն վերցնելու համար:

Աստվածային ձայնը ըսավ. «Վերադարձիր երկիրդ». ու նոր հրահանգներ տրվեցան Եղիային, որոնց նպատակն էր նախ հաստատել, թե ջարդով կարելի չէր դատ շահիլ, ինչպես ինք փորձած էր ընել հահադի բուրմերը կոտորելով. այլ կազմակերպվալ գործունեություն անհրաժեշտ էր: Այս կազմակերպության մաս կկազմեր հեղափոխական շարժում մը Իսրայելի մեջ, նոր թագավոր մը օծելով, որ մեջտեղեն պիտի վերցներ Հեզաբելը և իր չարագործությունները: Այս նոր գործունեության մաս կկազմեր նաև իրեն օգնական և հաջորդ մը ընտրելը, որ շարունակե իր սկսած գործը, որովհետև ժամանակը եկած էր, որ ինք քաշվեր ապարդեգէ:

Եղիա իրեն հաջորդ ընտրեց Եղիսե անուն մեծահարուստ հողագործ մը: Երբ սա տասներկու զույգ եզներով և օգնականներով արտ կվարեր, Եղիա իր մաշկյակը անոր վրա ձգեց:

Եղիսե հասկցավ իմաստը այս անխոս արարքին. հրաժեշտ տվալ ընտանիքին և տեղվույն վրա իր վարած զույգ մը եզները մորթեց, գութանի փայտերովը եփեց զանոնք և իբրև մատաղ բաժնեց ամենքին և հետևեցավ ու աշակերտեցավ Եղիայի (Գ. Թագ. ԺԺ 19—21):

Եղիա զգալով իր վախճանին մոտենալը մի առ մի այցելեց մարգարեական խումբերու զանազան կեղորոնները: Եղիսեն ներկայացուց անոնց, և հանձնարարեց վերջինիս որ անոնց հետ մնա, քանի որ Աստված զինքը այլոր կկանչեր: Եղիսեն սակաւ պնդելով պնդեց որ պիտի չհեռանար իրմե մինչև վերջին վայրկյանը: Երբ հրաշքով անցան Հորդանանը և խոսակցելով կերթալին, «Հանկարծ հրեղեն կառք մը և հրեղեն երիվարներ գատեցին երկուքը իրարմե և Եղիա մորիկով երկինք վերաօավ» (Գ. Թագ. Բ 11): Այսպես հանդիսանալով երկրորդ անգը Աստվածաշունչի մեջ, որ մահ չտեսաւ երկրի վրա, այլ երկինք փոխադրվեցավ, ինչպես եղած էր Ենովքի պարագային (Մանդ. Ե 24):

Անսովոր վախճան ունեցող Եղիայի անսովոր տոնակատարություն սահմանած է մեր եկեղեցին: Մինչ բոլոր մյուս սուրբերուն հիշատակը կհարգվի շաբթվան սովորական ուտիք օրերուն, Եղիա բացառաբար կհիշատակվի կիրակի օր մը, Հոգեգալուստին հաջորդող կիրակիին, որ սկիզբըն է միաժամանակ Հարության սովորական կիրակիներուն:

Եղիա ամեն մասամբ նախատիպն է Հովհաննես Կարապետին. ոչ միայն զգեստավորմամբ և արտաքին կերպարանքով, այլ նաև կենցաղով, քարքով և նախաձեռնողություններով (Բղդ. Դ Թագ. Ա 8 և Մտթ. Գ 4):

Եղիային հիմնական հատկանիշներն են նախաձեռնողությունը, համարձակախոսությունը և արդարության պաշտպանությունը, որ հատկապես երևան եկավ, երբ Հեզաբելի մեքենայությամբ և զրպարտությամբ սպաննվեցավ Նաբովթ անուն հասարակ քաղաքացին և անոր այգին հարքունիս գրավվեցավ: Եղիա ներկայացավ թագավորին և հանդիմանեց զայն խտաբույն բառերով՝ անարգ մահ մը նախատեսելով թե՛ թագավորին, և թե՛ թագուհիին, ինչ որ ի վերջո իրականացավ (Գ. Թագ. ԻԱ գլուխ):

Եղիան կասրի և կգործե նախքան Քրիստոս Թ դարու առաջին կեսին: Հույնք և լատինք կհիշատակեն զայն հուլիս 20-ին:

23. ԵՂԻՍԵ

Տեսանք իր նախընթացը, թե ինչպես Եղիայի աշակերտեցավ: Եղիսե Հին Կտակարանի այն քացառիկ դեմքն է, որուն ամենեն շատ հրաշագործություն վերագրված է Մովսեսե հետո: Եղիային կվերագրվի յոթ հրաշքներ. Եղիսեին տասներեք: Արդարև Եղիայի երկինք վերանալէ առաջ Եղիսեն ուզած էր անոր կրկին հոգին:

Իր հրաշքներուն նշանավորագույնն է Նեեման Ասորիի թծկությունը: Դամակուսի թագավորին զորավարն էր վերջինս, որ բորոտութենէ բռնված էր: Իմանալով Եղիսեի հրաշագործ կարողությունը ներկայացավ անոր դրան առջև կառքերով, ձիերով և հետևորդներու գրեթէ բանակով մը: Մարգարեն առանց դուրս գալու՝ իր փոքրավորին հետ հրահանգ դրկեց որ երթա և յոթն անգամ լվացվի Հորդանան գետի մեջ: Նեեման կակնկալեւ, որ Եղիսեն մասնավոր հետաքրքրություն ցույց տար իր հանդեպ, առնվազն դուրս գար, աղոթեր, կամ ձեռքը վրան դներ: Երբ չտեսավ ակրկնալածը բարկացավ և ուզեց վերադառնալ. «Եթե գետի մը մեջ լվացվելով պիտի բուժվիմ, մենք Հորդանանեն ավելի մեծ և ավելի լավ գետեր ունինք, անոնց մեջ կրնամ լվացվիլ» ըսելով: Սակայն իր հետևորդները իջեցուցին անոր բարկությունը և ըսին. «Եթե ավելի ծանր առաջարկ մը ըրած ըլլար պիտի չհնազանդեիր»: Տեղի տվալ Նեեման, գնաց, լվացվեցավ Հորդանանի մեջ և թծկվեցավ իր ախտեն:

Վերադարձավ շնորհակալություն հայտնելու մարգարեին և ըսավ. «Այժմ հասկցաւ որ Իսրայէլի Աստուծոյ պէս Աստված չկաւ չափարհի վրայ»: Եվ խնդրեց, որ հաճէր ընդունիլ իր նվերները: Եղիսէ մերժեց. Նեեման պնդեց. Եղիսէ տեղի չտվաւ: «Այն ատեն շնորհեցեք որ երկու ջորիի քեռ հող վերցնեն ձեր երկրեն, որովհետեւ ասկէ հետո Եհովայէն զատ ոչ մեկ ուրիշ Աստված պիտի պաշտեն» ըսավ գորավարը: Ու Եղիսէ արձակեց զայն խաղաղությամբ:

Փորձիչը մտաւ սակայն Եղիսէի փոքրավորին, Գեեզիի սիրտը. ինչո՞ւ իր տերը չօգտագործեց այս սքանչելի առիթը հարստանալու և օգնելու նաև իրեն: Ուստի որոշեց ինք օգտվիլ առիթէն: Հազիվ մեկնած էր Նեեմանի կարավանը, երբ հասավ անոնց ետևէն, և ըսավ թէ վերջին պահուն հյուրեր եկած էին. ուստի իր տերը քիչ մը դրամի և հագուստեղենի պետք ունեցաւ: Նեեման հաճույքով և ավելիով տվաւ ու՝ զածնէրը: Երբ սակայն Գեեզի առածները իր տունը տեղավորելէն հետո վերադարձավ իր մեծավորին մոտ, Եղիսէն ըսավ անոր. «Քանի որ նվերներ ստացար Նեեմանէն, պիտի ժառանգես նաև անոր բորոտությունը»: Խեղճ մարդը երբ ելաւ Եղիսէի քովէն, արդեն իսկ բորոտած էր ամբողջ մարմինով. (Դ Թագ. Ե գլուխ):

Եղիսէ թէև աշակերտ ու հաջորդ էր Եղիայի, սակայն հսկա տարբերություն կար երկուքի կյանքին, նկարագրին և գործելու կերպերուն մէջ: Եղիան մեծակյաց մըն էր և իր կյանքը անցուց մշտական պայքարի մէջ. ունեցաւ ընկրկումի և վիստողության պահեր, երբ մինչև իսկ մահ խնդրեց Աստուծոյ: Եղիսէն ընդհակառակը շարունակ ապրեցաւ ընկերության մէջ և իր կյանքը հաղթանակներու և հաջողությանց շարք մը եղաւ: Կսիրեր երաժշտությունը և հաճախ մարգարեանալու համար պետք կրգար նվագի օժանդակության. (Դ Թագ. Գ 15):

Իր կյանքը պայքարն ավելի բարեկարգություններով և կազմակերպչական գործերով անցուց: Արտաքին թշնամիները կշահեր բարիքով և բարեկամությամբ: Կայստմի որ Սուրիացիներ պաշարած են քաղաք մը, ուր կմնար Եղիսէ: Աստուծոյ կանուխ ելաւ քաղաքէն մտաւ թշնամի քանակի մէջ և ըսավ, որ սխալ քաղաք պաշարած են և խոստացաւ առաջնորդել զանոնք իրենց փնտրած քաղաքը: Մարդիկ ոչխարի պէս հետևեցան իրեն: Բերաւ զանոնք և մտցուց Սամարիա, իր երկրին մայրաքաղաքը: Մարդիկը հանկարծ անդրադարձան, որ թշնամիին ձեռքը ինկած են: Սամարիո թագավորը ըսավ. ջարդէ՞նք ա-

սոնք: Ոչ ըսաւ Եղիսէ, այլ կերակրեցեք, հյուրասիրեցեք և պատվով ճամբա դրեք: «Անկէ հետո Սուրիացի ասպատակներ անգամ մըն ալ չերեցան Իսրայէլի տահմաններուն մէջ», կեդրակացնէ պատմությունը (Դ Թագ. Զ):

Իսկ ընդհակառակը ներքին թշնամիները, իբրև ավելի վտանգավորներ, անխնայ փնտրեցին քաղաքականության կիստեր: Ուստի Եղիսէ թագավոր օժել տվաւ Հեու գորավարը, որ բնաջնջեց Աքաաթի կուսակաշտ գերդաստանը, և մեջտեղէն մաքրեց Հեզաբելը, հրամայելով որ վար նետեն զայն արքունիքի պատուհանէն: Երբ ամեն մարդ զբաղված էր կերուխումով և հաղթանակի տոնակատարությամբ, շուներ կերած էին ամբարիշտ թագուհիին ջախջախված մարմինը:

Որչափ հրաշքներու և հաջողությանց շարք մը եղած էր Եղիսէի կյանքը, նույնքան հրաշալիատու եղաւ նաև իր վերջին օրերը և մահը: Մահվան անկողինին մէջ անգամ, երբ օրվան թագավորը իրեն այցելած է, կարտապնդէ զայն և թշնամիին վրա հաղթանակի ցուցմունքներ կուտա:

Ու երբ մեռաւ և թաղվեցաւ, ատեն մը վերջը պատահաբար ուրիշ մեկը թաղեցին իր գերեզմանին մէջ: Անձանոթին մարմինը երբ դրաւ Եղիսէին ոսկորներուն, հարություն առաւ մեռելը. (Դ Թագ. ԺԳ 14—21): Այնպէս որ ի գոյր տեղ չէր որ մեղմորեն քաջասիրտ այս մարգարեն Եղիայի կրկին հոգին խնդրած էր:

Եղիսէ ապրեցաւ ու գործեց Քրիստոսէ առաջ Թ դարու վերջին կեսին: Հույնք և լատինք կտոնեն զայն հունիս 14-ին:

Իսկ մեր եկեղեցին՝ Հոգեգալուստի Ե կիրակիի հինգշաբթին:

24. Հ Ո Վ Բ

Հուլի թէև նախապէս հիշվածներուն և հաջորդ հիշվելիքներուն իմաստով «մարգարե» մը չէ. քայց իբրև այդ ճանցված է թէ՛ հունաց և թէ՛ լատինաց մոտ, ինչպէս նաև իսլամներու կողմէ: Ուստի կգետեղենք զայն իբրև միջին օղակը գործիչ և գրիչ մարգարեներու միջև:

Հուլի հերոսն է իր անունը կրող Գրքին, որու մասին բարձրագույն գնահատանքներ կան գրված միտքերու կողմէ: Ըսած է Լուտեր. «Գերագանց գիրքը ամբողջ Աստվածաշունչին»: Թեմիսն զայն նկատած է «մեծագույն բանաստեղծությունը հին և նոր ժամանակներու»: Գարայը հայտարարած է. «Ազնվական գիրք մը. համայն մարդկության գիրքը... կկարծեն թէ չկա գիրք

մը, Աստվածաշունչին մեջ անկե դուրս, որ հավասարի անոր գրական արժեքին: Այս բոլորի հակառակ՝ որքան ծանոթ է Հովքի պատմությունը, նույնքան անծանոթ է այս հոյակապ գիրքը:

Հովքի անվան իտալական շրջանակներու մեջ պահված հնչումը, ԷՅՈՒՊ, ավելի հարազատ է և մոտ՝ սկզբնական ձևին: Մեր և եվրոպական լեզուներու մեջ գործածական դարձած ձևը կորսնցուցած է իր հարազատությունը տառադարձության ընթացքին, որ կուգա հունական ձևեն, և ոչ՝ երաշխանեն:

Հովքի մեզի ծանոթ պատմությունը ներկայացված է համաձուլ գրքի առաջին երկու գլուխներու՝ և վերջին գլուխի վերջաբանի մեջ՝ արձակ ոճով: Իսկ Գրքին միջանկյալ 40 գլուխները տառապող արդարին արտի բանաստեղծական ու պատկերալից ոճով պոթելումն է, որուն կմիանան նաև Հովքի երեք բարեկամները խայթիչ վերագրումներով՝ և Աստված՝ իր պատգամներով: Գիրքը ծայրե ի ծայր խարխալում մըն է—երբեմն թափանցում—բայց միշտ որոնում մըն է կյանքի և կրոնքի հիմնական հարցերուն, որոնք այնտեղ ալ իրենց լրիվ լուծումը չեն գտներ, և սահմանված են կարծես հավիտյան անլույծ մնալու: Հոռետեսության ու դառնության լարին հետ կգարնվի նաև Աստուծո մեծության ու փառքին քննարկ. ու կյանքի գաղտնիքը Աստուծո կամքին համակերպելու իմաստության մեջ կգտնեն այս գրքին հեղինակը: Ինչպես ըրած էր Ժողովող գրքի հեղինակը: Հովքի մըն պատմությունն է մարդու մը, որ կենթարկվի ահավոր փորձերու, որոնց մեջ են հաղթական ու հաջող դուրս կուգա: Գրքին վարագույրը կբացվի երջանիկ ընտանիքի մը վրա: Ընտանիքին հայրը, Հովք, հրեա մըն է, ալ Աբրահամեն առաջ ապրող արդարներն որևէ մեկին պես որևէ մարդկային ցեղի պատկանող մարդ մըն է: Մեր Աստվածաշունչի համաձուլ գրքի վերջավորության տրված ծանոթագրության համաձայն Եղովմայեցի է, հրեից ցեղակից և դրացի ժողովուրդ մը, որ կապեր Մեդալ ծովի հարավային կողմը տարածված լեռնաշխարհին մեջ: Հովք ներկայացված է իբրև «կատարյալ, ու աստվածապաշտ մարդ մը, հեռու ամեն տեսակ մեղքե և չարիքե»: Ունի յոթ մանչ զավակներ և երեք աղջիկ—կատարյալ ընտանիք: Մեծահարուստ է. տեր յոթ հազար այծ-ոչխարի. երեք հազար ուղտի. հինգ հարյուր լուծ եզի. հինգ հարյուր մատակ էջի. և բազմաթիվ ծառաներու: Հարստությունը այլապես

րած չէ այս մարդուն նկարագիրը, ինչ որ կընեն սովորաբար: Մեծագործ է և բարեսեր: «Այնպես որ այս մարդը մեծագույնն էր արևելքի ազնվականներուն»: Հովքի զավակները շարունակ խրախճանքի մեջ են միասնաբար: Իսկ Հովք աղոթող՝ և ծիսական սրբագործությանց մեջ անթերի՝ իր զավակներու հավանական սահմանազանցություններու քալության համար: Ասիկա Գրքին նախաբանն է (Ա. 1—5):

Բուն տրամը կակսի երբ տեսարանը հանկարծ երկինք կփոխադրվի: «Աստուծո հրեշտակները—կամ «ոռդիները» ըստ երբ. բնագրի—Տիրոջ ներկայության կբարձրանան օր մը: Սատանան ալ անոնց հետ է: Ու Աստված խոսակցության կրոնվի սատանային հետ:

—Ուրկե՞ կուգա, կհարցնե Աստված:

—Երկիրը շրջագայելե, կպատասխանե սատանան:

—Կճանչնա՞ս իմ ծառա Հովքը. անոր նմանը չկա երկրի վրա, անարատ, ուղիղ և աստվածապաշտ մարդ մը, հեռու ամեն տեսակ չարիքե և մեղքե:

—Միթե ձրի՞ կպաշտե Հովք իր Աստվածը, վրա կբերե սատանան: Ամեն կողմե անոր պաշտպան կեցեր ես. օրհներ ես անոր ձեռքին գործերը և բազմացուցեր՝ իր հարստությունը: Բայց թույլ մը երկարե ձեռքդ և դպիր անոր ունեցածներուն, և տես թե ինչպես պիտի անիծի քեզ:

—Լավ, ըսավ Աստված, անոր ամբողջ ունեցածը քու տրամադրությանդ տակ կը դնեմ. բայց անոր անձին պիտի չդպիս:

Սատանան իր որսը գտած մեկու մը պես վար կսլանա Աստուծո ներկայութենեն ու անխնա կերպով և մի առ մի կփճացնե Հովքի ամբողջ հարստությունը և կապանե անոր զավակները:

Այս բոլոր նախահրներու դիմաց «Հովք ոտքի կելլե, կպատռե իր զգեստները—ի նշան ահավոր ցավի և սուգի—կկտրե գլխուն մազերը և գետին կիյնա, Աստուծո կերկրպագե և կըսե միայն.

«Մերկ ելա մորս որովայնեն,

Ու մերկանդամ պիտի վերադառնամ.

Տերը տվավ և Տերը առավ.

Օրհնչալ ըլլա Տիրոջ անունը»:

Ու կավելցնե Գիրքը. «Այս բոլորին մեջ Հովք չմեղանչեց Տիրոջ դեմ, և անզգամ բաներ չվերագրեց Աստուծո»:

Կրկին տեսարանը երկինք կփոխադրվի. նույն տեսարանը և նույն սկզբնական խոսակցությունը Աստուծո և սատանայի միջև. ի վերջո Աստված կավելցնե.

—Թե՛ն դուն պարապ տեղը գրգռեցիր

գիտ որ փնացնեմ անոր հարստությունը, բայց տեսար որ Հովք պահեց իր անմեղությունը:

—Սորթի տեղ մորթ. պատասխանեց սատանան: Մարդ ամբողջ ունեցածը կուտա իր կյանքը պահպանելու համար: Սակայն անգամ մը երկարե ձեռքդ և դպիր անոր ոսկորներուն և մարմինին, տես թե ինչպես պիտի անհծե քեզ:

—Լավ, ըսավ Աստված, ահա կմատնեմ զայն քու ձեռքդ. բայց անոր կյանքին պիտի չդպիս:

Ու սատանան վարակեց Հովքի մարմինը թարախոտ վերքերով, ոտքեն մինչև գլուխը: Հովք խեցիի կտոր մը առած կքերեր թարախը, նստած աղքատոցի վրա: Ոչ ոք իր երեսը կնայեր. կինն անգամ, որ հեռացած էր իրեն, օրին մեկը մոտեցավ իրեն լոկ ըսելու համար.

—Սինչև ե՞րբ այսպես պիտի համբերես, փրկության ակնկալությամբ. անեծք կարդա Աստուծո դեմ և մեռիր ու ազատվե:

—Անգգամ կնոջ մը պես կխոսիս դուն, ըսավ Հովք. եթե Տիրոջ ձեռքեն բարիքներ ընդունեցիմք, չարիքներուն ինչո՞ւ պիտի չհամբերեմք:

Հովքի հեռավոր երեք բարձրաստիճան բարեկամները, երբ լսեցին անոր գլխին եկած փորձանքները, եկան մխիթարելու զայն: Երբ տեսան չկրցան ճանչնալ զայն. բարձրացուցին իրենց ձայնը և սկսան լալ: Այնքան անմխիթարական էր Հովքի վիճակը, որ ավտիանքի ոչ մեկ խոսք կրցան գտնել: Նստան անոր քով, ու անխոս մնացին «յոթն օր յոթը գիշեր»: Ի վերջո Հովք խզեց լույթությունը և ողբաց.

«Թող կորնչի օրն իմ ծննդյան,

Ու գիշերն այն՝ երբ ըսվեցավ. մանչ մը ծնավ.

Խավար պատե, չհաշվվի այն՝ օրերուն մեջ.

Ու լույս չծագի անոր վրան»...

Ու այսպես էջերով կրացվի կծիկը տրամաությանը Հովքի և երեք բարեկամներու միջև, մինչև որ ի վերջո կմիջամտե Աստված. կհանդիմանե անոր երեք բարեկամ-

ները, որոնք կպնդեին որ Հովք ծանր մեղք չորժած պետք էր ըլլար, որուն համար այս սխառոհասները իր գլխուն եկած էին: Արդարացած դուրս կուգա Հովք ի վերջո այս փորձանքեն: Ու Աստված կվարձատրե զայն առաջվանեն ավելի մեծ օրհնություններով:

«Հարվածեն հետո Հովք ապրեցավ 170 տարի. Հովքի բոլոր տարիներու թիվը եղավ 248 տարի: Տեսավ Հովք իր թոռները և անոնց որդիները. վախճանեցավ Հովք ծերացած և իր օրերը լեցուցած: Ու հանդերձ լալ է հարություն առնել, անոնց հետ, գորս Տերը պիտի հարուցանե»:


Այսպես երջանիկ վերջավորություն մը ունեցավ կյանքը մարդու մը, որ համբերության մարմնացումը հանդիսացավ: Առանց համբերության ոչ ոք կրնա հաղթական կյանք ապրիլ երկրի վրա և ժառանգել հավիտենականությունը, ինչպես հաստատեց մեր Տերը. «Ով որ մինչև վերջ համբերե», այն միայն արժանի պիտի ըլլա ժառանգելու հավիտենականությունը:

Հովքի կյանքը մեզի կտրվեցնե երկու հիմնական ճշմարտություն կյանքի մասին: Նախ՝ աշխարհի չարիքներու ետին կա միշտ չարության ոգիին—սատանային—մատը: Երկրորդ՝ մարդը ապրեջանիկ դարձնելու մտքով իր հրահրած նեղությունները և տառապանքները կնպաստեն մարդը կատարելագործելու և անոր փառքը և փայլը ավելցնելու, նման հալոցի մեջ զտված ուկիի, կամ այն քարածուխին, որ կըսեն թե երկրաբանական ահավոր ճնշումներու ներքև ի վերջո կվերածվի սպիտակ և գեղեցիկ մարմարի:

Մեր եկեղեցվո մեջ Հովքի հիշատակը կտոնվի Վերափոխումի հաջորդող երրորդ շաբթվան հինգշաբթի օրը, Հովհաննես Կարապետին հետ. իսկ հունաց մեջ՝ մայիս 6-ին. լատինաց մոտ՝ մայիս 10-ին:

(Ծարունակելի)

(«Աստվածաշնչական սուրբեր», Իսթան-սուլ, 1977, էջ 81—94)



ԱՐԹՈՒՆ ՀԱՏԻՏՅԱՆ

ՍՈՒՐԲ ԵՐԱՆՈՍ ԿԱՄ ԻՐԵՆԵՈՍ ԵՊԻՍԿՈՊՈՍ ԼԻՈՆԻ (125?—202)

Ընդհանրական եկեղեցու պատմության մեջ իրենց սրբակրոն վարքով, մատենագրական քաղմածանր վաստակով ու եկեղեցական-հովվական գործունեությամբ հայտնի են Հարք եկեղեցու կոչված մի քանի հայրապետներ կամ եպիսկոպոսներ ևս, որոնց հիշատակը կատարում է հայ եկեղեցին:

Արևելյան ուղղափառ եկեղեցին ընդունում է որպես Հարք եկեղեցու չորս մեծ հայրապետների՝ **ա. Բարսեղ Կեսաբացուն, ա. Գրիգոր Նազիազանցուն, ա. Հովհան Ոսկեբերանին և ա. Աթանաս Ալեքսանդրացուն**¹:

Արևելյան ուղղափառ եկեղեցին, բացի վերոհիշյալ այս չորս Հայրերից, ընդունում է նաև համաքրիստոնեական նշանակություն ունեցող երեք **Վարդապետք եկեղեցու**՝ սուրբ Բարսեղը, սուրբ Գրիգոր Նազիազանցին և սուրբ Հովհան Ոսկեբերանը:

Արևմտյան եկեղեցին ևս ընդունում է որպես ընդհանրական եկեղեցու մեծ ու վաստակաշատ, անվիճելի եկեղեցական հեղինակություններ Արևելքի այս չորս մեծ հայրապետներին: Բռնիֆակիոս Պապը, սակայն, 1298-ին Արևմուտքի համար **Վարդապետք եկեղեցու** է հռչակել Օգոստինոսը, Ամբրոսիոսը, Հերոնիմոսը և մեծն Գրիգոր Պապը²:

Արևմտյան եկեղեցու համար վերոհիշյալ այդ չորս վարդապետները ունեն նաև **Հարք եկեղեցու** կոչված հայրապետների կարևորությունն ու նշանակությունը, թեև հետագա դարերում Արևմտյան եկեղեցու ընդունած **Վարդապետք եկեղեցու** խմբի պրա ավելացվել են նաև այլ անուններ:

Հայ եկեղեցին, սակայն, Արևմտյան եկեղեցու ընդունած ոչ մեկ վարդապետ «չէ ճանչցած» որպես սուրբ, «հետևաբար անոնցմե ոչ մեկը մտած չէ մեր տոնացույցին մեջ»³:

Հարք եկեղեցու և Վարդապետք եկեղեցու հասկացողությունները մույնը չեն, սակայն, ըստ մասնագետների⁴: **Հարք եկեղեցու** են կոչվում միայն այն հայրապետները, որոնք իրենց կյանքի և գործունեության մեջ միացրել են չորս անհրաժեշտ չափանիշներ՝ **հավատքի ուղղափառություն, վարքի սրբություն, եկեղեցական-հովվական գործունեության փորձ և վաղեմիություն (հնություն)**:

Իսկ **Վարդապետք եկեղեցու** կոչումը հնում, եկեղեցու պատմության ճախնագույն ջրջանում, տրվում էր միայն քրիստոնեական ուղղափառ վարդապետությունը քաղող եպիսկոպոսներին կամ եկեղեցական գրողներին՝ առանց նկատի ունենալու նրանց նվիրապետական առտիճանը: «Թեպետ և քիւր դաստիարակներ ունէր Քրիստոսով, բայց ոչ՝ բազում հայրեր»⁵:

¹ «Էջմիածին» ամսագիր, 1977, № Բ, էջ 20, Գ, էջ 34, Ե, էջ 26, Զ, էջ 54, Է, էջ 28, Թ—Ժ, էջ 46, ժԱ, էջ 39, ժԲ, էջ 39:

² Johannes Quasten, Patrology, II հատոր, 1964, էջ 10:

³ Մաղաքիա արքեպիսկոպոս Օրմանեան, Վարդապետք եկեղեցու, ձեռագիր, էջ 43—44:

⁴ Quasten, մույնը, էջ 10:

⁵ Նոր Կտակարան, ա. Էջմիածին, 1975, Ա. Կորնթ. Դ 15, էջ 454:

Մեր եկեղեցին կատարում է հիշատակը որպես Արևմտյան եկեղեցու սուրբ հայրապետ, աստվածաբան և մատենագիր, Լիոնի Երանոս կամ Իրենեոս եպիսկոպոսի տոնը:

Հայ եկեղեցու տոնացույցը և մեր վկայաբանական գրականությունը, հիմնականում Յալամատրք-ը, հիշատակում են Արևմտքի մի շարք հայրապետների անունները, որոնց տոնը կատարում է մեր եկեղեցին, այդ թվում՝ Սիցիլիայի Տոնոմեն Բագարատ եպիսկոպոսի, Հոմի Կղեմես, Ստեփանոս և Սեղբեստրոս հայրապետների, որոնք ապրել և առեղծագործել են Գ—Դ դարերում, մինչև Քաղկեդոնի ժողովը⁶:

Իրենեոսը համարվում է Բ դարի ամենամեծ աստվածաբանը և ըստ մեր վարքաբանական գրականության՝ «մեծ սին աստուածապաշտության հաատոց, աստուածագգեաց հայրապետ, վարդապետ եկեղեցու, ախոյեան ճշմարտության և լաղթահարիչ հերետիկոսաց»⁷:

Մեր եկեղեցին սուրբ Իրենեոսի տոնը կատարում է Խաչի Դ կիրակիի հաջորդ երկուշաբթի օրը⁸:

Իրենեոսի ծննդյան թվականը հստակ չէ: Ծնվել է հավանաբար 125-ին⁹ կամ, ըստ ուրիշների՝ 130—140 թվականներին հունական Հոնիայի Զմյուռնիա քաղաքում, որը 40 մղոն հեռու էր պատմական Եփեսոսից և քրիստոնեական եկեղեցու ճշմարտության կենտրոն էր¹⁰: «Զմյուռնիայի մեջ շատ կանոնի հաստատվեցավ քրիստոնեական եկեղեցին և էր մին յոթն եկեղեցյաց առ որս եղավ Հիսուսի պատգամն ի Յալոնութեան Յովհաննոս»:

Իրենեոսը քրիստոնեական իր դաստիարակությունը ստանում է Զմյուռնիայի ճշմարտության Պողիկարպոս եպիսկոպոսի մոտ, որը աշակերտն էր ս. Հովհաննես Ավետարանչի¹¹:

⁶ Տես այս մասին «Էջմիածին» ամսագիր, 1979, № 5, էջ 22:

⁷ Տես նաև Ենոքի արքեպիսկոպոս Գալուստյան, Համաքրիստոնեական սուրբեր, Իսթանբուլ, 1978, էջ 38:

⁸ Օրացույց, ս. Էջմիածին, 1979, էջ 122:

⁹ Larousse Universel, I, էջ 1012:

¹⁰ Տես այս մասին Պողոս առաքյալի թուղթը Եփեսացիներին ուղղված, և Յալոնութեան գիրքը՝ թուղթ Զմյուռնիայի եկեղեցուն. Նոր Կտակարան, մույնը, էջ 519—530, 666—668, ինչպես նաև Բառարան սուրբ Գրքի, Կ. Պոլիս, 1881, էջ 201:

¹¹ Պողիկարպոս եպիսկոպոսի մասին տես Թորգոմ պատրիարք Գուշակյան, Սուրբք և տոնք, Երուսաղեմ, 1939, էջ 94—96: Ենոքի արքեպիսկոպոս Գալուստյան, մույնը, էջ 36—38: Quasten, Patrology, I հատոր, 1966, էջ 76—82:

Ըստ եկեղեցական պատմիչ Եփեսիոս Կեսարացու վկայության, Իրենեոսը՝ իր երբեմնի դասընկեր, ապա ուրացող հոռմեացի Ֆլորինիոս երեցին գրած նամակում, երախտագիտությամբ և հուզումով է հիշել Զմյուռնիայում իր քրիստոնեական դաստիարակության երջանիկ օրերը Պողիկարպոս եպիսկոպոսի մոտ, նրա տանը, կոր ինքը դեռ տղա էր: «Նա կրթվել է այն շրջապատում, ուր դեռ բոլորովին թարմ էին առաքյալների գործունեության հետքերը և կենդանի՝ առաքելական դարու հիշատակներն ու ավանդությունները»: Նրա ծնողները եղել են քրիստոնյա հույներ: «Ես հիշում եմ այդ օրերի իրադարձությունները ավելի հստակորեն, քան նոր օրերինը,—գրում է Իրենեոսը,—երբ մենք սովորում էինք որպես երեխաներ: Հիշում եմ նույնիսկ այն տեղը: Նրա երանելի Պողիկարպոսը նստում էր և խոսում: Հիշում եմ նույնիսկ, թե նա ինչպես էլ և մոտ էր անում: Հիշում եմ նրա կյանքի նկարագիրը, նրա արտաքին կերպարանքը, ժողովրդին ուղղած նրա քալողները, և թե ինչպես նա մեզ պատմում էր իր տեսակցությունների և խոսակցությունների մասին Հովհաննես առաքյալի և մյուս առաքյալների հետ, որոնք տեսել էին Տիրոջը. ինչպես նա հիշում էր առաքյալների խոսքերը և պատմում այն ամենի մասին, որ կապված էր Տիրոջ հետ. այդ բոլորը նա լսել էր առաքյալներից, լսել նրանց կատարած հրաշագործությունների և նրանց վարդապետության մասին, և թե ինչպես երանելի Պողիկարպոսը ընդունում էր նրանց ականատեսի վկայությունը՝ Կենաց Բանի մասին: Նա այս բոլորը պատմում էր մեզ նաև սուրբ Գրքի վկայությամբ: Ես այդ բոլորը լսում էի հուզումով: Այդ խոսքերի միջոցով ես ստանում էի ինձ տրված Աստծու շնորհը: Եվ ինչ որ ես նրանից լսում էի, գրի էի առնում ոչ թե թղթի, այլ իմ սրտի՝ վրա և ինձ տրված Աստծու շնորհի միջոցով ես խորհրդածում էի այդ բոլորի վրա»¹²:

Ըստ Իրենեոսի «միայն եկեղեցվի մեջ է ճշմարտությունը: Եկեղեցին ունի առաքյալներից ստացած թղթեր և հավասարապես մինչև առաքյալները հասնող քերականի ավանդություն, որի ամբողջ անվերապահականությունը անընդհատ հաջորդական եպիսկոպոսությամբ է ապահովվում»:

¹² Եփեսիոս Կեսարացի, Պատմություն եկեղեցու, ինչպա յառույցն ի հաչ, ի հինգերորդ դարու, Վենետիկ, 1877, Ե 20: Տես նաև Quasten, մույնը, էջ 287:

Այս բոլորից հասկանալու երևում է, որ Պողիկարպոսի միջոցով Իրենեոսը կապվում է Առաքելական դարի հետ¹³։ «Իրենեոսը վերջին օղակն է, որ Առաքելական շրջանի հայրերը կկապեն հետագա մեծ հայրերու։ Օղակ է միաժամանակ Արևելքի և Արևմուտքի միջև։ Ծնունդով, մտայնությամբ արևելքի, իսկ ուսմամբ և գործունեությամբ արևմուտքի։ Իր գործերը գրած է հունարեն»¹⁴։

Եկեղեցական հայրերի գրականությունը, որը ծանոթ է Հայրաբանություն անունով, գրվել է հունարեն լեզվով և համարվում է հիմնական աղբյուրը քրիստոնեական հին գրականության։ Նույնիսկ Արևմուտքում, Հռոմում, Գալիայում, Հյուսիսային Աֆրիկայում մինչև Գ դարի սկզբները եկեղեցական գրականության լեզուն եղել է հունարենը։ Արևելքում է, որ հունարենը մասամբ միայն փոխարինվել է հայերեն, ասորերեն, և ղպտերեն տեղական լեզուներով։

Լատիներեն լեզվով քրիստոնեական գրականությունը սկիզբ է առել Աստվածաշնչի լատիներեն մասնակի թարգմանությամբ, Գ դարում¹⁵։

Ահա թե ինչու Իրենեոսը ևս իր աստվածաբանական, մեկնողական, հակաճառական աշխատությունները հերետիկոսների դեմ գրել է հունարեն, որոնք վերջում միայն, Դ դարում, թարգմանվել են լատիներենի։

Հայտնի չէ, թե 157 թվականին ինչո՞ւ Իրենեոսը թողել է Արևելքը, Փոքր Ասիան, անցել է Արևմուտք և գնացել Գալիա «որպես առաքյալ Գալիայի» (Encyclopedia Americana, vol. 15, էջ 325)։ Լիոնի Փոտիմոս եպիսկոպոսը նրան երեք է ձեռնադրում, և 178 թվականին Իրենեոսը որպես Լուգդունի կամ Լիոնի եկեղեցու երեք, տեղի քրիստոնեական համայնքի կողմից ուղարկվել է պատվաբեր մի հանձնարարականով Հռոմ, Եկեղեցիոս Պապի (175—189) մոտ, մոնոտեանականության հարցով զբաղվելու համար, ինչպես վկայում է Եվսեբիոս Կեսարացի պատմիչը¹⁶։

Քրիստոնեությունը իր ծագման և իր քարոզչության առաջին իսկ մեկ օրից ստիպված է եղել իր վարդապետությունն ու գաղափարախոսությունը պաշտպանել ոչ միայն արտաքին երկու կատաղի թշնամի-

ների՝ մովսիսական կրոնի և հեթանոսության դեմ, այլև Ա և Բ դարերում իր իսկ ծոցում ծնունդ առած երկու հերետիկոսական աղանդավորության՝ գնոստիկության և մոնոտեանականության դեմ¹⁷։

Գնոստիկյան և մոնոտեանական աղանդավորական շարժումները միմյանցից բոլորովին տարբեր նկարագիր ունեին։

Գնոստիկությունը բառը ծագում է հունարեն *gnosis*, գիտություն բառից։

Գնոստիկյան շարժման սկզբնավորությունը պետք է փնտրել նախաքրիստոնեական ժամանակներում։ Այդ շարժումը բնութագրվում է որպես «փրկության վարդապետություն գիտության միջոցով»։ Այդ ուսմունքը տարօրինակ մի խառնուրդ էր հրեության, հեթանոսության, արևելյան միստիկական կրոնների և հունական փիլիսոփայությունից վերցված մի շարք հայեցողական տարրերի։

Գնոստիկյանները ձգտում էին քրիստոնեական գաղափարախոսության մեջ վրձնական դեր հատկացնել հունական փիլիսոփայությանը, մերժել, խիստ բնագաղափարական ենթարկել քրիստոնեական Հայտնությունն ու Ավանդությունը, քրիստոնեական վարդապետության գրավոր աղբյուրները խիստ հեղեհականացնելով աղարտել քրիստոնեական կրոնի էությունը, զրկելով նրան նաև պատմական-փրկչաբանական իր բնավորությունից, հեռացնելով նրանցից այն ամենը, ինչ որ իրենց կարծիքներին ու տեսություններին հետ չէր համաձայնվում¹⁸։

Գնոստիկյանները քրիստոնեական կրոնը համարում էին ոչ թե մարդկության գործնական փրկության բացարձակ վարդապետություն, այլ կրոնական-փիլիսոփայական մի աշխարհայեցողություն։

Ահա թե ինչու գնոստիկյան շարժումը եկեղեցու ծոցում գնահատվում էր «ամենամեծ ճգնաժամը», որի դեմ պայքարը մահու և կենաց հարց էր եկեղեցու համար¹⁹։

Գնոստիկյանների դեմ պայքարողների առաջին շարքերում էր նաև Իրենեոսը, որը պաշտպանում էր Հին և Նոր Կտակարանների ներքին միությունը և մերժում գնոստիկյան մեկնություններն, որոնցում պընդ-

¹³ Quasten, *Առյուծ*, էջ 287։

¹⁴ Ընդորթ արքեպիսկոպոս Գալուստյան, *Առյուծ*, էջ 38։

¹⁵ Quasten, *Առյուծ*, էջ 20—22։

¹⁶ Եվսեբիոս Կեսարացի, *Առյուծ*, էջ Ե, 4—7։ *Առյուծ*, էջ 288։

¹⁷ Գնոստիկյան աղանդավորական շարժման մասին տես պրոֆ. Ն. Սագարդա, Հույն Արևելքի հին եկեղեցական աստվածաբանական գիտությունը, թարգմ. Արտակ վրդ. Սմբատյանց, Մայր-Աթոռ, 1910, էջ 10—18, *Encyclopedia Americana*, vol. 12, էջ 735—736։

¹⁸ Պրոֆ. Ն. Սագարդա, *Առյուծ*, էջ 11։

¹⁹ Երվանդ վրդ. Տեր-Մինասյանց, *Առյուծ*, էջ 73—81։

Հիմ էր, թե իրենց ուսմունքը համաձայն է Հիմ Կոստկարանի վկայությանը:

Գնոստիկյան աղանդավորական շարժման գլխավոր գաղափարախոսն էր հանդիսանում առաքյալների ժամանակակից Սիսոն Կախարդը կամ մոգը²²: Նա սամալացի էր և իր հայրենակիցներին զարմացրել էր իր «սոգություններով», ասելով իր մասին, թե «ինքը մեծ ուն է»: Նա Պետրոս առաքյալից մկրտվեց և փորձում էր նրանից կաշառքով ստանալ առաքելական շնորհ և իշխանություն: Պետրոս առաքյալը հանդիմանեց նրան ու մերժեց:

«Քո արծաթը թող քեզ հետ կորչի, քանի որ կկարծեիր, թե Աստուծո պարգևները փողով կրնաս ստանալ»²³:

Ի և Գ դարերում որպես գնոստիկյան գաղափարախոսներ հիշվում են Բագիլիտեսը, Իզդոդը, Վալենտինոսը, Մարկիոնը և ուրիշներ²⁴:

Գնոստիկյան համայնքները իրենց գոյությունը պահեցին երկար ժամանակ, մանավանդ Արևմուտքում:

Գնոստիկյանների հակառակ մոնոստանական աղանդավորները քարոզում էին ժամանակակից աշխարհի մոտալուտ կործանումը, աշխարհի վայելքներից՝ հրաժարում, խստացրած վանական-ճգնական կյանք, ապաշխարություն, սեռային կրքերի սանձափարում, բարոյականի և վարքի սրբություն, կուսություն և, վերջապես՝ փախուստ դեպի անապատները կամ ամառի վայրերը, դիմավորելու համար Քրիստոսի երկրորդ գալուստը, որ գալու է կատարելու աշխարհի և մարդկության վերջին դատաստանը: Ուրեմն պատրաստ պետք է գտնվել:

Գնոստիկյանները հարվածում էին քրիստոնեական կրոնի և եկեղեցու հոգևոր հիմքերը, նրա հոգևոր-կրոնական նկարագիրը, մինչ մոնոստանականները ընդունում էին, որ քրիստոնեությունը կորցրել է իր տիեզերական, փրկագործական նկարագիրը, որովհետև կանգ է առել եկեղեցու հոգևոր, ներքին զարգացումը:

Մոնոստանականությունը փորձում էր վերադառնալ Առաքելական դարու եկեղեցական կյանքի պարզության, «բոնի կերպով վերանորոգել և պահել նախնի ժամանակ-

ների կենցաղավարության եղանակները, հին համայնական գաղափարները և հին մարգարեությունը. բայց հալածանքների սարսափների տակ նա տեսնում էր պարզ աշոք վախճանի նշանները»²⁵:

Մոնոստանական աղանդավորական շարժումը սկիզբ է առնում Փոյոգիայում Բ դարի սկզբներին: Ծարժման ղեկավար էր հանդիսանում նորադարձ նախկին հեթանոս մի քուրմ, Մոնտանոս անունով, որպես մարգարե: Մարգարեական շնորհ ունեցող մի քանի կանայք²⁶ հետևեցին Մոնտանոսին, որը իրեն համարում էր Հովհաննու Ավետարանի մեջ Քրիստոսի խոստացած Մխիթարիչը²⁷: Մոնտանոսը քարոզում էր, որ մոտ է Քրիստոսի երկրորդ գալուստը և երկնային Երուսաղեմը իջնելու է շուտով Փոյոգիայի Պեպուզա քաղաքի մոտ, հետևաբար պետք է դուրս գալ այս աշխարհից և հավաքվել նոր արքայության համար: Սկսվում է հավատացյալ հսկա քաղաքությունների փախուստը դեպի անապատ: Ծարժումը տարածվում է ողջ Փոքր Ասիայում, Հյուսիսային Աֆրիկայում: Միաժամանակ սկսվում է պաշարը աղանդի դեմ, եկեղեցական ժողովների և ուղղափառ եպիսկոպոսների կողմից:

Մոնոստանական շարժումը 170-ական թվականներին նահանջի մեջ էր արդեն, որովհետև նրա քարոզած «վախճանը» տեղի չունեցավ: 196-ին, ըստ Եվսեբիոսի վկայության, մոնոստանական շարժումը կորցնում է հողը իր ոտքի տակ և դուրս է մղվում եկեղեցուց²⁸:

Եկեղեցու ուղղափառ մի շարք եպիսկոպոսներ, այդ թվում նաև Իրենեոսը, ինչպես նաև «ամենալուրջ և հավատարիմ քրիստոնյաները», ազդված մոնոստանականների խիստ ճգնողական վարքից ու բարոյականության մաքուր ըմբռնումներից, «չէին կարող չհամակրել այս շարժումը: Այդ բանը ամենալավ կերպով տեսնում ենք Հարավային Գալլիայի (Լիոն) համայնքների խիստ հարաքերությունից Փոքր Ասիացիների հետ»²⁹:

Իրենեոսը Հռոմից Լիոն վերադարձավ, բարյացակամորեն տրամադրված դեպի մոնոստանական շարժումը: «Իրենեոսը մինչև

²² Նոր Կոստկարան, Գործք առաքելոց, գլուխ Ը, 10—25, նույնը, էջ 340—341:

²³ Այս դեպքից է առաջ նկիկ եկեղեցական բարձր պաշտոնները փողով կամ կաշառքով ստանալու փորձությունը կամ մոլորությունը, որը կոչվում է Սիմոնիականություն:

²⁴ Երվանդ վրդ. Տեր-Մինասյանց, նույնը, էջ 75—81, Quasten, նույնը, էջ 254—275:

²⁵ Երվանդ վրդ. Տեր-Մինասյանց, նույնը, էջ 84:

²⁶ Նոր Կոստկարան, Գործք առաքելոց ԺԱ 27, ԻԱ 10, էջ 352 և 383:

²⁷ Նույնը, Հովմ. ԺԶ 5—15, էջ 300, Գործք Ա 8, էջ 318:

²⁸ Երվանդ վրդ. Տեր-Մինասյանց, նույնը, էջ 84—88:

²⁹ Նույնը, էջ 80:

անգամ պաշտպանում էր նրանց մարգարեությունը, հենվելով Պողոսի Ա Կորնթ. թղթի վրա²⁸:

Հոռմի եկեղեցին տարբեր դիրք էր բռնում մոնոսական շարժման դեմ: Հոռմի եկեղեցիին Պապը առաջինը դեմ դուրս եկավ այդ շարժմանը: Եվ Իրենեոսը Հոռմում չկարողացավ Պապին բարյացակամորեն տրամադրել դեպի այդ շարժումը, հակառակ որ Լիոնի համայնքի կողմից երկու թուղթ էր տարել Հոռմի եպիսկոպոսին՝ մոնոսականներին ի նպաստ:

Իրենեոսը Լիոն վերադարձավ 178-ին և տեղի Փոտիմիոս եպիսկոպոսին գտավ նահատակված: Իրենեոսը հաջորդեց նահատակ եպիսկոպոսին, «եղավ պետը Գալիայի եկեղեցիներում, զորս հովվեց առաքիչությունը, մեծ եռանդով և հեզությամբ հոգով»²⁹: Գալիայում ծանր հալածանքների ենթարկվեց քրիստոնեական եկեղեցին, սանավանդ Սեպտիմոս Սևերոս կայսրի օրով (193—211): Լիոնը համարվում է մարտիրոսների քաղաք:

Իրենեոսը Հոռմի Վիկտոր Ա եպիսկոպոսի (189—198) օրոք հաշտարար դեր է կատարում Հոռմի և Փոքր Ասիայի եկեղեցիների միջև Ջատիկը տոնելու հարցում:

Բ և Գ դարերում ձեռքի տակ չունենալով գրավոր վկայություններ, արևելյան և արևմտյան եկեղեցիները, ավանդության վրա հիմնված, վիճում էին միմյանց հետ Ջատիկը կամ Քրիստոսի Հարության հիշատակը տոնելու հարցի շուրջ: Արևելքում, և մասնավոր Փոքր Ասիայում, տեղական ավանդության համաձայն, Ջատիկը տոնում էին Նիսանի 14-ին, հրեաների հետ՝ պնդելով, որ այդպիսի ավանդություն ունեն Հովհաննես և Փիլիպոս առաքյալներից: Իսկ Արևմտյան եկեղեցին, հենվելով Պետրոս և Պողոս առաքյալների ավանդության վրա, պնդում էր, որ Ջատիկը պետք չէ կատարել հրեաների հետ, շաբաթ օրը, այլ նրա հաջորդ կիրակի օրը: Վեճը գնալով բորբոքվում էր Արևելքի և Արևմտքի միջև: Հոռմի Վիկտոր Ա եպիսկոպոսը համարձակվեց նույնիսկ ձգովել Փոքր Ասիայի եկեղեցիներն ու եպիսկոպոսները, բայց կրճատման ենթարկվեց Իրենեոսի կողմից, որը զգուշացնում էր Վիկտոր Ա-ին այդպիսի պառակտիչ քայլի դիմելուց, հանուն եկեղեցու խաղաղության և ներքին անդորրության: «Անհամաձայնություն կա եկեղեցիների միջև,—գրում է նա Պապին,—ոչ

միայն այդ օրվա (Ջատիկը Նիսանի 14-ին տոնելու մասին), այլ նաև պառակտելու ավանդության մասին»³⁰:

Եվսեբիոս Կեսարացին այս առթիվ Իրենեոսին անվանում է «խաղաղարար»՝ «Իրիմոսիոս»³¹, որը իր այդ ջանքերով բարձրացրեց դարձյալ իր անունը:

Այս դեպքից հետո եկեղեցական պատմության մեջ 180 թվականից սկսած չի հիշվում Իրենեոսը: Նույնիսկ հայտնի չէ նրա մահվան թվականը: Ավարտությունը հաստատում է, որ նա մարտիրոսական մահվան կնքեց իր կյանքը: Այս մասին, սակայն, վկայություն չկա Եվսեբիոսի մոտ³²:

Մեր Ցայամաուրքը հաստատում է, որ Իրենեոսը նահատակությամբ է կնքել իր արդյունաշատ կյանքը, «երբ քաջալերում էր Քրիստոսի խոստովանողները, որ ամուր կառչած մնան իրենց հավատքին և արիաբար դիմավորեն մահը: Իրենեոսն էլ այս առթիվ ձերբակալվում է և բանտարկվում: Երբ նա հանվում է հեթանոս դատավորների առաջ հարցաքննության համար, համարձակորեն վկայում է Քրիստոսի աստվածության մասին, որի համար էլ զանազան տանջանքների է ենթարկվում: Եվ երբ չի ուրանում գժրիստոս և իր հավատքը, հրաժարվում է կոտորելին զոհ մատուցելուց, սրախողխող է լինում», հավանաբար 202 թվականին, Սևերոս կայսրի հալածանքների ժամանակ³³:

ՍՈՒՐԲ ԻՐԵՆԵՈՍԻ ՄԱՏԵՆԱԳՐԱԿԱՆ
ՎԱՍՏԱԿԸ ԵՎ ԴՐԱ ՀԱՅԵՐԵՆ
ԹԱՐԳՄԱՆՈՒԹՅՈՒՆՆԵՐՆ ՈՒ
ՏՊԱԳՐՈՒԹՅՈՒՆՆԵՐԸ

Սուրբ Իրենեոսը թեև իր ծնունդով և դաստիարակությամբ արևելքից է, ծնված ու կրթված Ջմյունիա քաղաքում, բայց իր եկեղեցական-հովվական գործունեությամբ և մանավանդ իր հարուստ և բազմաժանր մատենագրական վաստակով պատկանում է արևմտյան եկեղեցու հայրերի խմբին:

Իրենեոսը կոչվում է «հետևող առաքելոց և մին է եկեղեցվո այն ամենահին հայրերից, որոնք առաքելական ավանդության

²⁸ Հայոց եկեղեցական իրավունքը, Ա գիրք, 1908, աշխատություն Ներսես վրդ. Մելիք-Թանգյանի, Ծուշի, էջ 38—39:

³¹ Եվսեբիոս Կեսարացի, նույնը, V, 17, 24: Quasten, նույնը, էջ 288:

³² Quasten, նույնը, էջ 288:

³³ Տես նաև Ծնորդք արքեպիսկոպոս Գալուստյան, նույնը, էջ 38: Թորգոմ պատրիարք Գուշակյան, նույնը, էջ 151:

²⁸ Նույնը, էջ 87:

²⁹ Թորգոմ պատրիարք Գուշակյան, նույնը, էջ 151:

ներկայացուցիչ և գործող ջատագույններ հանդիսանալով մեծապես նպաստել են իրենց բազմակողմանի գործունեությամբ երկրորդ դարու նորակազմ, ներքուստ և արտաքուստ աճչափ վտանգված եկեղեցին անարատ պահելու և որոշ կարգերով, որոշ դավանական սկզբունքներով հաստատուն հիմքերի վրա հաստատելու»³⁴:

Իրենեոսը հանդիսանում է Բ դարու արևմտյան եկեղեցու նշանավոր և ամենակարևոր եկեղեցական հայր, որպես մատենագիր և աստվածաբան:

Եկեղեցական հայրերի մեջ «ժամանակագրական կարգով իսկապես առաջինը բռնում է քրիստոնեության Բ դարու ամենից աչքի ընկնող հեղինակ Լուգդունի (Լիոն) պատկառելի եպիսկոպոս և նահատակ» Իրենեոսը³⁵:

Իրենեոսը «կենդանի հարստերության մեջ է եղել յուր ժամանակակից քրիստոնեության կարևոր կենտրոնների հետ և եռանդուն մասնակցություն է ունեցել այլ բազում հուզվող բոլոր կրոնական խնդիրների և վեճերի մեջ: Եվսեբիոսից առաջ ապրող հայրերից ոչ ոք յուր գործերով այնքան չէ նպաստում ծանոթանալու եկեղեցական պատմության այս նախկին շրջանին և պարզաբանելու նորա շատ մութ կողմերը, որքան նա»³⁶:

Բ դարու եկեղեցական հայրերի մեջ Իրենեոսը հանդիսանում է կորույի և կրթոտ պաշտպանը ընդհանրական եկեղեցու ուղղափառ վարդապետության և առաքելական ավանդության և մի շարք հերետիկոսությունների, այդ թվում մանավանդ գնոստիկյան քրիստոնեական աղանդավորական շարժման դեմ իր գրած հակաճառական քննադատական և ջատագույնական, մատենագրական վաստակով³⁷:

Իրենեոսը այս բնույթի իր մատենագրական վաստակում հանդես է բերում բազմակողմանի ծանոթություն, խորը գիտություն իր օգտագործած աղբյուրների, միաժամանակ բարոյական պատասխանատվություն, կրոնական խանդավառ և անսպառ եռանդ³⁸:

³⁴ Կարապետ վրդ. Տեր-Մկրտչյան, Իրենեոս և ճշարտներ նորա գրվածքներից, «Արարատ» ամսագիր, 1897, էջ 199:

³⁵ Կենթ հատույ, հրատարակություն Կարապետ եպիսկոպոսի (Տեր-Մկրտչյան), ս. էջմիածին, 1914, էջ XXXIV:

³⁶ «Արարատ», նույնը, էջ 199—200:

³⁷ Ջատագույնականների մասին տես պրոֆ. Ն. Սագարյան, նույնը, էջ 5—12:

³⁸ Quasten, նույնը, էջ 288:

Դժբախտաբար Իրենեոսի մատենագրական վաստակը մեզ ամբողջական ու անկորուստ չի հասել, բացի մեկից, այն էլ լատիներեն թարգմանությամբ: Նրա մնացած գործերից միայն հաստատվածներ կան հունարեն, հայերեն և ասորերեն:

Իրենեոսի ամենակարևոր գործը համարվում է նրա հռչակավոր **Ընդդեմ Հերձուհեղաց** (Adversus Haereses) կամ **Հակաճառություն ընդդեմ ստանուն գիտության** աշխատությունը:

Սույն աշխատությունը, որը բաղկացած է հինգ գրքերից, հայտնի է միայն լատիներեն մի հին թարգմանությամբ³⁹:

Ա գրքում Իրենեոսը զբաղվել է ընդհանրապես գնոստիկյան հերետիկոսության ծագման և զարգացման մանրամասն պատմությամբ: Գրվածքը կրում է վիճաբանական-հակաճառական բնույթ, որի մեջ սպանիչ քննադատության են ենթարկվել շարժման հիմնադիր Սիմոն կախարհի, նրա հետևորդներ գնոստիկյան Մենանդրի, Վադենտիանոսի, Բազիլիդեսի, Իսիդորի, Կարպոկրատեսի, Մարկիոնի և բազում այլ վտանգավոր գնոստիկյանների աղանդավորական մոլորությունները:

Բ գիրքը հերքում է մասնավորաբար Վալենտինյանոսի և Մարկիոնի գնոստիկությունը:

Գ գիրքը ջատագույնություն է, որը ներկայացնում է Աստուծո և Քրիստոսի մասին եկեղեցու ուղղափառ և առաքելական վարդապետությունը:

Դ գիրքը նվիրված է Տիրոջ խոսքերին և Ե գիրքը խոսում է մարմինների հարության մասին: Մարմինների (մեղեղոց) հարության վարդապետությունը առհասարակ մերժում էին բոլոր գնոստիկյանները:

Գրքի եզրակացության մեջ Իրենեոսը խոսում է եկեղեցու պատմության մեջ ծանոթ «հազարամեայ վարդապետության» կամ Քրիստոսի երկրորդ գալուտյան մասին⁴⁰:

Ընդդեմ Հերձուհեղաց գրքում, հակառակ նրա շատ մեծ կարևորությանը, ըստ գրական քննադատության, «պակասում են հստակ կարգ ու կանոն, կանոնավորություն, մտածման միություն ու հետևողականություն և նյութերի համակարգություն: Երկարաբանությունն ու հաճախակի կրկնությունները աշխատությունը դարձնում են ձանձրալի ընթերցելու համար: Այս բոլոր-

³⁹ Լ. Ս. Անասյան, Արմատ հատույ-ի աղբյուրներից, Իրենեոս Լուգդունացի, «Էջմիածին», 1977, № Ը, էջ 41—47:

⁴⁰ Quasten, նույնը, էջ 289:

յով հանդերձ, սակայն, Իրենեոսը գիտի տալ պարզ և համոզիչ նկարագիրը եկեղեցու վարդապետության: Իրենեոսի սույն աշխատությունը ներկայացնում է այնուամենայնիվ գնոստիկյան գիտության, սիստեմների և նախկին եկեղեցու վարդապետության մասին ամենամեծ կարևորությունը»⁴¹:

Ընդդեմ Հերձուածողաց գիրքը հունարենից լատիներենի է թարգմանվել Հյուսիսային Աֆրիկայում, 350—420 թվականներին⁴²:

«Ինչպես հունական և հռոմեական եկեղեցիների, այնպես էլ հայ եկեղեցու համար Իրենեոսը հեղինակություն է համարվել քրիստոնեության վաղագույն շրջանում գոյություն ունեցող վարդապետական տարակարծությունների հարցում և կարևոր աղբյուր՝ հերձվածողական ու հերետիկոսական շարժումների պատմության համար»⁴³:

Մեզ հասել են Իրենեոսի **Ընդդեմ Հերձուածողաց** աշխատության Դ և Ե գրքերի հայերեն հին թարգմանությունը, որը հայտնաբերեց Մայր Աթոռի գիտնական միաբան Կարապետ վարդապետ Տեր-Մկրտչյանը, 1904 թվականին, Երևանի կաթողիկե ս. Աստվածածին եկեղեցու ձեռագրերից մեկի մեջ (այժմ Երևանի ս. Մաշտոցյան Մատենադարանի ձեռ. № 3710):

Իրենեոսի սույն աշխատության հայերեն հին թարգմանությունը 1910 թվականին Լայպցիգում հրատարակեց դարձյալ Մայր Աթոռի հմուտ միաբան Երվանդ վարդապետ Տեր-Մինասյանը՝ Աղոյի Հառնակի և Կարլ Շմիդտի հովանավորությամբ:

Սույն աշխատությունը կոչվում է Ireneaeus Gegen die Hæretiker, Buch IV V. Leipzig, 1910, texte und untersuchungen.

Գիրքը ունի հետևյալ մասերը.

1. Հառաջաբան, Vorwort, էջ III—VII, գերմաներեն լեզվով. 1910 թվականին Ալեքսանդրապոլում գրել է այն Երվանդ վարդապետ Տեր-Մինասյանը:

2. Դ գրքի գլխակարգություն, 97 գլուխ, էջ 1—6, ապացույց և մեկնություն, ապա բնագիրը, էջ 7—245:

3. Այս Իրենեոսի գիրք Ե. «Ցանդիմանության և եղծման ստանուն գիտության». էջ 246—250՝ «Վկայությունը Իրենեոսի ի բառապես Ստեփաննոսի Ռոշքալ Կամենց-տոյ (ի շարս գրչագրաց թիւ Գ) մատենադարան Անտոնեան միաբանության Յորթաբելոյ Կ. Պոլիս»:

⁴¹ Նույնը, էջ 290:

⁴² Նույնը, էջ 291:

⁴³ Հ. Ս. Անասյան, *Առաջին*, էջ 41:

251—264 էջերում տպագրվել է «Ցանկ վկայությանց սուրբ Գրոց», Ծննդոց գրքից մինչև Հայտնություն: Իրենեոսի սույն աշխատության մասին հիշատակում է միայն Եվսեբիոս Կեսարացին⁴⁴: «Եւ այլ միս ևս ճառ ընծայեալ Մարկիոնի ուրումն եղբոր ի ցոցակութիւն քարոզութեան առաքելոցն»:

Իրենեոսի **Ընդդեմ Հերետիկոսաց** աշխատության Դ և Ե գրքերը հայերենի են թարգմանված հավանաբար Է—Ը դարերին՝ հունարենից: Գիտական աշխարհին այն ծանոթ է միայն հայերեն թարգմանությամբ: Կարծվում է, որ աշխատության ձեռագիրը Հեթում Բ հայոց թագավորի (1226—1270) կրտսեր եղբոր՝ Հովհաննես արքեպիսկոպոսի սեփականությունն է եղել և գրվել է 1270—1289 թվականներին: Թարգմանիչը կոչվում է Սահակ վարդապետ, հավանաբար Սահակ Գ Ջորափորեցի կաթողիկոսն է (677—703), որը հայտնի թարգմանիչ է եղել և մասնագետ հունարեն լեզվի և դպրության⁴⁵: Թարգմանության թվականը համարվում է 650—750 թվականները:

Իրենեոսի մատենագրական վատակի երկրորդ կարևոր աշխատությունը, որ գիտական աշխարհին ծանոթ է դարձյալ միայն հայերեն հին թարգմանությամբ, կոչվում է **Ցույցք առաքելական քարոզության**:

Իրենեոսի սույն աշխատությունը հայտնաբերել է 1904 թվականին Երևանի կաթողիկե ս. Աստվածածին եկեղեցու ձեռագրերի մեջ դարձյալ Կարապետ վարդապետ Տեր-Մկրտչյանը, և այն Երվանդ վարդապետ Տեր-Մինասյանը հրատարակել, 1907 թվականին, Լայպցիգում: Իրենեոսի սույն աշխատության «հունարեն բնագիրը և կամ նրանից կատարված թարգմանություններ ունի լեզուներով՝ առհասարակ հայտնի չեն բանասիրությանը»⁴⁶:

Մայր Աթոռի միաբան Գառեգին վարդապետ Հովսեփյանը բովանդակալիս մի «Մատենախօսանան» է գրել **Ցույցք առաքելական քարոզության** աշխատության հրատարակության առթիվ⁴⁷, հետևալ վերնագրով. «Մի կարևոր օրոտ: Ս. Իրենեոսի (Նունոն) «Ցույցք առաքելական քարոզության» ռուսական հատերեն թարգմանությամբ: Հրատարակեցին և թարգմանեցին

⁴⁴ Եվսեբիոս Կեսարացի, *Առաջին*, Ե 28:

⁴⁵ Մադաքիա արքեպիսկոպոս Օրմանեան, Ազգաատում, Ա. Բեյրութ, 1959, էջ 788:

⁴⁶ Հ. Ս. Անասյան, *Առաջին*, էջ 42:

⁴⁷ «Արարատ», 1907, հունվար, էջ 59—65:

գերմաներեն լից. դր. Կարապետ (վարդապետ) Տեր-Մկրտչյան և լից. դր. Երվանդ (վարդապետ) Տեր-Մինասյանց, Ադոլֆ Հաունսկի վերջաբանով և ծանոթագրություններով, Լայպցիգ, 1907:

Իրենեոսի «Ցոյցք»-ը կարևոր գիրք է եկեղեցու ուղղափառության մասին, որը մեզ ցույց է տալիս, թե «Ինչպես էին հրահանգում և դարձնում եպիսկոպոսները քրիստոնեական հավատի մեջ իրենց հավատացյալներին»⁴⁸:

Սույն ջատագովական աշխատությունը բաղկանում է երկու մասերից: Մի քանի ներածական նշմարներից հետո (գլ. 1—3), առաջին մասը բաղկանում է 39 գլուխներից, որ Իրենեոսը ներկայացնում է քրիստոնեական կրոնի էական բովանդակությունը, աստվածային երեք անձնավորությունների ստորոգելիները, խոսում է մարդու ստեղծման և ապա անկման մասին, բացատրում է մարդեղության և փրկագործության խորհուրդները, երկրորդ մասը, որը բաղկանում է 42—97 գլուխներից, խոսում է քրիստոնեական կրոնի Հայտնության ճշմարտության ապացույցների մասին, սկսած Հին Կտակարանից և Հիսուսին ներկայացնում Դավթի ոռոյի և Մեսիա (Quasten, նույնը, էջ 292—293):

«Ցոյցք»-ը շատ կարևոր և հնագույն մի ձեռնարկ է ոչ միայն եկեղեցու ուղղափառ դավանության և առաքելական աղանդության մասին, այլ նաև «քրիստոսաբանական կարևոր խնդիրներ են արծարծված 30, 31, 32 պրակներում. խաչի խորհուրդը և նշանակությունը, 34, 41, 45, 46 պրակներում: Վեոսին պրակների մեջ արտահայտված են Իրենեոսի առաջ և մարտիրոսականությունը, հրեական և քրիստոնեական կրոնների տարբերությունները, սիրո բարձր նշանակությունը»⁴⁹:

Ըստ հրատարակիչների առաջաբանների Ենթադրության «Ցուրք»-ն հատկեցիկ է թուոմանե Ստեփանոս Սուրենոսին (Ը դար, մահացած 736-ին), հունարեն քննադատ: Գործի մատենահետադիմությունը օրոտ հմուտ Իսմիանանան. սակայն, համաձայն չհաստատանիների այս ենթադրության: Իսմիանանան Ի հատկությամբ, որ «Ցուրք»-ի «թուոմանությունը խառնված լինի հետեցիականների (հունարեն ռադոսի?) շոտանում. Ի ուսում»⁵⁰. Իսմիանանան են նաև աստումարան Հակոբ Մանանդյանին ու

գրականագետ ակադեմիկոս Մանուկ Աբեղյանը. «Իրենեոսի Ցոյցք առաքելական բարոգութեանն և Ընդդէմ Հերձուածողաց» երկերը թարգմանված են հունարեն թարգմանությունների առաջին շրջանում և դրանց «թարգմանությունները ժամանակակից են Փիլոնի թարգմանություններին»⁵¹:

Գարեգին վարդապետ Հովսեփյանը իր «Մատենախօսական»-ի մեջ քննության է առնում նաև «Ցոյցք»-ի թարգմանչի հարցը. «Արդոք նույն թարգմանչի գործն է «Ընդդէմ Հերձուածողաց»-ի Դ և Ե գրքերի թարգմանությունը և «Ցոյցք»-ի թարգմանությունը»: Այս հարցին կարելի է պատասխանել, նշում է Գարեգին վարդապետ Հովսեփյանը, երբ ձեռքի տակ ունենանք Իրենեոսի գործերի հայերեն թարգմանությունների ամբողջական հրատարակությունը»⁵²:

Վերոհիշյալ «Մատենախօսական»-ի մեջ Գարեգին վարդապետ Հովսեփյանը, իր ուսումնասիրությունների հիման վրա, նշում է մեր մատենագրության մեջ Իրենեոսի գործերի հայերեն թարգմանությունների հետևյալ հատակոտորները, ըստ հենցիկության Պետրայի և անգլիացի Հարվեյի ուսումնասիրության.

1. Վասն միապետութեան Ֆորիմիոս Երեցի (նրան ուղղած նամակից)⁵³:
2. Վասն հերձուածողաց:
3. Բան վասն հաւատոյ:
4. Հատում քարոզներից:
5. Ի խորհուրդ տօնի Յարութեան:
6. Յաղագս գնացից առաքելոցն և քանից հերձուածողաց:

Այս բոլորը նշելուց հետո Գարեգին վարդապետ Հովսեփյանը եզրակացնում է.

«Բոլոր այս հատակոտորները հավանական են դարձնում, որ Իրենեոսի գործերից ամելի են թարգմանված, քան ամի հալոնի եղալ Կարապետ վարդապետ Տեր-Մկրտչյանի գյուտով»⁵⁴:

Կարապետ վարդապետ Տեր-Մկրտչյանը 1897 թվականին «Արարատ» ամսագրում հրատարակել է «Արմատ հաւատոյ»-ի Իրենեոսին հետևող հատվածները, «Իրենեոս և նշարներ նորա գրվածքներից» վերնագրված ուսումնասիրության մեջ⁵⁵:

⁵¹ Հակոբ Մանանդյան, Հունարեն դպրոցը և նրա զարգացման շրջանները..., Վիեննա, 1928, էջ 223: Մանուկ Աբեղյան, Հայոց հին գրականության պատմություն, գիրք առաջին, Երևան, 1944, էջ 100—101:

⁵² Գարեգին վրդ. Հովսեփյան, նույնը, էջ 64:

⁵³ Եվսեբիոս Կեսարացի, նույնը, Ե 20:

⁵⁴ «Արարատ», նույնը, էջ 65:

⁵⁵ «Արարատ», 1897, էջ 200—201:

⁴⁸ Գարեգին վրդ. Հովսեփյան, նույնը, էջ 62:

⁴⁹ «Արարատ», նույնը, էջ 63:

⁵⁰ Նույնը, էջ 64:

Ձեռագիր համար 1945 (Էջմիածնի ձեռագիր)։ «Երանելոյ Իրենեոսի հետևողին առաքելոցն և եպիսկոպոսի եղելոյ Ղուկասին, որ փիղիսոփայից ուսմամբ պայծառացեալ ճանաչէր» (էջ 201)։ Ապա «Աւրէնք և մարգարէք և անտարանք քարոզեցին գօրիստոս ծնիցեալ ի կուսէ» (էջ 201—202)։

Նորին Իրենեոսի։

«Սուրբ գրութիւն գիտեն գօրիստոս որպէս մարդ գոյով, այսպէս և ոչ մարդ գոյով» (էջ 202)։

Նորին Իրենեոսի։ «Սուրբ եկեղեցի և թաւետ ըստ բոլոր է աշխարհ» (էջ 202—203)։

Ձեռագիր համար 1946 (Էջմիածնի ձեռագիր)։

Երանոսի հետևողի առաքելոցն, «որք հերձնուն և պատառն գմինն, գրորովամու պատուհասն ընկալցին, քանզի ընդունայն սնուտիք են, որք երկու բնութիւնս ասեն բաժանեալ և ստանուն Աստուծոյ զփրկութիւնն, զոր ի մարդանալն շնորհեաց մեզ»։ Նաև «որ եկն և մի բնութիւն Աստուծոյ և մարդոյն գործեաց»։ Դարձյալ. «Անջատեալ են քարք անցա յԱստուծոյ»...

Նորին

«Չհերձուածս գործեն, զմեծափառութեալ մարմինն Բրիստոսի բաժանեն և հատակոտորեն»։

Նորին

«Եսայի ասէ. մերձեցայ կին իմ մարգարէ և ծնաւ որդի՝ Սքանչելի խորհրդակից, Աստուած Հօր, իշխան» (էջ 203)։

Նորին ասացեալ

«Անարգեն գրողին Աստուծոյ և զմարմնոյ փրկութիւն ուրանան և զվերստին ծնունդնորա անպատուեն, որք ոչ ասեն զնա լինել ընդունակ անապականութեան, քանզի եկն Որդին Աստուծոյ և զգեցաւ մարմին անապական՝ յանապական կուսէն Մարիամայ»⁵⁵։

Երևանի ս. Մեսրոպ Մաշտոցի անվան Մատենադարանում հիշվում են դարձյալ Իրենեոսի գործերի հայերեն թարգմանություններից հատակոտորներ, այսպես. **Մատենադարան, Մատենադարան, Ժողովածու**, էջ 445, ճառք, քարոզք՝ Իրիանոս, դարձեալ ժողովածու՝ կանոն ձեռնադրութեան եպիսկոպոսաց, Իրենեոսի Ցոյցք առաքելական

քարոզութեան⁵⁷, Մատենադարան (Մշոյ), ճառք, ճառքողեանք (Իրենեոսի)⁵⁸։

«Կնիք հաւատոյ» ժողովածուում⁵⁹ ևս կան 6 հատակոտորներ կամ հատվածներ Իրենեոսի գործերի հայերեն թարգմանություններից.

«Աւրէնք և մարգարէք և անտարանք քարոզեցին գօրիստոս ծնիցեալ ի կուսէ»։ Սույն հատակոտորը վերցվել է Ալեքսանդրիայի Աթոռի եպիսկոպոսապետ Տիմոթեոս Կուզի «Հակաճառութիւն առ սահմանեալսն ի ժողովոյն Քաղկեդոնի» աշխատությունից «ի լոյս ընծայեալ աշխատութեամբ Կարապետ ծ. վարդապետի և Երուսաղէ վարդապետի»⁶⁰։

Բ հատվածը վերցվել է դարձյալ Կուզի Հակաճառութիւն-ից⁶¹, «Սուրբ գրութիւնք գիտեն գօրիստոս որպէս մարդ գոյով... Սուրբ եկեղեցի և թաւետ ըստ բոլոր է աշխարհ...»⁶²։

«Կնիք հաւատոյ»-ի երկրորդ հատվածը վերցվել է «Ցոյցք»-ի թարգմանությունից⁶³, «ուրեմն և մի բնութիւն Աստուծոյ և մարդոյ գործեաց»։ Դարձյալ նույն էջում «Քանզի արին ոչ եղիցի, բայց եթէ լերակազ և ի մարմնոյ»։ Երրորդ հատվածը՝ «Նորին» եկն Որդին Աստուծոյ և սգեցաւ մարմին անապական յանապական ի կուսէն Մարիամայ»⁶⁴։

Զ և է հատվածները «Կնիք հաւատոյ»-ի, էջ 293—299, «բայտ մեծի մասին Իրենեոսի մեզ հատուկ երկերի պատուիկներից են»⁶⁵, «Երանելոյն Երանոսի, հետևողին առաքելոց... ի քանէն որ գատորնին (աղանդավոր Սատորնին)։ «այսպէս զՅիսուս ըստ երկուց խորհրոց աղաղեն և աղաճն մեկնեն՝ և Նիկողիսացիքն և Մարկիոն» (Նիկողոսյան աղանդավորներ), (էջ 293—297)։ Ապա՝ Նորին Երանոսի... ի քանէն որ, ընդդէմ Կոդարթոսի (աղանդավոր Կարպոկրատոս) և նորին համախոհաց» (էջ 297—299)։

«Մատենադարան հայկական թարգմանությունն անվանեաց» աշխատության մեջ⁶⁶ Իրենեոսի ճառերից հայերենի են թարգմանված հետևյալները. «Ի յարութիւն

⁵⁷ Ցոյցակ ձեռագրաց Մաշտոցի անվան Մատենադարանի, հատոր Ա, 1865, էջ 428, 1068։

⁵⁸ Նույնը, երկրորդ հատոր, 1970, էջ 598։

⁵⁹ Կնիք հաւատոյ, նույնը, էջ XXXV։

⁶⁰ Ս. Էջմիածին, 1908, էջ 256—259։

⁶¹ Նույնը, էջ 257—258։

⁶² Նույնը, էջ 258—259։

⁶³ Կնիք հաւատոյ, նույնը, էջ 248։

⁶⁴ Նույնը, էջ 244։

⁶⁵ Նույնը, էջ XXXV։

⁶⁶ Վեներիկ, 1889, էջ 419—421։

⁵⁶ Լ. Ս. Անապան, նույնը, էջ 44—47։ Նաև՝ Լ. Ս. Անապան, Հայ դավանաբանական գրականության թանկարժեք հուշարձանը, Գիրք հաստատության և արմատ հաւատոյ, «Էջմիածին» ամսագիր, 1972, № Ը, էջ 27—36, № Թ, էջ 45—56։

Տեսան», «Յաղագս որդոցն Ջեթեհայ», «Յորժամ և արարածս ազատեալ և նորոգեալ», «Ի Մատթէոսի մեկնութենէն, ի խորհուրդ յարութեանն» և այլն:

Իրենեոսի մատենագրական վաստակի օտար թարգմանությունների հատակոտորների մասին տես Quasten⁶⁷:

Սուրբ Իրենեոսը որպէս Բ դարու մեծ աստվածաբան իր մատենագրական վաստակով մասնավոր և խորագնին ուսումնասիրության է ենթարկվել մասնագետների կողմից: Նրա աստվածաբանությունը շատ կարևոր է համարվում նախ նրա համար, որ նա պատռեց կեղծ քրիստոնեական գնոստիկյան աղանդավորության դիմակը և նրանց արտաքսեց եկեղեցուց: Երկրորդ, նա մեծ համարձակությամբ և կորովով սլաշտպանեց ընդհանրական եկեղեցու առաքելական և ուղղափառ հավատը, որի


դեմ անողոր Կալքար էին մղում գնոստիկյանները, հիմքից բանդել փորձելով եկեղեցու դավանական կառույցը: Այնպես որ «Իրենեոսը արժանի է կոչվելու հիմնադիրը քրիստոնեական աստվածաբանության: Նա առաջինը բանաձևեց քրիստոնեական ողջ վարդապետության դավանաբանական եզրերը»:

Իրենեոսի աստվածաբանական, քրիստոնաբանական, ամենասուրբ Երրորդության, ս. Կույսի (մայրաբանության) եկեղեցաբանության, ս. Հաղորդության, Նոր Կտակարանի նրա կանոնի, մարդաբանության և փրկչաբանության նվիրված հարցերով զբաղվողների ուշադրության ենք հանձնում Johannes Quasten-ի արժեքավոր ուսումնասիրությունը⁶⁸:

⁶⁷ Quasten, նույնը, էջ 290—291:

⁶⁸ Նույնը, էջ 294—313:





ԱԳԱԹԱՆԳԵՂՈՍԻ ՊԱՏՄՈՒԹՅՈՒՆ ՀԱՅՈՑ*

ՎԱՐԴԱՊԵՏՈՒԹՅՈՒՆ ՍՈՒՐԲ ԳՐԻԳՈՐԻ

[Զրիստոսի առաքյալների մոտ հոգեծիր շնորհների և գիտության հաշտմվելը և նրանց տիեզերաքարոզ վարդապետությունը ըստ մարգարեների կանխատեսության]

659. Իսկ երանելի առաքյալները պատգամաբեր փողեր եղան, որպեսզի ամեն լսողներին պատրաստեն սպասելու աստվածային փողի գալստյան, որ ամենքին անխափան խառնեն թոշունների այն գրեհին, որից հարություն ազդարարող փողի ծայրը կհանչի, որպեսզի սրանք ևս արժանի լինեն իրենց թևերն ստանալ ու բարձրանալ դեպի վեր և բարձունքների Տիրոջը տեսնել առանց ամոթի: Այն Տիրոջը, որը հեռուներից է ճանաչում և փրկում է նեղության մեջ ընթացողներին, որոնք հանուն արդարության հանձն առան խտակեցության նեղությունները, վստահ Աստուծո նիւրո:

660. Արդ, սրանք իրենց Տիրոջ կամքը կատարեցին, քանզի սիրել էին միմյանց և նա էլ սիրեց նրանց այնչափ որ իր անձը տվեց բարեկամների համար⁴⁶¹, իսկ նրանք հրաման ստացան սիրել միմյանց, որպեսզի այդպիսով իրենց անձերի մեջ ընդունեն խոստացված շնորհները:

* Ծարունակված «Էջմիածին» ամսագրի 1978 թվականի № № 7, 8-է-ից և 1979 թվականի № № 8-ից և 9-ից:

⁴⁶¹ Հմմտ, Հովհ. ԺԵ, 18:

661. Ուստի ծածուկ արտերի սերը բացահայտորեն ցուցադրեցին միահավան հավաքվելով վերնատանը, ուր սուրբ Հոգին գալով գտավ նրանց և օթևանելով բնակվեց նրանց մեջ, որպեսզի լցնի այն կարտոը, որ Տիրոջ նկատմամբ ունեն, միանգամայն կատարելով նրա խոստացածները: Քանզի նա ասում է, «ես գնում եմ և ձեզ կուղարկեմ մխիթարիչը, որը գալով կմխիթարի ձեր արտերը. նա, ասում է, ինձ փառավորում է քանզի ինձանից է առնում և պատմելու է ձեզ»⁴⁶²: Նա երրորդության միաբանության սերն իրականացնելու է նրանց միաբանությամբ, որոնք տիրոջից առել են հրամանը թե «եկեք ամբողջ աշխարհի մեջ և ուսուցանեք ու մկրտեցեք նրանց հանուն Հոր, Որդու և սուրբ Հոգու և սովորեցրեք ամենքին պահել այն, որի մասին խոսեցի ձեզ և ես ձեզ հետ եմ ձեր կյանքի բոլոր օրերում մինչև աշխարհի վախճանը»⁴⁶³:

662. Նա տվեց նրանց երրորդության ճշմարտության, միաբանության, երեքանձնյա զորության գիտությունը, որպեսզի ըստ այն օրինակի ամենքին ուսուցանեն ու մկրտեն հանուն Հոր և Որդու և սուրբ Հոգու:

663. Այլ քանի որ նրանք առել էին սուրբ Հոգու զորությունը ստացան նաև ամենայն ազգերի լեզուների բաժանման գիտակցու-

⁴⁶² Հովհ. ԺԶ, 7, 14:

⁴⁶³ Մատթ. ԻԸ, 19:

թյունը, որպեսզի ի վիճակի լինեն բոլոր երկրների մարդկանց, ամբողջ տիեզերքում, ուսուցանելու Աստվածային հրամանները, Արարչի սերը իր արարածների նկատմամբ, նրա խոնարհվելը մեր քարձրացման համար և անմահության հույսը մեռելների հարությունից հետո: Եվ թե այս մշտնջենականությունը, զորությունը և Որդու Աստվածությունը եկավ մեր փրկության համար, իր վրա վերցրեց մարդկությունը, մանավանդ իր բոլոր արարածների վերանորոգման համար, որպեսզի այս գիտակցությունը տա ամենքին, որոնց մեծամեծ շնորհներ ընծայվել էին:

664. Ապա նրանց միջոցով կատարվեցին մարգարեությունների առաջապես ընծայությունները, թե «այդ օրերին Հուդայի հազարապետները իրենց արտերում ասելու են թե՛ եկեք գտնենք Երուսաղեմի բնակիչներին նրանց Տեր ամենակալ Աստուծո մեջ»⁴⁶⁴, քանզի նախ այնտեղից իրենց ազգին տվեցին գիտակցությունը և ապա Երուսաղեմից աստվածաբաշխությունը տարածեցին ամբողջ տիեզերքի մեջ:

665. Քանզի ամենայնի Տերը Հուդայի ազգից ծագեց, որի համար էլ սրանք կոչվում են Հուդայի տան հազարապետներ: Այս բանը մեկնեց Պավլոս առաքյալը, առաջ բերեց, լուսաբանեց, ասելով «մենք Աստուծո խորհուրդների հազարապետներ ենք»⁴⁶⁵: Ապա հիերավի ասում է նույն Հոգին առաջագույն մարգարեի բերնով թե «այդ օրը, ասում է Տերը, Հուդայի տան հազարապետներին դնելու են իբրև ջահեր ծառերի մեջ վառված և իբրև հրեղեն լապտերներ (դամբար) եղեգների մեջ: Նրանք ոչնչացնելու են ձեր աջը և ձախը՝ շրջակայքի բոլոր ժողովուրդներին»⁴⁶⁶: Ավելի ստորև նա ասում է թե «Դավթի տան վրա և Երուսաղեմի վրա թափելու են շնորհների և գթության ոգին և նրանք ինձ են դառնալու»⁴⁶⁷: Քանզի ինքը սուրբ Հոգին կատարեց այն, առաքված լինելով Հորից և Որդուց: Ինչպես Որդին առաքվեց ու եկավ Հորմով և Հոգով, նույնպես և Հոգին առաքվեց Հորմով և Որդվով, որպեսզի երևա միասնական միաբուն զորությունը:

[Աշխարհի արարչագործության վեցօրյա լինելու և յոթերորդ հանգստյան օրվա մասին խորհրդածություն]

666. Սակայն նա եկավ Երուսաղեմ քաղաքը, միահամուռ գտավ նրանց, լցրեց նրանց սիրտը միակ զորությամբ, որպեսզի կատարվեն նույն Հոգու նախապես ասածները Հովել մարգարեի բերնով «Դրանից հետո վերջին օրերում այնպես է լինելու, ասում է Աստված, որ իմ հոգուց ափռելու են բոլոր մարմինների վրա և ձեր որդիներն ու դուստրերը մարգարեանալու են, ձեր երիտասարդները տեսիլք են տեսնելու և ձեր ծերերին երազներ են հայտնվելու. իմ ծառաների ու աղախիճների վրա իմ հոգուց են ափռելու, որ մարգարեանան, նշաններ են տալու երկինքն ի վեր և երկիրն ի վայր՝ արյուն, հուր և ծխի մրրիկ, արեգակը խավար է դառնալու և լուսինն արյուն, մինչև զա Տիրոջ մեծ և երևելի օրը: Այնպես է լինելու որ ով կանչի Տիրոջ անունը ապրելու է»⁴⁶⁸:

667. Իսկ ի՞նչ է այն ասվածը թե՛ «վերջին օրերում». քանզի երբ Աստված ստեղծեց արարածներին սկսեց առաջին օրը և վեցերորդում ամեն ինչ կատարել էր ամենակարող, անջանք, անաշխատ և անդանդաղ զորությամբ ու հանգստացավ իր բոլոր գործերից և յոթերորդ օրը կոչեց հանգիստ⁴⁶⁹:

668. Իսկ երբ Աստվածությունը տեսավ որ մարդը սայթաքել կործանվել, ընկել է պատվիրանապահությունից, քանի որ չէր մնացել առաքինության մեջ, ինչպես նա կամենում էր, այլ ընկել էր պատժի պատուհասի տակ, արդարության դատաստանի առջև, որսից գրավվել մահվան կողմից, նա վիրավորվեց, խոգվեց, հոգսերի, աեկոծության, դժվարությունների, ցավերի քրտինքի, անհանգիստ տատանումների երերումների մեջ ընկղմվեց: Սակայն [Աստված] ետ չգնաց ունեի իր ասած խոսքը, ապինք մահը որ նա դրել էր, այլ արարչության ժամանակը [հաշվելով] որր վեցօրյա թվով էր կատարվել, որպեսզի իր մեծությունը հայտնի լինի, նույն ձևով ժամանակի վեց հազար տարի չափեց երկրի դժվարությունների, ցավերի, չարչարանքի, քոտինքի ու տանջանքների համար: Ամեն մի օրվա համար, ըստ առաջին վեց օրերի, մի-մի հազար տարի տվեց որի մեջ տեղի պիտի ունենային ծնունդները, սերունդների բազմագումը և լինելության աճը:

669. Այդ ժամանակ նաև [կարող են առաքել] լավն ընտրելու փորձությունները (որպեսզի նրանց հատուցման ընտրությունը կատարի) պարզևատու խոստումների

⁴⁶⁴ Զաք. ԺԲ, 5:

⁴⁶⁵ Ա. Կորնթ. Դ, 1:

⁴⁶⁶ Զաք. ԺԲ, 6:

⁴⁶⁷ Զաք. ԺԲ, 10:

⁴⁶⁸ Հովել Բ, 28—32, Գործք. Բ 17—21:

⁴⁶⁹ Հմմտ. Ծննդ. Բ, 2—3:

ակնկալությունները, արդարների ժուժկալությունը նեղությունների մեջ, որոնք բովեր են դժվարությունների տարիների շաբաթի (յոթնորյակի) մեջ: Ինչպես և մարգարեն գոչեց ամենքին, ազդարարեց և ասաց «հազար տարին Տիրոջ աչքում նման է մի անցնող օրվա»⁴⁷⁰:

670. Քանզի առաջին [դարաշրջանում] ակիզքն էր, իսկ վեցերորդում նորոգումն էր, որը նա իրագործեց իր գալստյամբ և պարզեց Հոգու էջքը: Նույն հազարում լիճելու է վախճանը, որի համար էլ կոչվում է հետինը, երբ նա գալու է դարձյալ, իր հետ բերելով յոթերորդ օրվա ժամանակի խորհուրդը՝ առանց թվի և առանց չափի հանգիստն ու պարզեցնելը: Իսկ քանի որ ինքն իր արարչության յոթերորդ օրը հանգիստ է կոչում, այդ պատճառով յոթերորդ օրը պատվիրում է պահել սուրբ և հանելի, որպեսզի ամեն ոք ճանաչելով հաճելի օրը Արարչի հանգստով պատվի այն: Նույն ձևով յոթերորդ դարում նա հանգիստ է տալու չարչարվածներին, որոնք աշխատեցին իրենց վեցդարյա ժամանակում: Ինչպես որ իրենց ժամանակին նրա հետ չարչարվեցին նույնպես և նրա հետ պիտի հանգստանան այդ անչափ երկար դարում և նրա հետ ուրախ պիտի լինեն:

[Աստուծո Հոգու շնորհների հեղուկը մարդկանց վրա հետին ժամանակներում, ըստ մարգարեների գուշակությանը]

671. Աստուծո Հոգին վեցերորդ [դարաշրջանում] երևաց կատարելու առաջվանից խոստացվածները, որոնք մարգարեների բերնով ասվել էին: Վերջին ժամանակներում սուրբ Հոգու շնորհները թափվեցին, լցվեցին, սփռվեցին ժողովուրդների բազմախոս բանակի վրա, հոսեցին բազմառատ ջրերի հորդառատ ուժով:

672. Նրանք մարգարեացան ծածուկ խորհուրդներ, հանկարծակի խոսեցին ամենայն լեզուներով և բոլոր ազգերին հնարավորություն տվեցին ամբողջովին վերանալ դեպի արքայություն⁴⁷¹: Ընդունեցին տեսիլների հայտնությունները, ամենքին պատմեցին անճառելի խոսքի բաշխումը, հայտնեցին Աստվածորդու մշտնջենավոր հարսանիքի խորհուրդը, այսինքն որդեգրության համար վերանալը և նույն Որդվով ու Հոգով Հոր հետ ուրախ լինելը: Եղան կոչմանակներ կոչելու ամենքին մկրտության ավագանին, լվանալու նրանց սա-

տանալական ծխի աղտից, որպեսզի հագնեն լուսեղեն պատմությանները և մտնեն հարսանիքի ուրախությունների մեջ, ուր Քրիստոս փեսան ուրախ է լինելու հարսի հետ, որոնք Քրիստոսի հետ չարչարվեցին և նրա հետ էլ թագավորելու են⁴⁷²:

673. Արդ, Հոգու շնորհները հայտնվեցին, հոսեցին ամենքին, որպեսզի բոլորին արժանի դարձնեն Աստվածության նորապարզ, նորատուր, նորաբեր շնորհին: Որդիներին ու դուստրերին, ծերերին ու երիտասարդներին, ծառաներին ու աղախներին առ հասարակ սուրբ Հոգու շնորհներն ընծայեց, որպեսզի վերացնի խորականությունը, որ «չլինի խորականություն ոչ հրեայի ոչ հեթանոսի, ոչ ծառայի ոչ տիրոջ, ոչ տղամարդու և ոչ կնոջ, որ ամենքը Քրիստոսին արժանի լինեն»⁴⁷³: Ոչ միայն այսպես, այլև չարագործներին բացեց թողության դռները, որպեսզի մաքսավորները, պոռնիկները և մարդասպան ավագանիները և նույնիսկ իրեն խաչահանները լինեն ավետարանիչներ [քարոզելով] իր փրկության քարոզի, թողության տալու և արքայությունն ամենքին շնորհելու մասին:

674. Ամենքը լցվեցին սուրբ Հոգու գրության հոսանքով, ելան տիեզերքի մեջ, որպեսզի հաղորդեն Աստվածային հրաշքների գիտությունը բազում ազգերի լեզուներին, մատնանշել այն նշանները որ տվել էր վերը երկնքում և ներքևը երկրում, ըստ խոստման թե «պիտի տամ նշաններ վերը երկնքում և ներքևը երկրում»⁴⁷⁴: Երկնավորներին տրված նշանն այն էր որ տեսան Աստուծո Որդուն մարդացած վերը երկրնքում և նրա հետ կամարար մարմնակիցները միասին թագավորելով, միացած ու միախառնված հրեշտակների գնդին:

675. Իսկ ներքևը երկրում [ցուցադրեց] այն նշանը որ մարդիկ երկրի վրա տեսան՝ Աստուծո միակ Որդին խոնարհացած մարդացած և խաչի վրա, որպեսզի հեղի իր արյունը: Ուստի հուր է վառվելու առաքյալների համար և նրանց լեզուների միջով լապտերներ (դամբար) են գալու, որպեսզի հալեգնեն, արեն, վեռացնեն ամենայն մարդկանց մեղքերը: Քանզի ինքը Աստուծո Որդին դարձավ գառն և մատուցվեց իր Հորը, որպես հաշտության պատարագ (զոհ) խաչի վրա և միանգամայն վերացրեց աշխարհի մեղքերը:

⁴⁷⁰ Հմմտ. Բ Տիմ. Բ, 12:

⁴⁷¹ Գաղ. Գ, 27—28:

⁴⁷² Յովել, Բ, 30, Գործք, Բ, 19:

⁴⁷⁰ Սաղմ. 2Թ, 4:

⁴⁷¹ Հմմտ. Գործք, Բ, 2—4:

676. «Հուր, ասում է, և արյուն և ծխի մրրիկ»⁴⁷⁵: Հուրը սրբացնողն է՝ տուրք Հոգին որ սրբացրեց իսկ և սրբացնում է ամենքին և նրանք Քրիստոսի արյամբ սրբացվում են: Իսկ ովքեր չեն կամենա սրբանալ, ծառացնելով ծուխը, նրանց համար հայտնության օրինակ է կիզվածի մերկությունը⁴⁷⁶: Քանզի իր արյունը որ նրանց փրկության համար դրեց, նույն արյունը նրանց կորուստըն է դարձնելու, որն է արժանիների թագավորությունը: Արեգակը խավար դարձավ և լուսինը արյուն, այն ժամին երբ տեսան Տիրոջը խաչի վրա չարչարված⁴⁷⁷: Այն չէր երևելի օրը, որ գալու է՝ ամենքին դատելու և արդարացնելու օրը, այլ փրկության՝ ամենքին իր շնորհներով արդարացման օրը:

677. Քանզի արեգակն ու լուսինը դարձան քարոզիչներ այդ ժամանակ: Արեգակն իր խավարելով բողոքեց, ցույց տալով ամենքին Տիրոջը խաչի վրա և չկարողանալով տեսնել այդ տեսիլը խավարեց, քանզի որ չէր կարող տեսնել Տիրոջ անարգանքները: Իսկ լուսինը ևս հրաշքներ ցույց տվեց, քանզի հալելու մեծ ամեն արարածներին ցույց տվեց իր մեջ արյունը, ի վերուստ քարծուքներից, բոլոր երկրների փրկությունը, որոնք իրենց մաքրվ ընդունելու են այդ արյունը, իբրև իրենց արքայություն: Իսկ ովքեր այն արհամարհեն ու չգան այսպիսի պարգևաբաշխության, լուսինը ցույց է տալու նրանց մշտաբուխ արյունը իրենց մարմիններից, որոնցից բխելու են կորստյան մշտական տանջանքների դժոխային չմեղող որդերը:

678. Սրա համար ասում է «տալու են նշաններ վերևը երկնքում և ներքևը երկրում»⁴⁷⁸, Տերն ստորև երկրում խաչի վրա, իսկ լուսավորները քարծուքներում քարոզիչներ են, որոնք ազդարարում են ամենայն տիեզերքին: «Արյուն և հուր և ծխի մրրիկ»⁴⁷⁹ երկու քանի է ակնարկվում մեկը կյանքի ավետարանը, մյուսը սպառնալի պատուհասների արհավիրքը: «Արեգակը խավար է դառնալու և լուսինը՝ արյուն, մինչև որ գա Տիրոջ մեծ և երևելի օրը»⁴⁸⁰ այսինքն նշանակում է հատուցման գալու օրը, քանզի իրոք մեծ և երևելի օր է:

679. Իսկ քանի դեռ այդ [օրը] չի եկել, ով որ կանչի Տիրոջ անունը կապրի շնորհ-

ների մեջ: Քանզի Աստված երկիր իշավ, մարդկանց երկինք բարձրացրեց և հողեղեններից խառնեց հոգեղենների հետ: Միանգամայն նորոգեց ու երիտասարդացրեց արարածներին: Նա քացեց [մկրտության] ավազանի արգանդը, որպեսզի նորոգվեն և մկրտությամբ վերստին ծնվեն, որպես արքայության մանուկներ: Քանզի առաքյալները գործեցին որպես [մկրտության] ավազանի արգանդ, ամբողջ տիեզերքը վերստին ծնեցին ու հասցրին նրանց անմեղ մանկության անխարդախ կային, որպեսզի նրանց դարձնեն Աստուծո որդիներ և Քրիստոսի փրկության ժառանգորդներ: Ինչպես և երևելի Պավլոսն ասաց «իմ որդյակներս, որ ձեզմով վերստին երկնում եմ, մինչև որ Քրիստոս նկարվի ձեր մեջ»⁴⁸¹:

[Առաքյալների հրաշագործ գործությունը լուսավորելու տիեզերքը աստվածային շնորհներով և վարդապետությամբ]

680. Արդ, մանկացրին ամբողջ տիեզերքը, նրա համար, քանզի նրանից էին անել գործությունը՝ Հինավուրցը, որ մանկացավ: Ինչպես աստվածախառն իմաստությունը երգել էր նախապես և անել «թագավոր դառնալու է մանկության»⁴⁸²: Տիեզերքն էլ դարձավ մանկության, քանզի տեսան Տիրոջը մանկացած:

681. Արդ, առաքյալները վերածնեցին ամենայն աշխարհը ջրից և Հոգուց: Նրանք ամեն մեկին համեմեցին (աղեցին) հրով, քանզի հրաման էին ստացել թե «ամեն ոք հրով պետք է աղվի»⁴⁸³: Անքակտելիորեն խառնվեցին Աստվածությանը և լուսավորվեցին, զմայլեցրին և լցրին տիեզերքը պարզեցներով: Քանզի «ովքեր մի անգամ մկրտվեցին ի Քրիստոս, իրենց վրա վերցրին Քրիստոսի և նրա Հոգին»⁴⁸⁴: Լուսի ակունքից խմեցին շնորհները և նրա ահավոր նշաններով, հրաղեզ գործությամբ նրանք համեմեցին և ամրապնդվեցին հեթանոսական պղծության մեղքերի նեխությունից դեպի բժշկության առողջություն:

682. Նրանք ցողալից առատությամբ և հոգևոր անձրևով պարարեցին մարդկային սրտերի անապատացյալ մտղեն երկրները: Եվ դարձրին ընդարձակ ծովի նման խաղաղությունը, հորդագնաց գետի նման՝ փրկությունը, մշտնջենաբուխ աղբյուրների նման՝

⁴⁷⁵ Յովել, Բ, 30:

⁴⁷⁶ Հմմտ. Յովել, Բ, 6:

⁴⁷⁷ Հմմտ. Յովել Բ, 31, Գործք, Բ, 20:

⁴⁷⁸ Յովել, Բ, 30, Գործք, Բ, 19:

⁴⁷⁹ Յովել, Բ, 30, Գործք, Բ, 19:

⁴⁸⁰ Յովել, Բ, 31, Գործք, Բ, 20:

⁴⁸¹ Գաղատ. Դ, 19:

⁴⁸² Հմմտ. Սաղմ. ճԲ, 5:

⁴⁸³ Մարկ. Թ, 48:

⁴⁸⁴ Հմմտ. Գաղատ. Գ, 27:

ողջույնն ու հավատը, ուրախության բաժակի մեջ՝ Աստվածության սերը, հրի մեջ՝ սարդկանց արտերում երկյուղ տնկելը: Ինչպես օրինակ ճարտարագետ դարձան առնելով երկաթը գցում է հրի բովի մեջ և տաքացնելով հրագույն շողացնում, նույն ձևով և արդարները մխրճվեցին արդարության հնգի փութի մեջ և ներկվեցին շողյունի մեջ և սուրբ Հոգու գույներով: Նրանք հենց Քրիստոսին գլխովին վերցրին իրենց մեջ և Աստվածության սերն իբրև լույս վառեցին իրենց անձերի մեջ: Բարձրագույնից զորություն ստացան և իբրև քաջ մշակներ ընթացան բոլոր լեզուները լցնելու աստվածապաշտության սերմերով:

683. Եղան վառված ճրագներ դրված աշտանակի վրա, այսինքն խաչի վրա: Նույնի ճառագայթների զորությամբ նրանք լուսավորեցին տիեզերքը, դուրս մղեցին խավարի մթությունը բոլոր մարդկանցից, որպեսզի նրանց ընտանի դարձնեն աստվածային սիրուն: Սփռվեցին տիեզերքում, որպես ճշմարտության քարոզիչներ, «քանզի չկա հակառակություն կամ խտրականություն, ոչ հրեայի, ոչ հեթանոսի, ոչ ծառայի, ոչ տիրոջ, ոչ տղամարդու, ոչ կնոջ, քանի որ ամենքը մեկ են ի Քրիստոս»⁴⁸⁵:

684. Ծառերը հրեական ազգից, նույնպես և առաքյալները, եղան ճշմարիտ հաստատուն պլուներ և հեթանոսներից շատերը աշտանակի օրինակն իրենց անձերի վրա վերցրին և տարան, նաև բազում ազատներ և բազում ծառաներ: Ազատներն ընթացան ազատությունից դեպի [Աստուծո] թագավորություն, Նրա միջոցով որը լինելով թագավոր նրանց համար խոնարհվել էր բարձրությունից: Իսկ ծառաները ծառայությունից դեպի ազատություն [ընթացան] Նրա միջոցով, որն առավ ծառայի կերպարանք և ամենքին ազատեց խավարի ծառայությունից: Արդ հրեաները, հայրերը և մարգարեները ավանդեցին իրենց ազգին առաջագույն խորհուրդը: Երբ եկավ հասավ ավետյաց (Ավետարանի) խոստումը, այնժամ նրանց մեջ հայտնապես ծագեց արդարության արեգակը, որն ինքը Քրիստոսն է: Իսկ նրանք ում համար հավիտենական կյանքն էր պատրաստված և հավատացին նրան, նրանցից ոմանք եղան աշխարհի քարոզիչներ և առաքյալներ՝ առաջին վկաներ: Հեթանոսներից ոմանք ևս կանգնեցին, հորդեցին, ստվարացրին հավատացյալների գնդերն ու վկաների դասերը և լցրին ամբողջ երկիրը: Ոչ միայն տղամարդկանց այլև սուրբ կանանց միջոցով քարոզվեց

կենդանության Ավետարանը ամբողջ աշխարքում, քանզի կանայք ևս օրհնվեցին կույսից ծննդյան սիրուն, որը նրանցից էր:

685. Արդ, բուն պլուները, առաքյալները, ամուսնները (օգնականներ) որոնք ամեն լեզուներով խոսեցին, էլան աշխարհի մեջ, վիճակով վերցրին բաժանեցին բոլոր ազգերին: Նա նրանց առաքեց և տվեց իշխանությունն հրաշքներ և զորության արվեստ գործելու, մեղսյալներին հարություն տալու, հիվանդներին բժշկելու, ախտաժեղանքներին ողջացնելու, կաղերին քայլեցնելու, կույրերի աչքը բացելու, խուլերի լսողությունը վերադարձնելու, համբերին խոսել տալու, բորոտներին սրբելու և ամեն տեսակ ցավերն ու տանջանքները վերացնելու, մարդկանց թշնամի դեմքին փախցնելու, մարդկանց մոլորյալ մեղքերի պահակ սատանային ոտնակոխ անելու, ամենքին աստվածապաշտության ծանոթ դարձնելու, խափանելու մոլորությունները, հաստատելու բոլոր ազգերի հավատը արարչության հրամաններին:

[Քրիստոսի առաքյալների բարձրագույն իշխանությունը, նրանց համբերությունը հակառակորդների հալածանքների ժամանակ, որով ավարեցին բոլոր ազգերին]

686. Արդ, քրիստոսագունդ և խաչակիր առաքյալներից գլխավորներն էին Պետրոս և Անդրեաս, Հակոբոս և Հովհաննես, Փիլիպպոս և Բարթողոմեոս, Թովմաս և Մատթեոս, Հակոբոս և Սիմոն, Թադեոս և Բարսաբաս, Մատթիաս և Հակոբոս, Մարկոս և Դուկաս, Պավղոս և Բառնաբաս և այլք ևս, որոնք սրանց մեջ էին: Նրանք յոթանասուն էին և Տիրոջից իշխանություն ստացան գնալ իծի և քարքի դեմ⁴⁸⁶ և կոխտել թշնամու զորությունը⁴⁸⁷, երկրի լույսը լինել և համեմել, աղել մարդկային անգիտության, չարության անկարությունը, սուրբ Հոգու աստվածային աղով: Իբրև քաջ ախտյաններ, պատերազմասեր մահատակներ իրենց անձերը առաքինության պաշտպանության համար նետեցին: Նրանք չարչարանքի նեղություններ կրեցին, որպեսզի իրենց վաստակների միջոցով, ոչ ձրի այլ վարձքի դիմաց, բռնության նկատմամբ համբերությամբ, իրենց անձերի համար ստանան Աստուծո արքայությունը, պատերազմի մարտերով: Լինելով քաջ մահատակներ, իրենց անձերի վրա վերցրին հավատը և սերը իբրև ամրության զրահ, որի

⁴⁸⁶ Հմմտ. Մադմ. Դ, 18. Դուկ. Ժ, 19:

⁴⁸⁷ Հմմտ. Մատթ. Ե, 18—14:

վրա չեն կարող ներգործել թշնամու քան-
սարկության նեղ գետերը, և փրկության
հույսն իբրև անվթար սաղավարտ դնելով
դիմեցին ամբողջ աշխարհը և ավարեցին
բոլոր ազգերին: Նաև համբերության տըր-
ված օրինակներ առացան և այլոց ևս տվե-
ցին թղթերով (նամակներով): Իրենց նա-
խորդների վարքը իբրև գաղափար վերց-
րին, թե «օրինակ վերցրեք, եղբայրներ,
մարգարեների երկայնամտությունը, որոնք
խոսեցին հանուն Աստուծո» և թե «Հովթի
համբերությունը լսեցիք և Տիրոջ վախճանը
տեսաք»⁴⁸⁸:

687. Հանգի Տերն ուսուցանեց նրանց
նույն համբերությունը, թե «երանի ձեզ, երբ
նախատեն, հալածեն ու սպանեն ձեզ ինձ
համար, ցնծացեք և ուրախ եղեք, քանզի
ձեր վարձքը մեծ է լինելու երկնքում»⁴⁸⁹, և
ինքը տվեց օրինակ, թե «այսպես հալածե-
ցի՞ն մարգարեներին, որոնք ձեզանից առաջ
էին»⁴⁹⁰ և թե «դուք եք երկրի աղը և աշ-
խարհի յույսը»: Նա ինքն իրեն օրինակ
բերեց, որ ինքն իր մեջ կատարել է ամեն
ինչ, որպես և նրանք այլոց ցույց տվեցին
թե «հենց Տիրոջը անձամբ տեսանք»⁴⁹¹:

**[Առաքյալների սփռվելն ամեն ազգերի
մեջ ավետարանելու կենաց խոսքը]**

688. Ապա սփռվելով ամեն ազգերի մեջ
տարածելու աստվածային գիտակցությունը,
ամենքին ծանոթ էին դարձնում Աստվածու-
թյանը, ինչպես մարգարեն նախապես եր-
գել էր, առաջվանից գիտեցնելով նրանց
մասին սուրբ Հոգու գուշակությամբ, թե
«լսեցեք այս, ամենայն ազգեր և ունկնդիր
եղեք ամենքդ, որ բնակվում եք աշխար-
հում, երկրի ծնունդներ և մարդկանց որ-
դիք, բոլորը՝ մեծամեծներ ու տնանկներ»⁴⁹²:
Այսպես սփռված էին տիեզերքում և քա-
ժանված ամեն լեզուների, որոնց վկայեցին
ամեն կողմից եկած հրեաները, թե «մենք
բոլորս լսում ենք մեր լեզվով»⁴⁹³, որոնք
տեսել էին առաքյալներին մի վայրում հա-
վաքված, նախքան սփռվելը ամբողջ աշ-
խարհում:

689. Արդ, ոմանք իրենց հրեական կողմն
առնելով այնտեղ վարդապետեցին, իսկ ու-
րիշներ սփռվեցին ամբողջ տիեզերքում՝ ու-
մանք Մարաստան և ոմանք Պարթևաս-

տան, ոմանք Խուժաստան և ոմանք Միջա-
գետք, մեկը Գամրաց կողմերը, մեկը Պոն-
տոս, մեկն Ասիա, մեկը Փոնգիս, մեկը
Պանփիլիս, մեկը Եգիպտոս, մեկը Հնդկաց
աշխարհ, մեկը Լիբեացոց կողմը, մեկը Կի-
րենացոց կողմը, մեկը Դաղմատացոց կող-
մը, մեկը Սպանիացոց կողմը, մեկը Ագուլ-
տա կողմը, մեկը Թրակա կողմը, մեկը Լա-
կոնիա, մեկը Կապադոկիա և մեկը Բի-
թանիա: Ոչ ոք կարող է թվել, հաշվել, այլ
«նրանց ձայները ելան ամբողջ երկրում և
նրանց խոսքերը մինչև աշխարհի ծագե-
րը»⁴⁹⁴:

690. Այսպես քարոզեցին տիեզերքում
«լուսավորելու բոլոր մարդկանց, որոնք
գալու էին աշխարհ»⁴⁹⁵ ամենքին տալու
փրկության ապաշխարությունը, ամենքին
լվանալու, արձակելու խաղարի կապանք-
ներից՝ մկրտությամբ և ամենայն ազգերին
որոշմել որպես Քրիստոսի գունդը, Աստու-
ծո Հոգին բնակեցնել մարդկանց սրտերում,
միաբանել խառնել Աստվածորդու սիրուն,
որպեսզի ամենքի սիրտը մեկ ձայնով աղա-
ղակի և ամբողջ աշխարհը միաբանի ասե-
լու «Աքբա հայր»⁴⁹⁶: Որպեսզի վերանա
ժառանգության անունը և որդեգրության ա-
նունը դրվի, Քրիստոսի շնորհիվ [ի վիճա-
կի դառնան] ուտելու Աստվածորդու մար-
մինը և ըմպել կենդանարար արյունը, որ
նրանով մտնեն ամբողջ աշխարհը, որպես
Քրիստոսի ժառանգություն, Աստուծո ժա-
ռանգորդը լինել և Քրիստոսի ժառանգա-
կից:

691. Այսպես գորացրեց նրանց իր կամ-
քի խորհուրդներով, իրենց հույսով Քրիս-
տոսի նկատմամբ: Դուք ևս լսեցեք նրանց
և հավատացեք ձեր փրկության Ավետարա-
նի ճշմարտությանը, նրանց հավատացեք և
մկրտվեցեք սուրբ Ավետարանի Հոգու մեջ,
որն ինքն է մեր ժառանգության գրավա-
կանը, փրկության հնազանդության և նրա
փառքի գովեստի համար:

692. Նրանք ընթացան ամբողջ տիեզեր-
քի մեջ, մինչև երկրի ծագերը, լրացնելու
կենաց խոսքի քարոզությունը: Հրեշտակ-
ների գործը, հոգեղեններն ու հրեղենները
հավաքվել էին առաքյալների մխիթարու-
թյան, քանզի նրանց ընկեր էին թե ճանա-
պարհների թե քանտամուտ կապանքների
մեջ, ուստի և Աստուծո շնորհիվ առաքյալ-
ներին ազատեցին: Նրանք առաջնորդվում
էին սուրբ Հոգու հրամաններով ամեն մի
քաղաքում, ամեն մի երկրում Քրիստոսի

⁴⁸⁸ Յակ. Ե, 10—11:

⁴⁸⁹ Մատթ. Ե, 11—12:

⁴⁹⁰ Մատթ. Ե, 13, 14:

⁴⁹¹ Հմմտ. Ա, Յովթ. Ա, 1—2:

⁴⁹² Սաղմ. ԽԸ, 2—3:

⁴⁹³ Գործք, Բ, 8:

⁴⁹⁴ Հռովմ. Ժ, 19. Հմմտ. ԺԸ, 5:

⁴⁹⁵ Յովթ. Ա, 9:

⁴⁹⁶ Հռովմ. Ը, 15:

հավատը համայն աշխարհին ծանոթացնելու: Մենք ևս որ սակավավորներ ենք առավելագույնների ճշմարտությունը պիտի տանենք, սուրբ Հոգու ինքնահրաման առաջնորդության միջոցով:

693. Այսպես մա հրաման տվեց ուսուցանել ամենայն ազգերին: Առաքեց նրանց աշխարհի մեջ հրավիրելու բոլոր հեթանոսներին հավատի հնազանդության, առանց տատանման քարոզելու Ավետարանը, սուրբ Հոգու առաջնորդությամբ: Նրանք համարձակորեն քարոզում էին Աստուծո արքայությունը և ուսուցանում էին Հիսուս Քրիստոսի մասին անկաշկանդ և անխափան ամենայն համարձակությամբ:

[Առաքյալների քարոզության արվեստը բարբարոսական կողմերում]

694. Դրանից հետո քրիստոսագունդ առաքյալները սուրբ Հոգու շնորհներով երկրների տակ գտնվող բոլոր կողմերում առաջանալով ամեն տեսակ նշաններով ու հրաշքներով և շնորհագործ գործությամբ, ամեն մի երկրում ազդարարեցին, կենաց խոսքը հնչեցրին, բոլորին քրիստոսածանոթ դարձրին և հարության հույսը ներշնչեցին: Քանզի նրանց շնորհագարդ խոսքերով և գործերով սուրբ Հոգու հրամանով սահմանադրված ամեն մի որոշում հայտնի դարձավ: Այս բանը Պավլոսն ընդգծել էր, թե «Երուսաղեմից մինչև Լիբիկիա (Իլլիրիա) ինձ վիճակվել էր լիացնել Քրիստոսի Ավետարանը»⁴⁹⁷: Դարձյալ թե «այն որ Պետրոսը [հաջողեց] կարգել թլփատության [թլփատվածների] համար, զորացրեց ինձ հեթանոսների [քարոզության] համար»⁴⁹⁸:

695. Այսպիսով աստվածադիր ժամանակը մատչելի էր ամեն մեկին հասնելու քրիստոսատուր փրկությանը, ինչպես և Պավլոսը պատասխանել է Աթենացիներին թե «Աստված անտես էր առել անգիտության ժամանակները, սակայն, արդ այս է պատվիրում մարդկանց՝ ամեն ոք պետք է ապաշխարի»⁴⁹⁹: Նույն ձևով նշել է նաև Պետրոսն իր կաթողիկեական (ընդհանրական) թղթում թե «քավական է ինչքան անցյալում հեթանոսների կամքն է կատարվել, այսուհետև նրանք պետք է ապրեն ըստ Աստուծո կամքի»⁵⁰⁰:

696. Բայց ոչ անմիջապես և հանկարծա-

կի, ըստ Հոգու գործության, նրանք նորոշմաներին անընտել մեծամեծ [գործերի] մղեցին, այլ նախ թեթևագույն ձևով, ըստ աշխարհային կարգերի առակաբանեցին և արվեստախոսեցին: Սրա համար և Պավլոսը հայտնեց թե «ձեզ կաթով ջամբեցի ի Քրիստոս և ոչ հաստատուն կերակրով, քանզի ի վիճակի չէիք այն տանելու»⁵⁰¹: Ինչպես նախապես ևս ամենիմաստն Աստուծո կարգած մովսիսական օրենքներով, նախ զոհերով, շաքարով և տոնահրաման կարգերով [էին գործում], որից հետո նրանց այս բոլորից հրաժարեցնելով լավագույնը ցույց տվեց հայտնվող մարգարենների ձեռքով, որոնց միջոցով ասում է թե «հագեցած եմ, արդ զոհերով»⁵⁰² և թե «ոչ քո զոհերի (պատարագ) համար եմ քեզ կշտամբում»⁵⁰³ այլ «Աստուծո մատուցի օրհնության պատարագը»⁵⁰⁴ և թե «ինչ է քեզանից խնդրում Տերը, ով մարդ, եթե ոչ իրավունք և արդարություն գործադրել և պատրաստ լինել երթալու Տիրոջ ետևից»⁵⁰⁵:

697. Նույն կանոնը նաև առաքյալների կողմից հարգվեց, քանզի միակ Աստուծո օրենքը և օրենքի մեկնիչները ճանաչված էին որպես առաջին և երկրորդ: Այս բանը Տերը հայտնեց ասելով, թե «այս բանում ճշմարիտ է այն խոսքը, թե այլ է սերմանողը և այլ է մա որ հնձում է. ես ձեզ առաքեցի հնձելու այն որ դուք չեք վաստակել, ուրիշներն են աշխատել և դուք նրանց վաստակի մեջ եք մտել, քանզի ով սերմանում է և ով հնձում միասին պետք է ցընծան»⁵⁰⁶:

698. Նրանք քարոզության արվեստի մեջ լավատեղյակ էին ամենամիտիչ Քրիստոսից [սովորելով], որն «սկսեց գործել և ուսուցանել»⁵⁰⁷: Քանզի և ինքը Քրիստոս ոչ անմիջապես սկսեց քարոզել քարձրագույնը և անհասանելին, այլ նախ խոնարհագույն և առակախոս ոճով և ախտահալած բժշկությանը նրանց տեղեկացրեց և իմաստնացրեց: Նրանց ասում էր «թե երկրավորի մասին ասացի ձեզ և չհավատացիք, ինչպե՞ս կհավատաք եթե երկնավորի մասին ասեմ»⁵⁰⁸: Ապա, դրանից հետո, որպես կատարյալների համարձակագույն և բարձրագույն ձևով սկսեց ճշմարտությունը վար-

⁵⁰¹ Ա. Կորնթ. Գ, 2:

⁵⁰² Ես. Ա, 11:

⁵⁰³ Սաղմ. ԽԹ, 8:

⁵⁰⁴ Սաղմ. ԽԹ, 14:

⁵⁰⁵ Միք. 2, 8:

⁵⁰⁶ Յովն. Դ, 37—38:

⁵⁰⁷ Գործք Ա, 1:

⁵⁰⁸ Յովն. Գ, 12:

⁴⁹⁷ Հռովմ. ԺԵ, 19:

⁴⁹⁸ Գաղատ. Բ, 7—8:

⁴⁹⁹ Գործք, ԺԷ, 30:

⁵⁰⁰ Ա. Պետր. Դ, 2—3:

դասկետել. նույն կանոնով էլ առաքյալները գործում էին բարբարոսական կողմերում:

[Ավետարանական քարոզչության գրավոր ավանդությունը սուրբ Հոգու ներշնչմամբ]

699. Ուստի սինոդական (սինոդոսական) հրամանով առաքյալները նորահավատ հեթանոսներին թեթևագույնն ավանդեցին և նախ որոշեցին նրանց հետո պահել կոտորելի կերակուրից, պոռնկությունից, մեռելուտի ուտելուց և արյունից: Սակայն երբ արդեն ամենքին առաջադրեցին, ապա սուրբ Հոգով վկայեցին հրեաներին ու հեթանոսներին Տեր Հիսուս Քրիստոսի նկատմամբ հուսալի հավատի մասին: Ինչպես Պետրոսը նախապես հրեաներին ասել էր թե «մենք ենք նրա վկաները և սուրբ Հոգին որ Աստված տվեց իրեն հնազանդողներին»⁵⁰⁹: Իսկ Պավղոսը ահալոր գգուշությամբ Մելիտոսում համաշունչ ժողովի առջև հիշեցրեց ավանդության հրամանները և ուխտեց թե «չվախեցա օգտակար բաների մասին հրապարակալ և առումին վկայություն տալ հրեաներին և հեթանոսներին առ Աստված ապաշխարության և ի Տեր մեր Հիսուս Քրիստոս հավատի մասին»⁵¹⁰: Որը վճռեց թե «այս օրը ձեզ վկայություն կտամ, ասում է, թե անպարտ եմ ամենքի արյունից, քանզի չխորշեցի ձեզ պատմել Աստուծո ամբողջ կամքը»⁵¹¹: Այնուհետև եկան երանության և հասան սուրբ Հոգու խորհուրդներին, հիշատակելու աստվածախոս և աստվածապատում, աստվածապարգև վարդապետությունը Միածնի, որպեսզի գրով կարգեն հաստատեն երկնքի ներքո ամենայն ազգերի և գաղիք ժամանակների համար «լուսավորելու բոլոր մարդկանց, որ գալու են աշխարհ»⁵¹²: Մանավանդ շարժվելով Հոգու ազդեցությամբ հաջողեցին այս առաջադրանքի մեջ: Ահա այս էր որ ամենայնի Փրկիչը իր ուսմունքի մեջ ընդգծեց սուրբ աշակերտներին ասելով թե «ես բազում բաներ ունեմ ձեզ ասելու, սակայն դուք չեք կարող այժմ կրել այն, երբ ճշմարտության Հոգին գա, ձեզ առաջնորդելու է ամենայն ճշմարտությամբ»⁵¹³:

700. Ակնարկեց նաև իր կենդանատու Ավետարանին թե «ամբողջ աշխարհում արքայության Ավետարանը պիտի քարոզվի, որպես վկայություն բոլոր հեթանոսներին և ապա գալու է [աշխարհի] վախճա-

նը»⁵¹⁴: Քանզի առաքյալներն իսկ, այդ ճշմարտության վկաները, առնելով սուրբ Ավետարանից և մարգարեական գրքերից ծաղկեցրին հոգեպատում և առաքելախոս թղթեր (նամակներ), որպեսզի աշակերտյալների համար լինեն մշտնջենական կանոններ, մանավանդ մտահոգված լինելով եկեղեցիների կատարելությամբ, նրանք շատ բան ավելացրին բանավոր: Ինչպես և Պավղոսը հայտնապես ասում է «խնաստությունը խոսում ենք կատարյալների հետ, բայց ոչ այս աշխարհի իմաստությունը և ոչ էլ այս աշխարհիս իշխաններին, որ ոչնչություն է: Այլ խոսում ենք Աստուծո իմաստությունը ծածուկ խորհրդով, որը նախ քան [աշխարհի] հալիսունականությունը Աստված սահմանել է մեր փառքի համար և որը ոչ ոք այս աշխարհի իշխաններից չճանաչեց: Քանզի եթե ճանաչած լինեին խաչ չէին համի փառքի Տիրոջը»⁵¹⁵: Նրանք իմաստությամբ լուսավորչալ և զարդարչալ էին ասելով թե «մենք ոչ թե այս աշխարհի հոգին առանք, այլ այն Հոգին որն Աստուծոց է և նրանով ճանաչեցինք այն որ Աստուծոց շնորհիվ մեզ»⁵¹⁶:

701. Արդ հոգեղից և հոգեմոլիս աստվածադեսները առնելով աստվածատուր ավետիսները, գրով հաստատեցին և չորս Ավետարանների մեկ ավանդությունը որոշեցին: Ոչ թե արվեստախոսելով օտար տարրեր են մտցրել, այլ Աստուծո ամենագետ Հոգով պատմել են Քրիստոսի հրամանների միակ ճշմարտությունը, որը կարելի է տեսնել թե նախապես ասված է մարգարեների մոտ: Քանզի այն ինչ մեծն Մովսեսը նախապես Հոգու շնորհիվ առաջախոսել էր, որպես գաղիք, ապա նույնը հոգեպատում խոսքերով կրկնեցին հետո եկող մարգարեները, որոնց միջոցով երկվաց ամենապարգև Հոգու գործությունը:

[Առաքյալների միասնական սուրբ երրորդությունը և Քրիստոսի աստվածությունը ճանաչելը Աստուծո Հոգու հայտնությունից]

702. Այնուհետև ելնելով Հոգու թևերի վրա քրիստոսասեր ավետարանագիր այբերը անցան երկնքի միջով և բարձրացան երկնքի խորանների վրա: Այնտեղ վերևում, աստվածային աթոռի մոտ նրանք սուրբ Հոգուց տեղեկացան Աստուծո խորություններին և ճանաչեցին միածին որդուն իր Հոր ծոցում իսկ նա ճշմարտագույն ձևով հաս-

⁵⁰⁹ Գործք. Ե, 32:

⁵¹⁰ Գործք. Ի, 20—21:

⁵¹¹ Գործք. Ի, 26—27:

⁵¹² Յովն. Ա, 9:

⁵¹³ Յովն. ԺԶ, 12—13:

⁵¹⁴ Մատթ. ԻԴ, 14:

⁵¹⁵ Ա. Կորնթ. Բ, 6—12:

⁵¹⁶ Ա. Կորնթ. Բ, 6—12:

տառեց նրանց իր մասին գիտելիքները, ինչպես Հայրը գիտի իր Միածնին: Նրանով լուսավորվեցին և սկսեցին պատմել անպատումը թե «ի սկզբանե էր խոսքը և խոսքն էր Աստուծո մոտ և Աստված էր խոսքը: Նա ի սկզբանե Աստուծո մոտ էր, ամեն ինչ նրանով եղավ և առանց նրան ոչինչ չեղավ»⁵¹⁷: Տեսնո՞ւմ ես նա ոչինչ չգեղեցեց աստվածագետ իմաստությունից, այլ միանգամայն ամբողջությունը բերում է ասելով թե «Նա էր ի սկզբանե և Աստուծո մոտ էր և Աստված էր և ամեն ինչ նրանով եղավ»: Այժմ արդեն ծանոթ դարձավ Որդու էական անձնավորությունը և միաբուն աստվածակից պատիվը և նրա ամենակարող գործությունը:

703. Քանզի ամենատերն Քրիստոս Աստված իր սիրելի աշակերտներին աստվածագետներ պատրաստեց բյուրապատիկ հրաշքներով, որ նրանք երեք անձերի գեղեցկությանը, կերպարանքին և միասնական բնությանը մերձավոր ու ծանոթ լինեն: Քանզի ոչ թե իրենց կարճահաս իմաստությանը էին հասնելու Աստուծո չքնաղ գիտակցությանը, այլ ինքը մարդասերն Աստված [այդ բանը] հայտնեց երկնքից, թե «դա է իմ սիրելի որդին նրան լսեցեք»⁵¹⁸: Նրան վկայեց Պետրոսն իր կաթողիկե [թոթում] թե «ոչ թե պաճուճյալ առասպելների ետևից գնացի՞նք ձեզ ցույց տալով մեր տիրոջ Հիսուս Քրիստոսի գործությունն ու գալուստը, այլ ինքներս նրա մեծության ականատես էինք եղել: Քանզի երբ Աստուծոց ու Հորից առավ փառք ու պատիվ, աղափսի ձայն հասավ մեծավայելույ լիաբեքից «դա է իմ սիրելի որդին, որին հաճեցե՞լ եմ» և այս ձայնը մենք ինքներս լսեցինք որ գալիս էր երկնքից, մենք որ նրա հետ էինք սուրբ լեռան վրա»⁵¹⁹:

704. Նույնպես և Որդին գալով ծանուցեց Հոր մեծությունը թե «եկա ոչ իմ կամքը կատարելու, այլ նրա կամքը, որն առաքեց ինձ»⁵²⁰: Իր վարդապետելու ընթացքին առատ նշաններով բարձրացրեց Հոր փառքը և ցույց տվեց նրա միասնական կամքը, թե «խոսքերը որ ձեզ եմ ասում ոչ թե իմ կողմից եմ ասում, այլ Հայրը որ իմ մեջ բնակված է, նա է անում այդ գործերը»⁵²¹: Նույնպես և սուրբ Հոգու մասին ասում է թե «ճշմարտության Հոգին պիտի առաջնորդի ձեզ ամենայն ճշմարտությամբ, քանզի ոչ

թե իր կողմից է խոսելու, այլ ինչ որ լսի խոսելու է և պատմելու ձեզ գալիքը: Նա ինձ փառավորելու է, քանզի ինձանից է առնելու և պատմելու ձեզ. ամեն ինչ որ իմ Հայրն ունի իմն է, դրա համար էլ ասացի թե ինձանից է առնելու և պատմելու ձեզ»⁵²²:

705. Տես միաբանությունը, միակամությունը միակ ճշմարտության և տես ինչպես լուսավորեց, հավաստի ցույց տվեց երեք անձերի գոյությունը ասելով «ոչ թե իր կողմից է խոսելու սուրբ Հոգին, քանզի ինձանից է առնելու և պատմելու ձեզ. ամեն ինչ որ Հայրն ունի իմն է»⁵²³: Տես Հայրը կատարյալ է, Որդին՝ ճշմարիտ և Հոգին՝ հավաստի: Նա նշանակեց նաև անտեսանելի և միաբուն աստվածային գործության էությունը ասելով թե «եկա Հորից և եկա աշխարհ»⁵²⁴: Նույնպես և ճշմարիտ Հոգու մասին թե «ճշմարտության Հոգին հրը ելանում է Հորից»⁵²⁵:

706. Նա վճիռ է տալիս նաև միասնական երրորդության միավորության մասին, ասելով թե «Աստված Հոգի է»⁵²⁶: Նա ցույց է տալիս նաև իր և ճշմարիտ Հոգու անբաժանելիությունը Հորից, քանզի թեպետ և առաքյալները այսպես կոչվեցին առաքիչ Հորից, սակայն նրա հետ միաբուն են և առանց անջատվելու կատարեցին միասնական գործը, ասելով թե «ոչ ոք չեղավ երկինք, բացի նրանից որն իջավ երկնքից՝ սարդու որդին որ երկնքում է»⁵²⁷: Տեսնո՞ւմ ես որ երկիր է իջել և երկնքում է: Նրա մասին նաև Հովհաննես ավետարանիչը վկայեց թե «Աստուծո ոչ ոք երբեք չի տեսել, բայց միածին Որդին որ Հոր ծոցից է նա պատմեց»⁵²⁸: Արդ, նկատի ինչ է ասում, թե «նա որ Հոր ծոցից է՝ նա պատմեց», քանզի նրան ում իրենց մոտ տեսնում էին գիտեին որ նույնը Հոր ծոցում է: Ո՛վ զարմանալիորեն պարզկյալներ և անտվածագիտություն ժառանգողներ, ինչպիսի մեծավայելչության են այժմ հասել:

[Առաքյալների համաձայնությունը վարդապետության հարցերում ձգտելու սուրբ Հոգու շնորհների պարգևներին]

707. Նույնպես և ճշմարիտ Հոգու մասին պետք է ասված համարել այն թե «ճշմար-

⁵¹⁷ Յովհ. Ա., 1—2:

⁵¹⁸ Մարկ. Թ., 8:

⁵¹⁹ Բ. Պետր. Ա., 16—18:

⁵²⁰ Յովհ. Զ., 38:

⁵²¹ Յովհ. Ժ, 10:

⁵²² Յովհ. Ժ, 18—15:

⁵²³ Յովհ. Ժ, 18—15:

⁵²⁴ Յովհ. Ժ, 28:

⁵²⁵ Յովհ. Ժ, 28:

⁵²⁶ Յովհ. Դ., 24:

⁵²⁷ Յովհ. Գ., 18:

⁵²⁸ Յովհ. Ա., 18:

տուրջան Հոգին որ Հորից է ելնում»⁵²⁹։ Ելնում է թեև չի բաժանվում, բխում է և չի սպառվում։ Եվ սիանգամայն իսկ նա խոսում է ճշմարտագույնի, միանմանի, միակերպի մասին, ասելով թե «ես Հոր մեջ եմ և Հայրն իմ մեջ, ով ինձ տեսավ, տեսավ իմ Հորը»⁵³⁰։ Սակայն չկան ինչ որ սահմաններ որ շրջափակում են Աստվածությունը և կամ [թող չթվա] թե Հայրը երկնքում է, իսկ միածին Որդին ու ճշմարիտ Հոգին երկրում են, քանզի ամեն ինչ նրանով լի է, նա է ամեն ինչի մեջ և ամեն ինչից վեր։

708. Այս ամենի վերաբերյալ նա աստվածախոսեց և վարդապետեց իր աշակերտներին ու հրավիրեց սուրբ Հոգու առաջնորդությանը։ Նրանց ասում էր թե «ես բազում քաներ ունեմ ասելու ձեզ, սակայն այսօր չեք կարող տանել, բայց երբ ճշմարտության Հոգին գա պիտի հիշեցնի ամեն այն, ճշմարտությանը պիտի առաջնորդի ձեզ»⁵³¹։ Այս մասին Պատրիսն էլ նշեց երբ առավ սուրբ Հոգին, ասելով «հիշեցեք Տիրոջ խոսքը, որ ասում էր, թե Հովհաննեսը ջրով մկրտեց, բայց դուք պիտի մկրտվեք սուրբ Հոգով»⁵³²։ [Այս բոլորը] ոչ միայն նրանց ասաց այն այնպիսիներին որ նրանց միջոցով մոտենալու էին Աստուծո։

709. Ինչպես որ երանելի Ղուկասն իր Ավետարանի սկզբում հայտնում է «շատերը նպատակ ունեցան վերստին կարգի դնելու մեր հաստատ իմացած բաների պատմությունը, ինչպես ավանդեցին մեզ սկզբից ականատես և Խոսքին ապաստվոր եղողները»⁵³³ որոնցից [վերցնելով] նա կարգեց Տիրոջ Ավետարանը։ Պավղոսին ևս սքանչելագույն և ահալորագույն ներշնչմամբ երևաց, որի համար ինքն էլ զարմացած պատմում է ասելով «արդյոք մարմնով թե առանց մարմնի չգիտեմ, բայց գիտեմ որ համբարձվել էր երկնքի երրորդ մասը և դրախտը և լսեց անճառելի խոսքեր»⁵³⁴։ Որի մասին ասում է թե «ես ոչ մարդոց առա և ոչ սովորեցի որևէ մեկից, այլ Հիսուս Քրիստոսի հայտնությունից»⁵³⁵։ Նա ևս պարծենում է թե ականատես է եղել «Տեր Հիսուս Քրիստոսին իմ աչքերով տեսա»⁵³⁶։

710. Բայց թեպես և այսպես բարձրա-

պատիվ և պայծառանշան առաքվեց Քրիստոսից, նա հնազանդություն է հայտնում տառերկրության, գրելով Կորնթացիներին «քանզի ես նախ այն ձեզ ավանդեցի, որը ես ևս ստացել էի»⁵³⁷։ Նույնպես և Եբրայականաց [թղթում] թե «մենք ինչպե՞ս կազատվենք, եթե անտեսում ենք այնպիսի Վրկությունը, որն սկիզբ առավ ասված լիձելով Տիրոջ կողմից և մեզ համար հաստատվեց նրանց կողմից, որոնք լսել էին»⁵³⁸։ Սրանով հայտնի է որ մեկ գործության շնորհներն ամենքին լուսավորեցին և նրանք ներշնչվեցին մեկ ճշմարտության վկայության համար։ Քանզի Պավղոսն ասում է «մենք ամենքս մի հոգի ենք խմել»⁵³⁹։ Այսպիսով բարձրապատում և երկնամերձ ծայնով սկսեցին հոշակել միածնի փառքի իսկական պատիվը, նախապես ասված մարգարեսկան խոսքերով հանդերձ, որը և ասաց աստվածապատումը թե «ի սկզբանե էր Խոսքը և Աստուծո մոտ էր և Աստված էր և ամեն ինչ նրանով եղավ»⁵⁴⁰։ Ասում է նաև Ղուկասն առաքյալների մասին թե «ի սկզբանե Խոսքին ականատես և տպաստվոր եղան»⁵⁴¹։ Դարձյալ նույնը Հովհաննեսն է ասում իր կաթողիկե [թղթում] թե «Նա որ ի սկզբանե էր, որի մասին լսեցինք, որին նայեցինք կ մեր ձեռքերը շոշափեցին կենաց Խոսքը»⁵⁴²։

711. «Եվ Աստուծո մոտ էր, ասում է, Խոսքը»։ Այս ասելով նա վկայեց Տիրոջ խոսքը թե «հայր տուր փառքը, որ ես ունեի քեզ հետ, նախքան աշխարհի լինելը»⁵⁴³։ Նույնը քերում է նաև Պավղոսը թե «հափշտակություն չհամարեց Աստուծո հավասար լինելը»⁵⁴⁴։ Նույնպես և Հովհաննեսն իր առաքելական [թղթում] թե «նա որ Հոր մոտ էր և մեզ երևաց»⁵⁴⁵։ «Եվ Աստվաս էր, ասում է, Խոսքը» ինչպես Քրիստոս ևս ասաց, թե «ինչ որ Հայրն ունի ես ևս ունեմ»⁵⁴⁶։ Դարձյալ Հովհաննեսն իր թղթում ասում է թե «նա է ճշմարիտ Աստվածը»⁵⁴⁷։ Նույնպես և Պավղոսը թե «մեծ Աստուծո փառքի և մեր փրկիչ Հիսուս Քրիս-

⁵³⁷ Ա. Կորնթ. ԺԱ, 23:

⁵³⁸ Եբր. Բ, 3:

⁵³⁹ Ա. Կորնթ. ԺԲ, 13:

⁵⁴⁰ Յովհ. Ա, 1—2:

⁵⁴¹ Հմմտ. Ղուկ. Ա, 2:

⁵⁴² Ա. Յովհ. Ա, 1:

⁵⁴³ Յովհ. ԺԷ, 24:

⁵⁴⁴ Փիլիպ. Բ, 6:

⁵⁴⁵ Ա. Յովհ. Ա, 2:

⁵⁴⁶ Յովհ. ԺԶ, 15:

⁵⁴⁷ Ա. Յովհ. Ե, 20:

⁵²⁹ Յովհ. ԺԵ, 26:

⁵³⁰ Յովհ. ԺԴ, 9—11:

⁵³¹ Յովհ. ԺԶ, 12—13:

⁵³² Գործք. ԺԱ, 16:

⁵³³ Ղուկ. Ա, 1—2:

⁵³⁴ Բ. Կորնթ. ԺԲ, 3—4:

⁵³⁵ Գաղատ. Ա, 12:

⁵³⁶ Ա. Կորնթ. Թ 1:

տոսի երևալու ժամանակ, որն իր անձը զոհեց մեզ համար»⁵⁴⁸:

712. Արդ, միաբանությամբ և մեր իսկ ինքնահոգի կամքով «հասնենք Աստուծո Որդու հավատին և գիտությանը, կատարյալ մարդ [դառնալու] և Քրիստոսի կատարելության հասակի չափն [ունենալու]»⁵⁴⁹: Քանզի Քրիստոս իր վարդապետությունը տվեց բազմաց ունկնդրության համար և այդ հրամանով երկրի ամենայն ազգերին հրավիրեց ճշմարիտ վարդապետությանը, ասելով, եկեք ամենայն հեթանոսների մոտ, ուսուցանեցեք ու մկրտեցեք նրանց Հոր, Որդու և սուրբ Հոգու անունով»⁵⁵⁰:

713. Ծառերի նկատմամբ հատուկ հոգատարությամբ նա կամեցավ իր փառավոր գալուստը տեսանելի դարձնել, թե ինչպես գալու երևալու է երկայնամիտ համբերողներին և հուսալից սպասողներին: Այսպես պետք է հասկանալ Քրիստոսի առաջին գալուստը և աստվածային Հոգու իջնելը Պենտեկոստի տոնի տասներորդ օրը: Քանզի օթևաններ պետք չէին Աստուծո միածին Որդուն երկնքի բարձունքները ելնելու և կամ սուրբ Հոգուն իջնելու առաքյալների ժողովին, որով երկինքն ու երկիրը լցված են: Սակայն մարդասերն Աստված այնպես կամեցավ որ առաքյալների տասն օր սպասելուց հետո վերնաշուրջ կանչի պարզևաբեր Հոգուն, ամենքի մխիթարիչին: Ամենուրեք մարդկանց առիթներ էր ստեղծում իր բարեգործությունը ցույց տալու, որպեսզի ի վերուստ ընծայված այս փոքր առիթներով, նա անչափ բարիքների պատրաստական հատուցողը դառնա: Եվ ինչն արդարև առավել անչափելի ու անհասանելի է լինելու քան այն երբ երկնքից

ծագելով Հոր փառքով գա և բոլոր գունդագունդ հրեշտակների առջև իր սիրելիների ձեռքից բռնելով իր մոտ տանի և իր աստվածային բնակության մեջ նրանց վայելել տա հավիտենական կյանքը:

714. Քանզի անկարոտն Աստված հաստատել է իր արքայությունը սիրեցյալների համար, որպես դրավատի մասեր, մի սքանչելի բնակարան Աստուծո մոտ, նրանց վայելքի համար, այնտեղ իր մոտ տեղավորելու և հաստատելու բոլոր արժանավոր բանական արարածների՝ հոգեղենների և մարմնականների: Որի համար ամենափրկիչը ավետիսը (Ավետարան) տվեց աշակերտներին և քաջալերեց թե «որ ես լինեմ, դուք ես այնտեղ եղեք և ամենայն ժամ իմ փառքն էք տեսնելու»⁵⁵¹: Բայց մյուս առավել բարձրագույն ասացվածքը «այն օրը դուք կճանաչեք, ասում է, թե ես Հոր մեջ եմ, դուք իմ մեջ և ես ձեր մեջ»⁵⁵²: Սույն առթիվ առավել պատեհ է հիշել այն ասացվածքը թե «ինչ որ աչքը չտեսավ, ականջը չլսեց և մարդու սիրտը չընկավ, Աստված պատրաստել է իր սիրելիների համար»⁵⁵³, և երանելի Պավոսի խոսքերը թե «շնորհակալություն Քրիստոսին նրա անպատում պարգևների համար»⁵⁵⁴:

715. Վերջացավ սուրբ Գրիգորի վարդապետությունը, որն Աստված նրան շնորհեց լուսավորելու մեր Հայաստան աշխարհի խավարյալ սրտերը հավատքով և մկրտությամբ: Նա ամենքին քրիստոսածանոթ դարձրեց և հաստատեց, որպեսզի փառավորեն Հոր, Որդու և սուրբ Հոգու անունները:

Թարգմ. Ա. ՏԵՐ-ՂԵՎՈՆԴԵԱՆ

⁵⁴⁸ Տիտ. Բ, 18—14:

⁵⁴⁹ Հմմտ. Եփես. Դ, 13:

⁵⁵⁰ Մատթ. ԻԸ, 19:

⁵⁵¹ Յովհ. ԺԷ, 24:

⁵⁵² Յովհ. ԺԴ, 20:

⁵⁵³ Ա. Կորնթ. Բ, 9:

⁵⁵⁴ Բ. Կորնթ. Թ, 15:



ՄՈՎՍԵՍ ԽՈՐԵՆԱՅԻՆ ԵՎ ՀԱՅ ՀԻՆ ՈՒ ՎԱՂ ՄԻԶՆԱԴԱՐՅԱՆ ԵՐԳԱՐՎԵՍԸ*

Պետք է ասել, որ զարգացած ախտա-
տիրության շրջանում (երբ կենտրոնական
Հաշատանում ու Կիլիկիայում վերսկսվել
էր հոգևոր ինքնուրույն երգերի ստեղծման
մի ժամանակ խիստ նվազած, իսկ տեղ-
ատեղ նույնիսկ դադարած ընթացքը), մեր մա-
տենագիրներին լրջորեն զբաղեցրել է՝ վաղ
միջնադարում հորինված կցուրդ-շարական-
ների ու նրանց հեղինակների հարցը: Եվ
նրանք Հաշատանի ու Կիլիկիայի տարբեր
վանքերում պահվող վավերագրերից և այլ
(այդ թվում և մեզ չհասած) աղբյուրներից
քննադատաբար օգտվելով է, որ կազմել
են շարականների հեղինակների դիտարկ-
ւող ցուցակները, բայց, բնականաբար, ա-
մել կամ պակաս հաջողությամբ: Ուստի
հասկանալի է, թե ինչու ցուցակագիրներն
իրար նկատմամբ ևս քննական մոտեցում
են հանդես բերում: Այսպես, Սարգիս Երե-
ցի ցուցակը Վանական վարդապետի կազ-
մածի համեմատությամբ եթե շատ ավելի
ընդարձակ է, ապա Գրիգոր Տաթևացու
ցուցակը լինելով ոչ պակաս ծավալուն,
Վիժամանակ, ավելի ճշգրտված է: Նրա-
նում կարդում ենք. «Մեծն Մովսես Քեր-
թողն զԾննդեանն և զմեծացուցեքն, և
զՏառնընդատաչին, և զՓոխման առաջին
աատկերն: Այլ և զկարգն Յարութեան տո-
րա է ասել մեծն Վարդան ի տեսութիւն
Անթառամ ծաղկին, իսկ այլք ասեն թէ Ա-
նանիա Ծիրակունին է ասացեալ»³⁷: Գրի-

գոր Տաթևացու հաղորդած տվյալները մեզ
համար հատուկ կարևորություն են ստա-
նում, երբ մտաբերում ենք, որ նա իր հա-
մադարանում «ուսուցանէր զնախկին եր-
գիչ վարդապետաց զերածշտութիւնս քաղց-
րաւոր ձայնի եղանակաւ»³⁸: Սակայն դա
չի նշանակում, թե այդ տվյալները ստուգե-
լի չեն, մանավանդ որ, մի-երկու կետ ին-
քը Տաթևացին էլ ստիպված է եղել որոշ
վերապահությամբ նշել: Ըստ այդմ՝ այստեղ
նորից հիշեցնում ենք մեծացուցեքների և Հա-
րության երգերի մասին վերն ասվածը: Իսկ
ինչ վերաբերում է Տյառնընդատաչի և
Աստվածածնի փոխման առաջին օրվա եր-
գերին, մանրակրկիտ քննությունը ցույց
տվեց, որ դրանք ոճականորեն (թե գրա-
կան բնագրերի, և թե երածշտության ա-
ռումներով) իրոք, մոտիկ են Ծննդյան
կցուրդ-շարականներին:

Շարականների հեղինակներին ուսանա-
վորով անդրադարձած մատենագիրներից
Առաքել Սյունեցին, որ այդ հեղինակների
յոկ անուններն է արձանագրում, Խորենա-
ցուն հիշատակում է Մաշտոցից անմիջա-
պես հետո³⁹: Սյունեցի Ստեփանոս Զիգ
Զուղայեցին և Հակոբ Սեւեցին (XVII դ.),
Խորենացու և Անանիա Ծիրակացու երա-
ծըշտա-քանաստեղծական ժառանգությանը

* Շարունակված «Էջմիածին» ամսագրի 1979
բնականի № 5-ից:

³⁷ Գիրք Հարցմանց երիցս երանալ սրբոյ հօրն
մերոյ Գրիգորի Տաթևացոյն, Կ. Պոլիս, 1729, էջ
637:

³⁸ Մաշտոցի անվան Մատենադարան, ձև.
№ 7823, էջ 42—43: Տես նաև Լ. Խաչիկյան, Գլա-
ձորի համալսարանը և նրա տանքի ավարտական
ատենախոսությունները, «Երևանի պետական հա-
մալսարանի գիտական աշխատություններ», Բ.
XXIII, Երևան, 1946, էջ 428:

³⁹ Հ. Մ. Պոտուրյան, Առաքել Սյունեցի և իր
բերրուածները, Վենետիկ, 1914, էջ 321:

վերաբերող և հին ցուցակներում մեկտեղված ու միահյուսված տեղեկություններն հստակելու թեկուզ թույլ արտահայտված հակումներ են ցույց տալիս: Որով, մասնավորապես խորենացու հատկացվող կանոնների շարքում ուշադրություն են գրավում մի կողմից՝ Անտոն Անապատականի և Թագավորաց կանոնները⁴⁰, մյուս կողմից՝ Հովհաննես Մկրտչի գլխատման և Գրիգոր Լուսավորչի կանոնները⁴¹ (վերջինիս հնագույն մասը): Վերջապես, շարականների հեղինակների ցուցակների «Անանուն»⁴², կոչվող խմբագրության հեղինակն էլ⁴³, ընդհանրապես պահպանելով խորենացու և Թիրակացու հորինած շարականների վերաբերող տեղեկությունների ներմիացված հին նկարագիրը, միաժամանակ կարևոր ճշտում է կատարում, իրավացիորեն խորենացու անվանը կապելով «զմրագալուցի Ուրախացիրն» (իմա՝ ողջ կանոնը)⁴⁴:

Մեր նյութին վերաբերող պատմական, գրական ու ձեռագրական առաջ բերված տվյալները տակավին Հ. Մ. Չամչյանի ծամանակներից թափանցելով հայագիտական նոր գրականության մեջ⁴⁵, իրենց վրա հրավիրեցին մի ամբողջ շարք անվանի բանասերների ուշադրությունը: Դրանցից երկուսի՝ Հ. Գ. Ավետիքյանի⁴⁶ և Հ. Սահակ Ամատունու⁴⁷ աշխատությունները, նվիրված շարականների ու նրանց հեղինակների ուսումնասիրությանը, մեծ նպաստ բերին միջնադարյան աղբյուրների հաղորդած տվյալները համեմատելով հնարավորին չափ ճիշտ կողմնորոշվելու և քննական նոր

մոտեցում մշակելու գործում: Հայ երածը՝ տագիտությունը ևս, բնականաբար, անտարբեր չմնաց քննարկվող խնդիրների նկատմամբ, ու անցած հարյուրամյակի երկրորդ կեսից ձեռնամուխ եղավ իր վերաբերմունքի մշակմանը, ինչպես շարականների հեղինակների⁴⁸, նույնպես և նրանց տարիքային ընդհանուր առանձնահատկությունների⁴⁹ որոշման հարցերում: Հենվելով հայագիտության նշված նվաճումների վրա, ու դրանց վրա ավելացնելով մեր սեփական հետազոտության արդյունքները ևս, մենք վերջերս առաջարկեցինք շարականների հեղինակների մեր կազմած ցուցակը⁵⁰: Ըստ այդմ՝ խորենացու գրչին պատկանող շարականները, ամենայն հավանականությամբ, հետևյալներն են.

— Աստվածահայտության ժրագալուցի կանոնը բաղկացնող երգերը,

— Ծննդյան ութ օրերի կանոնների երգերի մեծ մասը,

— Տառնընտառացի կանոնի երգերը,

— Անտոն Անապատականին նվիրված կանոնի երգերը (բաժի օրհնության Բ պատկերից՝ «Որ ի հանդէս քո ճանութեան», որ ավելացրել է Նեոսես Ծնորհալին),

— Թագավորաց կանոնի և կամ Թեոդոս թագավորին նվիրված կանոնի կտորները (բաժի օրհնությունից՝ «Որ գերկնաւոր թագաւորութեանդ», որ դարձյալ Ծնորհալունն է),

— Հարության երգեր,

— Հովհաննես Մկրտչի գլխատման հիշատակին նվիրված կանոնի երգերը,

— Գրիգոր Լուսավորչին նվիրված հին կանոնի երգերը («Ով երթանիկ Տեղ»),

— Աստվածածնի վերափոխման Ա. օրվա կանոնի երգերը⁵¹.

⁴⁰ Ե. Տնտեսյան, Նկարագիր երգոց Հայաստանագու եկեղեցւոյ, Կ. Պոլիս, 1874 (էջ 116—119):
⁴¹ Хр. Кушнерев, Вопросы истории и теории армянской монодийческой музыки, Л., 1958.

⁴² Տես Ն. Թահմիզյան, Ներսես Ծնորհալին երգահան և երածիշտ, Երևան, 1978, էջ 19 (53-րդ ծանոթագրությունը) և էջ 25 (77-րդ ծանոթագրությունը):

⁴³ Տես Զայնագրեալ Ծարական հոգևոր երգոց, Վաղարշապատ, 1875, էջ (համապատասխանաբար) 58—65, 66—112, 113—119, 120—124, 125—129 (Հարության երգերի համար որոշակի էջեր նշելը դժվար է առայժմ), 462—465, 669—677 և 789—748: Սրանցից գատ մնում են Ա. Ամատունու մատնած երկու պարականոն շարականները (Անտեսաց Աստուածածնին՝ «Ուրախ լի Մարիամ նորբ աստուածածին» և Ծննդեան Ա արտ՝ «ի հարե ծագեցար»), որոնք մի կողմ են դնում, քանի դրանց եղանակները հայտնի չեն տակավին:

⁴⁰ Ի տեր Ստեփանոս գիտնական քահանայէ ասացեալ սակաւ ոտանաւորս յաղագս շարականաց թէ յումմէ են երգեալ, Մաշտոցի անվ. Մատենադարան, ձեռ. № 1424, էջ 247:

⁴¹ Ուսանաւոր վասն ցուցանելոյ գերգող շարականացս, յոգեալ ըստ նախագիծ տանց, Մաշտոցի անվ. Մատենադարան, ձեռ. № 8107, էջ 188:

⁴² Հ. Անապատ, Հայկական մատենագիտություն, հատ. Ա, Երևան, 1959, էջ XVIII և LXVIII:

⁴³ Հավանաբար՝ Գրիգոր Փեշտըմալճյանը (տես մեր հոդվածը՝ Մեսրոպ Մաշտոցն ու հայոց հոգեվոր երգարվեստը, «Բանբեր Մատենադարանի», № 7, Երևան, 1964, էջ 178 (79-րդ ծանոթագրությունը)):

⁴⁴ Ծարականց, Կ. Պոլիս, 1815, էջ 2:

⁴⁵ Հմմտ. Հ. Մ. Չամչյան, Պատմություն հայոց, հատ. Ա, Վենետիկ, 1784, էջ 538—539:

⁴⁶ Հ. Գ. Ավետիքյան, Բացատրություն շարականաց, Վենետիկ, 1814:

⁴⁷ Սահակ վարդապետ Ամատունի, Հին և նոր պարականոն կամ անվավեր շարականներ, Վաղարշապատ, 1911:

Շուրջ 120 երգ՝ զատ-զատ հաշվելով օրհնությունների պատկերները և հարցերին կից գործառնելը: Բացառված չէ, որ հիշյալ կանոնների մեջ տեղ գտած լինեն և տարբեր հեղինակների առանձին գործեր: Այսպես, օրհնակ, թվում է, որ Աստվածածնի վերափոխման Ա օրվա կանոնի օրհնության երկրորդ պատկերը («Այսօր զագատիչն յանցանաց»), իր իմաստով ոչ թե լրացումն է նախորդ պատկերի, այլ ինքնուրույն կտոր է, հավանաբար ավելի ուշ հորինված⁵²: Այնուհետև, Տյառնընդատաջի կանոնն իրականում երկու օրհնություն ունի⁵³, երկուսն էլ երկուսկան պատկերով, որոնցից երկրորդն իր իմաստով առաջինի աղակերպ կրկնությունը կարող է համարվել և ավելի ուշ շրջանի հավելում: Վերջապես, կարելի է մատնանշել Ծննդյան Ա օրվա կանոնի օրհնության երրորդ պատկերը («ի հօրե ծագեցար»), որը թե՛ իմաստի կրկնություններով և թե՛ արվեստով թուլացնում է նախորդ երկու պատկերների մեծ տպավորությունը և այլն: Սակայն, եթե նկատի առնենք, որ Խորենացու մի քանի ուրիշ երգեր էլ կարող են գրված լինել աղևանների (ինչպես օրհնակ՝ Հարության նկարված շարքերի) մեջ, վերոբերյալ «120»-ը՝ որպես մոտավոր թիվ, կարող ենք պահպանել:

Մոտիկից ծանոթանալով քննարկվող երգերի գրական խոսքերին, նկատում ենք, որ դրանց մեծ մասը լեզվով, կառուցվածքով և նախնական գեղեցկությամբ աչքի ընկնող ընդհանուր ձևով, ներկայագնում է հալ հոգևոր բանաստեղծության հնագույն շերտերից մեկը: Առհասարակ նրանում տիրապետող է ազատ ոտանավորը: Օրհնակ՝ Ծննդյան Բ օրվա կանոնի մեծագույնը⁵⁴, կամ Գրիգոր Լուսավորչի կանոնի օրհնությունը⁵⁵, և այլն: Անհավասար տողերով առ ոտանավորներում, սակայն, հաճախ շերտերն առնալ են տեղաբաշխում, որ գրական խոսքն ընդհուպ մոտենում է տա-

ղաչափյալ բանաստեղծության, ինչպիսին է պարագան, ասենք, Ծննդյան Ե օրվա կանոնի տեր երկնիցում⁵⁶: Այս և նման կտորները լոկ մեկ քայլով են բաժանված՝ բուն տաղաչափյալ բանաստեղծություններից: Վերջիններիս քննությունից պարզվում է, որ Խորենացին որոշակի նախընտրություն է տվել 3—4+4—3 կամ 4—3+4—3 կառուցվածքով տողերին⁵⁷, ու բնականաբար, կիրառել է նաև գլխավորապես 12—16 վանկանի քառանդամանի տողերով (կամ «հայկական» կոչված չափով) բանաստեղծությունը⁵⁸:

Հայ եկեղեցական երաժշտության ութ հիմնական (կամ գլխավոր) բոլոր ձայնեղանակներն առավել կամ պակաս չափով օգտագործված են Խորենացու երգերում, բացի ակ-ից: Սա նկատողության արժանի կետ է: Այս կապակցությամբ թեև ծավալվել չենք կարող, բայց և չենք կարող չհիշեցնել, թե ինչ էր ցույց տվել ժամանակին Մաշտոցյան երգերի քննությունը (որոնցում ակ նմուշն ունեցող բոլոր կտորները փաստորեն ակ դարձվածք ձայնեղանակով են)⁵⁹: Համեմատաբար քիչ են օգտագործված նաև բկ և գկ ձայնեղանակները: Մյուսներն ավելի առատ են ներկայացված:

⁵⁶ Որ ամեն և անընթին

քառակերպիցն վեհագոյն,

ի փրկել ըզմեզ եկեալ

անմահից թագաւորն,

օրհնութիւն առաքողին:

⁵⁷ Դասական օրհնակներ են՝ Ծննդյան Ա օրվա օրհնության առաջին պատկերը.

Խորհուրդ մեծ և սքանչելի

Որ յայսմ ատուր յայտնեցաւ.

և Աստվածաբանության ժրգալուցի կանոնի օրհնության առաջին պատկերը.

Ուրախացիր սրբոյնի Գաբրիէլի աւետեօքն.

Որ քարոզեացն ըզգալուստ արքային տւառն

ի յերկնից:

⁵⁸ Սրա լավագույն օրհնակներից են՝ Ժրգալուցի հիշյալ կանոնի մանկունքը.

Ծագումըն հրաշալի որ անյայտ էր ի մեզ.

Եւ բանըն հայրական անըմբռնելի

նույն կանոնի մեծագույնը.

Ուրախացիր Աստուածածին վերօրհնեալդ ի սրովկից,

Ծագելով ի քեն մեզ լոյս մայր եղեր

վերածողին,

այլև ուրիշ կտորներ:

⁵⁹ Ն. Թաթևյան, Մարտիկ Մաշտոցն ու հայոց հոգևոր երգարվեստը, «Հանրեր Մատենադարանի», Երևան, 1964, № 7, էջ 198:

⁵² Կոչիկյան պետք է ասել, որ նրանում փաստորեն Քրիստոսն է օրհնարանվում և ոչ թե Աստվածածինը:

⁵³ Դձ՝ «Այսօր անընկերական ծնունդ հայրական ծոցոյ բանն եկաւորեալ ի տաճարն» և դկ՝ «Այսօր ի տաճարն եկիր փրկիչ»:

⁵⁴ Լո՛յս լուսոյ մայր,

և կենարար քանին քնակարան.

⁵⁵ Ով երջանիկ տէր սուրբ Գրիգոր, սրբութեանցըն պաշտօնեայ և առաջնորդ քանաւոր հօտի:

Ընդհանրապես ասած, այս հիմնական կամ գլխավոր ձայնեղանակներում ընթացող մեղեդիների մեջ հանդիպում են նախնական տարբեր հատկանիշներ պահպանած հետաքրքիր մոտիվներ, ինչպես, ասենք՝ Ծընընդյան Զ օրվա բձ ճաշուն, որի վերջնահանգաձևը երեք տներում էլ ավարտվում է «պարույկով» (փոխանակ «նորոպային»): և կամ Ծննդյան Ը օրվա աձ դարձվածք ճաշուն, որի վերջնահանգաձևը երրորդ տան մեջ մի նոր պտույտով եզրափակվում է դարձյալ «պարույկ» աստիճանի վրա (փոխանակ «խորոպային» կամ «ներքնախաղի»):

«Դարձվածք» տիպի ձայնեղանակներում երաժշտագրված երգերից դարի ոճական գլխավոր գծերը պահպանած աձ դարձվածք գեղեցիկ կտորներ են՝ Թեոդոս թագավորին նվիրված կանոնի հարցն ու գործատունը և Ծննդյան Ը օրվա կանոնի մեծացուն, ողորմյան, տեր երկնիցն ու ճաշուն, որոնք «չափաւոր» կամ «միջակ» ընթացքով են: Ինչ վերաբերում է վերջին կանոնի «ծանր» հարց-գործին («Տնօրինեցաւ յարգանդի կուսին»), պետք է ասել, որ նրա մեղեդիում առկա մի ամբողջ շարք հնագույն գեղեցկության խորհրդավոր պտույտներ թվում է (գոնե՝ Ն. Թաշճյանի ձայնագրությունից դատելով) երկարաձգվել ու ընդգծվել են հետագա դարերում⁶⁰: Գրեթե նման օրինակներ են նաև Ծննդյան Ծրագայուցի Ա օրվա դձ ծանր հարցը⁶¹ և Ը օրվա դձ դարձվածք ծանր օրհնությունը, որոնք թեև ավելի լավ են պահպանել իրենց նախնական կուտ կազմությունը, և սակայն, նրանց ստեղծատիպ կամ դարձվածքատիպ պտույտները, ինչքան էլ ճարտար ազոցված, V դարում հղացված պա-

րագաների տպավորություն չեն թողնում⁶²: Բձ և գձ դարձվածք ծանր երգերը⁶³, ըստ բոլոր տվյալների, նույնիսկ ամբողջապես առած վերանորոգված (կամ, համեմատելիս, սկզբնական ձայնեղանակում վերակերպավորվել) են զարգացած ավատատիրության շրջանում: Նույնը կարող ենք հաստատել Ծննդյան Դ օրվա դձ դարձվածք ողորմյայի կապակցությամբ էլ, ու նաև Գ օրվա գձ դարձվածք մանկունք-ճաշուի մասին, չնայելով սրանց «չափաւոր» ընթացքին: Առաջինը «գարտուղի» եղանակ է պարզապես (շատ մեծ պահոցով «Ամենայն արարածք» երգին, միայն՝ տեղափոխված էջելով), իսկ երկրորդը համաձայնությանին (լադային) որոշակի նորույք է հանդիսադրում, գձ դարձվածքի վերջնահանգաձևում «վերնախաղ կիսավարի» օգտագործմամբ:

«Ստեղի» նշան թեև չենք հանդիպում, սակայն փաստորեն դժ ստեղի է Ծննդյան Գ օրվա հարցը (գործատան հետ միասին), որով և՛ երաժշտականապես ուշ շրջանի ծնունդ: Եվ կամ՝ Ծննդյան Ա օրվա օրհնության երրորդ պատկերն հատնապես ստեղծատիպ է դառնում վերջավորության մեջ: Հետսամուտ զարդողորումներ նկատվում են մի-երկու «Յուծ ծանր» երգերում ևս, որպիսիք են Ծննդյան Ա օրվա հարցը, Տյառնընդատաջի կանոնի հարցի գործատունը և ալմ: Ի վերջո, քննարկվող երգերում որոշ խանգարումներ սպորադիկ կարող էին լինել դրանք ըստ կանոնների վերադասավորելու շրջանում⁶⁴: Անկախ այս ամե-

⁶² Հմմտ. նաև՝ Ե. Տնտեսյան, «Կարագիր երգոց Հայաստանեայց եկեղեցւոյ, Կ. Պոլիս, 1874, էջ 74-75»:

⁶³ Դրանք են. Ծննդյան Ե օրվա Ծաշուն՝ նշանավոր «Անթառամ ծաղիկ»-ը (որ տեղադրված է նաև Աստվածածնի վերափոխման Ա օրվա կանոնում), ու Ծննդյան Ա և Բ օրերի հարցերի գործատները:

⁶⁴ Այսինքն VIII-IX դարերում, նաև ավելի ուշ, հալոց Ծարակնոցի տարբեր խմբագրությունները իրացնելիս: Իրոք, հիմնականում դրանով պիտի բացատրել կարծես Խորենացու վարպետ գրչին պատկանող երգերում երևացող մի քանի անհարթությունների առկայությունը: Ասենք, Ծննդյան Դ օրվա կանոնի օրհնության «Ծանր» նշումը (այն դեպքում, երբ երգը, դատելով հյուսվածքից, բնավ էլ ծանր պիտի չկատարվի): Եվ կամ, օրհնակ, Տյառնընդատաջի կանոնի երգերից Ծաշունով զգացվող անհամապատասխանությունը գրական վսեմ խոսքերի և դձ «չափաւոր» շատ սովորական, նույնիսկ շեշտադրությամբ տեղ-տեղ անհարազատ եղանակի միջև: Մի՞հնչե՞ր, նույն «չափաւոր» կամ «միջակ» ընթացքով երգվող և գրական բնագրի ու երաժշտության ամենաբնական կապի ինչ գեղեցիկ մոտիվներ են՝ Աստվածա-

⁶⁰ Բայց սրանով ամենևին չի ծխտվում, անշուշտ, քննարկվող ստեղծագործությանը Հ. Գ. Ավետիսյանի տված սքանչելի բնութագիրը: «Հարցն այսր կանոնի,—գրել է նա,—է մի յերևելի շարականաց ըստ գերազանց կազմութեան իմաստիցն, և ըստ ահաւոր ներդաշնակութեան եղանակին. մինչև պատկառանքները երգողացն և լսողաց» (Բացատրություն շարականաց, Վենետիկ, 1814, էջ 98):

⁶¹ Այն է՝ «Որ դասուց երկնաւորաց»: Ծախեկան է դիտել, որ Ղ. Ալիշանի հաղորդած տեղեկությանը համաձայն, ըստ հայկական միջնադարյան մի աղանդության՝ Խորենացին Գյուտ կաթողիկոսի առաջ եղել է ոչ թե վերոհիշյալ «Ով արքայակերպ» մեղիդին, այլ ճիշտ այս հարցը: Բայց դա, հավանաբար, վերն հիշատակված առավել հին աղանդության հետագա փոփոխության արդյունք է, ինչպես եզրակացնում է ինքը՝ Ալիշանը ևս (տես Մովսես Քերթոզյանի հայր հայոց, «Բազմավեպ», Վենետիկ, 1849, էջ 54):

նից, մեզ զբաղեցնող երգերն իրենց գեղարվեստական արժանիքներով հավասարաբեռն չեն: Եվ ընդհանրապես՝ այդ երգերի մանրակրկիտ, բազմակողմանի հետազոտությունը ցույց է տալիս, որ դրանք մեր քերթողահոր երաժշտա-բանաստեղծական արվեստի հեղաշրջման նույնիսկ բազմամյա մի ճանապարհ են գծում, գլխավոր կողմերով: Այսպես, Խորենացու երգերում մի խումբ են կազմում այն կտորները, որոնք ակներևաբար հղացված են նրա մեծ ուսուցիչների՝ Մեսրոպ Մաշտոցի և Սահակ Պարթևի ստեղծագործական ավանդույթների յուրացման նշանաբանի ներքո: Ծնրնդյան Ը օրվա ած դարձվածք «չափաոր» մեծացուցեն, օրինակ («Յանճառ փառաց» և կամ Թեոդոս թագավորի կանոնի հարցը՝ «Օրհնեմք զքեզ»), ուղղակի ներշնչված է կարծես Մաշտոցյան «Ջրջման իմոյ» հիանալի կցորդից: Ս. Գրիգոր Լուսավորչի կանոնի քծ օրհնությունը՝ «Ով երջանիկ տէր», անմիջական կապերի մեջ է ապաշխարության երգերի քծ կարգի մի շարք կտորների հետ: Սրանք և նմանները, ամենայն հավանականությամբ, երիտասարդության շրջանի գործեր են⁶⁵: Մի այլ աստիճանի վրա են գտնվում ծանր տիպի այն երգերը, ասենք՝ Աստվածահայտության ժրագալուցի քծ ծանր ողորմյան («Անկանիմք առաջի քո»), Տյառնընդատաջի կա-

նոնի դժ ծանր հարցը («Օրհնեմք զքեզ»), որոնք յուրովի զարգացնում են Սահակ Մեսրոպյան համատիպ փոքրամասլա կտորների լավագույն գծերը: Նշված և դրանց հարող երգերը նաև բացահայտորեն նախապատրաստում են իր իսկ՝ Խորենացու ամենաբնուիտ ստեղծագործությունները՝ հայց կան կտորներ էլ, որոնցում շատ որոշակի է զգացվում ապագա երևելի գործի եղեջային շրջագծերի կանխահայտնությունը: Օրինակ՝ Տյառնընդատաջի կանոնի դժ «չափաոր» մեծացուցեն, կամ Գրիգոր Լուսավորչի կանոնի դժ «չափաոր-ծանր» մանկումքը, որ աստիճանաբար բյուրեղանում են կարծես Աստվածահայտության ժրագալուցի «Ծագումն հրաշալի» հոյակերտ երգի տիպական պտույտները:

Այս բոլորից հետո է ահա, որ դասվում են Խորենացու մի շարք կոթողային գործերը. հիշյալ «Ծագումն հրաշալի» լայնաշունչ հանդիսական շարականը, նույն կանոնի օրհնության առաջին պատկերը՝ քմական ջերմագույն զգացումներով հագեցած «Ուրախացիր սրբուհի» երգը, Ծնրնդյան Ա օրվա կանոնի օրհնության առաջին պատկերը՝ առնական վիպականությամբ սողորված «Խորհուրդ մեծ և սքանչելի» կտորը և նմանները, որոնք նոր հիմքեր ստեղծեցին հայ շարականագրության հետագա (VII—VIII դարերում իրագործված) զարգացման համար: Ընդհանրապես ասած, երբ մի կողմ ենք դնում հայ հոգևոր երգաստեղծության տեսակային (ժանրային) բազմազանությունը քստ հին ու միջնադարյան հասկացությունների վերապատկերելու դեռևս դժվար լուծելի հարցը⁶⁶, ավանդաբար մեզ հասած ողջ ժառանգության մեջ՝ ձևագոյացման տեսակետից գրական խոսքերին ու երաժշտությանը հատկացվող դերի առումով՝ նկատում ենք չորս կարգի ստեղծագործություններ. ազատ ոտանավորների հիման վրա հորինված վանկային (կամ տարբեր վանկերի ոչ մեծ ոլորումներով վանկային-ոլորում), տաղաչափյալ բանաստեղծությունների հիման վրա ստեղծ-

հայտնության ժրագալուցի գծ ճաշուն, Ծնրնդյան Ա օրվա կանոնի գծ մեծացուցեն ու ողորմյան, Բ օրվա գլ ճաշուն, Աստվածածնի վերափոխման Ա օրվա դժ մեծացուցեն և այլն:

⁶⁵ Նշելով Խորենացու շարականների քարձր արվեստը, Հ. Դ. Ալիշանը «Եկեղեցական եղանակաբաժնոսպետ» էր անվանում մեր պատմահորը, և իրավացիորեն, քայց ավելացնում էր նաև, թե «այս երգերս կերևի թե ծերության և վերջի ատեններն երգած է», որն իր հաստատումը չի գտնում այսօր (տես «Բազմավեպ», 1849, էջ 51): Ընդհակառակը, յոլոր տվյալները ասում են այն մասին, և դա առարկայականորեն բխում է նույնիսկ Ալիշանի վկայակոչվող հոդվածից, որ Խորենացին շատ կանոն է սկսել հորինել դիտարկվող շարականները, հնարավոր է անգամ Ալեքսանդրիայում սովորելու տարիներից: Համեմայնդեպս, Ծնրնդյան Ը օրվա կանոնի օրհնության երրորդ պատկերի երրորդ տան վերաբերյալ ունենք Գ. Ավետիքյանի հետևյալ արժեքավոր նկատողությունը: «Այլ յաղագս այսր տան դիտել է, —գրում է նա,—գի թուի յօրինելս ի վաղ ժամանակա և երգելա ի զանազան եկեղեցիս քրիստոնեից: վասն զի գտանեմք ամենևին նովից բանի երգելա առ յառիս, ի կանոն քորհնեաց ասելով. «Մկրտի Գրիստոս, և սրբի ամենայն աշխարհ, և տայ մեզ թողթին մեղաց, ջրով և հոգով ամենեքեան մաքրիմք» (տես Բացատրություն շարականաց, էջ 93):

⁶⁶ Դժվարությունն այն է, որ եկեղեցական երգերի շատ տեսակներ, ինչպես այլուր, այնպես և Հայաստանում, հին և միջին դարերում, առանձին տեսակ են համարվել ոչ միայն և ոչ այնքան զուտ գրական կամ երաժշտական նկատառումներով, որքան ծևի ու արարողության մեջ նրանց կատարած պաշտոնի տեսակետով: Այնպես որ, հաճախ տարբեր տեսակներ են նկատվել ու պայմանական տարբեր անվանակոչություններ են ընդունել երաժշտա-բանաստեղծական միևնույն կամ գրեթե միևնույն կառուցվածքի մի ամբողջ շարք միայնակ կամ խմբական ստեղծագործություններ:

ված երաժշտա-արտասանական ու ծորեր-գային, կառուցվածքային տիպի ծանր, և հանկարծաբանական (իմպրովիզացիոն) տիպի ծանր ու ծանրագույն կտորներ: Բացի այս հիմնականներից, հանդիպում են նաև միջանկյալ ձևեր, որոնցից առավել կարևոր նշանակություն ունի կառուցվածքային տիպի ծանրից դեպի հանկարծաբանականը տանող միջանկյալ ձևը: Վերջինիս շրջանակներում սկզբունքային տեղաշարժ է կատարվում ձևագոյացման և կշռույթի կազմակերպման ասպարեզում երաժշտության դերի զգալի մեծացման տեսակետով, որից հետո՝ հանկարծաբանական տիպի ծանր երգերում, երաժշտության այդ դերը դառնում է միանգամայն անկախ, ինքնուրույն: Արդ, Խորենացու ստեղծագործության մեջ դիտարկվող միջանկյալ ձևի հիսնամյալ մոտիվներ կան, որոնք V դարի հայ հոգևոր երգաստեղծության բարձրագույն նվաճումները ներկայացնելով, միաժամանակ ուղղակի նախապատրաստում են VII—VIII դարերում հանդես գալիք հանկարծաբանական տիպի ծանր շարականները: Այդպիսիք են, մասնավորապես, «Խորհուրդ մեծ» և «Ուրախացիր սրբուհի» անկրկնելի երգերը, որոնք և առաջ ենք բերում ստորև, երաժշտական հինգ օրինակների շարքում:

Առաջինը («Ով երջանիկ տեղ»), անհավասար տողերով ազատ ոտանավորի հիման վրա հորինված վանկային կցուրդի մոտիվ է, ուր առաջին և երկրորդ տողերը կիսված են ու վերջին վանկերը ոլորված այնպես, որ երաժշտականորեն իրար համապատասխանող նախադասություններ (ֆրազներ) գոյանան: Երկրորդում («Ուրախացիր Աստուածածին»), տաղաչափյալ բանաստեղծության գուգորդությամբ երաժշտա-արտասանական (դեկլամացիոն) տիպի գեղեցիկ մեղեդի է ծավալվում: Նկատողության արժանի կետ է, թե ինչպես երկար վանկերը սահմանազատում են ոտանավորի յուրաքանչյուր կիսատողը, բացի չորրորդից: Սրա վերջում հանդես գալիք երկար հնչյունը կարծես փոխանցվել է դարձի կամ կրկնակի առաջին վանկին («ազգ» և այլն), որ թե՛ միօրինակությունից խուսափելու համար է արված, և թե՛ դարձը ամբողջ տան հետ ավելի սերտ կապելու համար: Երրորդ օրինակում («Ծագումըն հրաշալի») նույնպես մեղեդին ալիք-ալիք ծավալվում է ըստ ոտանավորի կիսատողերի, բայց դրանք տվյալ դեպքում բազմազան կշռույթով ծորերգային լայնաշունչ նախադասություններ են, որոնք միտում են հանդես բերում նույնիսկ ամբողջ

տողը ընդգրկելու, ինչպես երևում է երգի երկրորդ տան («Ծագումըն հրաշագործ») առաջին և մանավանդ չորրորդ տողերից (առավել պարզության համար այստեղ հատածների ենք բաժանել երաժշտությունը և ձայնակապերով ցույց տվել նրա դիտարկվող նախադասությունները): Գալով ծանր երգերին, պետք է ասել, որ ինչպես ցույց է տվել հետազոտությունը, Սահակ-Մեսրոպյան կցուրդներում ժամանակին տեղ գտել են կառուցվածքային տիպի փոքրածավալ մոտիվներ, որոնցում չափական յուրաքանչյուր միավոր հիմնականում իր սահմանների մեջ եղանակավորվել է այլազան ոլորումներով (օրինակ՝ զձ ծանր «Ահադորես թագադոր»), և կամ չափական երկու միավորի արժեքով ոլորումներ գրեթե համաչափորեն գուգորդվել են բանաստեղծական ոտքերի ուժեղ մասերի կամ շեշտված վանկերի հետ (ասենք՝ պահոց ակ ծանր «Օրհնեալ և փառալուրդ») հարցի գործատուներ, մինչև դարձը). բայց հետագայում դրանց մեծամասնությունը ենթարկվել է ժամանակի զորեղ ազդեցությանը: Նման ազդեցությունից զերծ մնացած Խորենացու ծանր երգերում նկատվում է առաջընթաց կարևոր քայլ: Նրանցում երկար (չափական մեկ միավորից ավելի տևողությամբ) ոլորումները գուգորդվում են ոչ միայն շեշտված, այլ՝ ի հարկին (զուտ երաժշտական նկատառումներով), նաև անշեշտ վանկերի հետ. և հետո՝ նույն ոլորումները հանդես են գալիս ինչպես համաչափ, այնպես և անհամաչափ հաջորդություններով, որն անընդմեջ հոսունություն է հաղորդում մեղեդիի ծավալմանը: Այս կարգի երգերի լավագույն օրինակներից են «Խորհուրդ մեծ» և «Ուրախացիր սրբուհի» շարականները: Առաջինում երկար ոլորումների կանոնավոր հաջորդություններ են ներկայացնում բանաստեղծական տան երկու տողերի 7-րդ և 9-րդ վանկերը, մինչ՝ համապատասխանաբար՝ 8-րդ և 6-րդ վանկերի երկարաձգումները, այլև վերջնահանգանք խախտում են այդ համաչափությունը: Երկրորդում (ուր դարձյալ դյուրության համար երաժշտությունը բաժանել ենք հատածներին), համեմատելի են բանաստեղծական տան երկու տողերի 2-րդ և 7-րդ վանկերի ոլորումները. և դրանց ստեղծած համաչափությունը նրբորեն խախտող 9-րդ երկարաձգված վանկը առաջին տողում, 14-րդը՝ հաջորդ տողում, այլև վերջնահանգանք: Ահա, մեղեդիի մեծ հուսովածքը, որ տալովին որոշ կապեր ունի բանաստեղծական տան ռնդհանուր կառուցվածքի հետ, բնականորեն նախապատրաստում է հանկար-




ծաքանական տիպի ծանր երգերի հայտնությունը VII—VIII դարերում, երգեր, որոնք արդեն հենվում են ամբողջապես ինքնուրույն երաժշտական ձևի ու կշռության վրա: Խազավորումից դատելով, նման մի ստեղծագործություն պետք է եղած լիներ նույնիսկ Խորենացու վերոհիշյալ «Ու վարքայակերպ» մեղեդին⁶⁷, սակայն նրա խազագործությունը առավել XII դարից ավելի շուտ չէր կարող երևացած լինել, այնպես

⁶⁷ Է. Ղ. Ալիշանը անդրադարձել է սույն մեղեդիի խազագործությանը ևս, գրելով, որ «խազերն ալ կցուցնեն թե շատ վարպետ և անուշ եղանակ պիտի ունենա, շենքն ալ նման է այն հին մեղեդեաց՝ որոնց ունի հայտնապես կցուցնեն թե թարգմանչաց դարեն նոր չեն» («Բազմավեպ», 1849, էջ 54): Բազմավաստակ հայագետը նկատեց նաև մեղեդիում «ը» ձայնավորի օգտագործման և տարրեր վանկերի կոկնության երաժշտական նշանակությունը: Ալիշանից հետո նույն մեղեդիի վրա ուշադրություն դարձրեց Կ. Կոստանյանն էլ (տես Գրականության և արվեստի թանգարան, Կ. Կոստանյանի դիվան, նյութ № 209, ազատել կա նաև Խորենացու «մեղեդի Տրդատա թագաորին» կտորը), ու բոլորովին վերջերս՝ Ա. Մնացականյանը ևս (նմուտ. «Գրական թերթ», Երևան, 1967, 28 ապրիլի, էջ 4), դարձյալ մատնանշելով «ը» ձայնավորի կիրառման երևույթը և այլն: Այս բոլորով հանդերձ, մեղեդիիս հնության մասին իրավացիորեն արտահայտված մտքերը մենք առայժմ վերաբերում ենք նախ և առաջ գրական բնագրին, ինչպես նույնը կարող ենք ավելացնել Սահակ Պարթևի անունով մեզ հասած խազագրյալ տաղի կապակցությամբ ևս:



որ առայժմ մի կողմ ենք դնում այն: Անկախ դրանից, ողջ մահաբնթացը մեզ հիմք է տալիս՝ վկայակոչելով նորովի ընկալելու Ղ. Ալիշանի ավելի քան հարյուր տարի առաջ արտահայտած զարմանալի խորաքննին այն կարծիքը, թե հայոց պատմահայրը «Քերթողահայր» է կոչվել «ավելի քանատեղծական կամ երգահան գրվածոց համար. և թե այս մտքով անվանա արժանավոր է, վկա ըլլան մեզի իր ծանոթ սքանչելի շարականներն, որոնց չափական շենքն ալ, իմաստն ալ, եղանակներն ալ կցուցնեն թե շատ գերազանց ոգի և ճաշակ ունի եղեր մեր Խորենացին»⁶⁸: Այո, անցյալի մեր խոշորագույն երաժիշտ-քանատեղծներից մեկն է Խորենացին, որը հեթանոս Հայաստանի երգաստեղծության վերաբերյալ անգնահատելի նյութեր է հավաքել ու հաստատագրել գալիք սերունդների համար, և իր քեղմնավոր գրչով հորինել շուրջ 120 հոգևոր երգեր, հիմնականում կցուրդ-շարականներ: Դրանց մեջ մի ամբողջ շարք կտոհներ, որոնք պահպանել են իրենց ժամանակի ոճական գլխավոր օժերն ու գեղարվեստական առանձնահատկությունները, աղև առանձին նմուշներ՝ որոնք կրում են իրենց մեծ հեղինակի անհատական վառ կնիքը ևս, գոյացնում են 5-րդ դարի հալ հոգևոր երգաստեղծության պայծառ գագաթը և կանխորոշում նրա հետագա զարգացման ուղիները:

⁶⁸ «Բազմավեպ», 1849, էջ 51:

Ջափաւոր Ծամր



Միջակ



Ջափաւոր

Ծա - գու - մըն հրա - շա - ւի. որ աճ - յայտ եր ի հեճ
 եւ բա - ցըն հայ - րա - կան ա - ցըմ - բըն - ցե - ւի...

Ջափաւոր

Ծա - գու մըն հրա - շա - գործ որ ի կու - սեմ ծա - գե - ցաւ.
 ճա - ու - գայ - - րե - լով զա - րա - րածս ա - մե - ցայն.
 եր - կի - ցըք ցըն - ծա - յիմ եւ եր - կիրս ու - րա - խա - ցայր,
 եւ Թրիս - տոս աս - տը - ուած ընդ մարդկան շըր - քե - ցաւ.

Մանր

Խոր - հուրդ մեծ եւ սքան շե -

- Լի որ յայսմ ա - տուր յայա -

- Օե - ցաւ հո - վիւթ եր - գեց

ընդ հրեշ - տակս տաճ ա

եւ - տիս աշ - խար - ին

Մանր


ու - րա - խա - ցի'ր սըլ - բու -

հի' Գաբ - ռի - է -

Լի ա - ետ - ե'օք որ քա - ռոզ -

եա'ցն ըզ - գա - լուտտ ալ - քա - յին

տեա'նց յերկ - ռի'



ՄԿՐՏԻՉ ԿՈՐՅՈՒՆ

ՍՈՒՐԲ ՄԵՍՐՈՊ ՄԱՇՏՈՅՆ ՈՒ ՀԱՅՈՑ ՏԱՌԵՐԸ

(Պիեսը նախատեսված է 1-ին դասարանցիների Այբբենարանի ավարտման հանդեսի համար: Գալիս են Մ. Մաշտոցը և Ոստոցչունիին):

Ոստոցչունի.—Մեսրոպ Մաշտոց, Մեսրոպ Մաշտոց,

Դու սրբություն ամեն սրբոց,
Իմաստության շտեմարան,
Հայ դպրության լուսո խորան,
Դու ազգերին քեզ տարեկից
Եղար-սատար և կարեկից,
Եղբայրության դու ջատագով,
Լուսապսակ քո ճակատով
Սիրով անցար երկրե-երկիր,
Պարզեցիր նշանագիր
Եվ աղվանից և վրացոց,
Մանկանց տալով քո սիրտը բոց:

Մ. Մաշտոց.—Ապաստե՛ք, չե՛ք լսում դուք,
Այս ի՞նչ վե՛ճ է, այս ի՞նչ աղմուկ:
(Գալիս են մի խումբ տառեր աղմկալից

Մի խումբ տառեր.—Մաշտոցն է մեր հայրն
հարազատ,

Մե՛զ է սիրում ամենից շատ,
Օ և Ֆ տառեր.—Սխալվում է՞ դուք
մե՛ծապես,

* Վեմախառ Հայրապետի՝ այս տարի Ֆրանսիա կատարած ուղևորության ժամանակ սույն պիեսը Նաբարեհան էր հանձնարարել ափյուրքի մի շարք հայ դպրոցներին՝ ներկայացման համար:

Այս առթիվ «Էջմիածին» ամսագրի ընթերցողների ուշադրությանն ենք ներկայացնում սույն պիեսը:

Ամենից շատ սիրում է մե՛զ:

Մի խումբ տառեր.—Բայց չե՞ որ ձե՛զ նա չի
կերտել:

Օ և Ֆ տառեր.—Բայց իր հրովն ենք
մկրտվել,

Քննություն ենք տվել հաջող,

Ուրեմն մե՛զ էլ լսի թող:

Մի խումբ տառեր.—Մաշտոցն է մեր հայրն
հարազատ,

Մե՛զ է սիրում ամենից շատ:

Ոստոցչունի.—Ոստոցչապետ մեր
մե՛ծատառ,

Լույսի օվկիան, մտքի կատար,

Խոսքիդ ցուլը ծիածանի

Մեր սրտերում թող ծածանի,

Հավակների ամենագոր

Վե՛ճի մեջ են մտել այսօր,

Թե դու արտով քո անարատ

Ո՞ւմ ես սիրում ամենից շատ:

Մեսրոպ Մաշտոց.—Դուք իմ հոգու
ծիլ-ծաղիկներ,

Դուք իմ հավատ, իմ խիճ, իմ սեր,

Հողմերի դեմ աղետավոր

Դուք կաղնիներ եք դարավոր,

Թողե՛ք ամեն վե՛ճ ու աղմուկ,

Հաշտ ու խաղաղ խոսեցե՛ք դուք,

Խաղը կոչե՛ք «Տառահանդես»,

Դե, խոսեցե՛ք, լսում եմ ձե՛զ,

(Գալիս են Ա, Բ, Գ, Դ, Ե տառերը),

Ա. տառ.—«Ա» տառն եմ ես արևավոր

Արևի պես և հին և նոր

Աշխատասեր, արևաբույր,

Արարատից բխող աղբյուր:

Մ. Մաշտոց.—Այս անունն էլ լավ հիշիր

դու,

Արշակունյան Վասնապոսի:

Բ. տառ.—«Բ» տառն էմ ես ձեր բնասեր,
Բարեկամն ու ընկերն էմ ձեր,
Բերել կտամ ձեր դուրեկան
Բյուրաստողանի մի Բյուրական:

Մ. Մաշտոց.—Բարին ընդ քեզ, իմ
բարեհաճոք,
Բյուր ու բազում քեզ սեր, քեզ երգ:

Գ. տառ.—Գարնան շողում ու ճաճանշում,
«Գ» տառն էմ ես բարեհաճուն,
Գիտության գետն էմ մեծերին,
Գիրք ու գրիչ մանուկներին:

Մ. Մաշտոց.—Գովում էմ քեզ դու իմ «Գ»
տառ,

Գալիքների ուղին գտար:

Դ. տառ.—«Դ» տառն էմ ես դաշինքասեր,
Դասագիրք էմ և դասընկեր,
Դիմացկուն էմ և զգայուն,
Դիրքս ամուր և մնայուն:

Մ. Մաշտոց.—Դու քո ձիրքով, խելքով
աճել,

Դարերի երթն ես նվաճել,

Ե. տառ.—Եղիշեի զարմից սերված,
«Ե» տառն էմ ձեր գովաբանած,
Եղևնու պես մշտադալար,
Երիտասարդ և կենարար,

Մ. Մաշտոց.—Եղեգան փող երանելի,
Եղիր հավերժ երևելի:

Ուսուցչուհի.—Ուսուցչապետ մեր մեծատառ,
Լուսի օվկիան, մտքի կատար,
Խոսքիդ ցուլը ծիածանի
Մեր սրտերում թող ծածանի,
Զավակներդ մեքոպագուն,
Քո խոսելուն եմ սպասում,
Ասա լեզվով քո անարատ
Ո՛ւմ ես սիրում ամենից շատ:

Մ. Մաշտոց.—Երբ բոլորին մեկ-մեկ լսեմ,
Ո՛ւմ էմ սիրում, անշուշտ, կասեմ:
(Գալիս եմ Զ, Է, Ը, Թ, Ժ տառերը):

Զ. տառ.—«Զ» տառն էմ ես, Զվարթնոց էմ,
Զնգուն զանգ էմ, ոսկեգոծ էմ,
Զարթեցնում էմ հազար-հազար,
Զվարթ հույզեր լուսավարար:

Մ. Մաշտոց.—Զավակն ես իմ լուսական-
թել,

Զարմով զինվոր, զարկով զորեղ:

Է. տառ.—Էությունը իմ ես հայկազուն,
Էակ չեմ մի, ալ բյուր-բազում,
«Է»-ն խիստ թանկ է հայոց համար,
Էջմիածինն է սրբավայր:

Մ. Մաշտոց.—«Է»-ին լինի համապագոր
Էջմիածինն հովանավոր:

Ը. տառ.—«Ը» տառն էմ ես միշտ ընձեռնող,
Ընկած մարդուն ու ձ մերարկող,
Ընթերցասեր, ձեզ բարեկամ,
Ընտիր գրքեր ընծա կտամ:

Մ. Մաշտոց.—Ըմբոստ ես դու անընկճելի,

Ընձյուղ ընտիր պատգամների:

Թ. տառ.—«Թ» տառն էմ ես ձեր
բազմափորձ,

Թագն ու պսակն ազգիս հայոց,
Թուրն ու թևն էմ ես իմ բախտի,
Թշնամիներն ինձ չեն հաղթի:

Մ. Մաշտոց.—«Թ» տառ դու իմ զորեղ
մական,

Թրերի դեմ թշնամական:

Ժ. տառ.—Ժողովրդի ուժից սերված,
«Ժ» տառն էմ ձեր սրտին մերված,
Ժամանակի ուժով խորին
Ժապավիհող հինը նորին:

Մ. Մաշտոց.—Ժողովիր դու ուժեղ գնդեր,
Ժայռ դարձիր չար գործի ընդդեմ:

Ուսուցչուհի.—(Դեպի բեմի խորքը)
Հապա, սաներ, մեքոպագուն,
Հիմա էլ ձեզ ենք սպասում:
(Գալիս եմ Ի, Լ, Խ, Ծ, Կ տառերը):

Ի. տառ.—Իդձ, երազանք հոգուս գրքում,
«Ի» տառն էմ ես հզորագույն,
Իմ մեջ ունեմ ուժը հողի,
Իմաստության անմար շողի:

Մ. Մաշտոց.—Իշխիր դու քեզ, քեզ ճանա-
չիր,

Իմ հայրենյաց սիրով աճիր:

Լ. տառ.—«Լ» տառն էմ ես ձեր լուսաբեր,
Լքվածներին հավատ ու սեր,
Լսում էմ իմ ծնողներին,
Լիություն էմ բերում հողին:

Մ. Մաշտոց.—Լավն ես որպես Սահակ
Պարթև,

Լինելու ես դու հարատև:

Խ. տառ.—«Խ» տառն էմ ես Խորվիրապից,
Խոհերով լի խորհրդակից,
Խոչընդոտից ես վախ չունեմ,
Խարդախներից ես փախչում էմ:

Մ. Մաշտոց.—Խոսքդ է խոհով, լույսով
լեցուն.

«Խաղաղություն ամենեցուն»:

Ս. տառ.—«Ս» տառն էմ ես ծիրանի ծառ,
Միածանը ճյուղերիս թառ,
Միտ, ծիծեռնակ ինձ հետ բերում,
Մափ-ծիծաղ էմ ձեզ պարզելում:

Մ. Մաշտոց.—Մնունդ թող օրհնյալ լինի,
Մով դարձրու հացն հայրենի:

Կ. տառ.—«Կ» տառն էմ ես կարմիր կաշծով,
Կոմիտասի հոգու բոցով,
Կաքավիկի երգը շրթիս,
Կտրիճ կոթուն ժողովրդիս,

Մ. Մաշտոց.—Կրակի պես դու մշտավառ,
Կորով ու կամք քեզ անսպառ,

Ուսուցչուհի.—(Դեպի բեմի խորքը)
Հապա, սաներ մեքոպագուն,
Ձեր խոսելուն ենք սպասում:
(Գալիս եմ Զ, Է, Ը, Թ, Ժ տառերը):

Հ. տառ.—Հասցն ունեմ Հացեկաց գյուղ,

- «Հ» տառն էմ ես գետ հորդաբովս,
Հայաստանը իմ խոր հոգում:
Հայությունն էմ ես նորոգում:
- Ս. Մաշտոց.**—«Հ» տառ դու իմ
լուսակամար,
Հուրհրա թող հուրդ անմար:
Զ տառ.—«Զ» տառն էմ ես ձեր վայելուչ,
Ձեզ իրար հետ կապող կամուրջ,
Ձայնում էմ ձեզ ես ողջ տարին,
Ձուլվել պետք չէ մեզ օտարին:
- Մ. Մաշտոց.**—Ձեզ պահեցեք սիրաբանված,
Ձեռքով, ձիրքով միաբանված:
- Ղ տառ.**—«Ղ» եկն իմ բախտի ձեռքս առած,
Ղևոնդ երեցն ինձ պապ արած,
«Ղ» տառն էմ ջերմ դողանջյունով,
Ղողանջյունով ձեզ ողջունող:
- Մ. Մաշտոց.**—«Ղ» տառ դու իմ հաղթ ու
արի,
- Ղեկդ անթեք առաջ վարիր:
Ճ տառ.—«Ճ» տառն էմ ես նրբաճաշակ,
Ճակատս քաց ու համարձակ,
Ճեմարան էմ իմաստության,
Ճարտարության ու ճոխության:
- Մ. Մաշտոց.**—«Ճ» տառ դու իմ
ճշմարտախոս,
Ճարտար մտքի անմար փարոս:
Մ տառ.—Մասին սարն է իմ մեծ վկան,
«Մ»-ն անուկով իր պատվական,
Մատյաններով մագաղաթյա
Մատենագիր է հնօրյա:
- Մ. Մաշտոց.**—«Մ» տառ դու իմ մշտաժպիտ,
Մշտանվագ, մշտափոթիթ:
- Ուսուցչուհի.**—(Դեպի բեմի խորքը):
Հապա, սաներ մեարդագուն,
Ձեր խոսելուն ենք սպասում:
(Գալիս են Յ, Ն, Ծ, Ո, Զ, տառերը):
- Յ տառ.**—«Յ» տառն էմ ես, հոգով ջինջ էմ,
Յոթնապատիկ քաջ կտրիճ էմ,
«Յ» տառը դուք լավ հիշեցեք,
Յուրաներին նգովեցեք:
- Մ. Մաշտոց.**—«Յ» տառ դու իմ հոգու
ընկեր,
- Յիտուսի պես խաղաղասեր:
Ն տառ.—«Ն» տառն էմ ես գեղեցկակերտ,
Նետերի դեմ անխորտակ քերդ,
Նախանձելի թովիչ տավիղ,
Նախորդներին նախաշալիղ:
- Ծ տառ.**—Ծնորհներով շառագունած,
Ծող ու շափաղ շուրջս փռած,
«Ծ» տառն էմ ես շուշանակերտ,
Ծախմատասեր ժիր աշակերտ:
- Մ. Մաշտոց.**—Ծաղիր շողեր հրաշարար,
«Ծ» տառ շողի շուշլ պաշար:
- Ո տառ.**—«Ո»-ն էմ, նախնյաց հրով սնված,
Ողբալու տեղ մարտեր մղած,
Որոտանի ափով եկա,
Որոտալի ծափով եկա:

- Մ. Մաշտոց.**—Որդիս, շուրջդ լույս հեղեղիր,
Որոգայթից զգուշ եղիր:
- Զ տառ.**—Զմուշկներով իմ բարեձև,
«Զ» տառն էմ ես պարզ ու թեթև,
Զեմ սիրում ես չարախոսին,
Զակերտավոր կեղծ հերոսին:
- Մ. Մաշտոց.**—«Զ» տառ հզոր ու
չարխախան,
Զի մթագնի քո լույս ճամփան:
Ուսուցչուհի.—(Դեպի բեմի խորքը):
Հապա, սաներ մեարդագուն,
Ձեր խոսելուն ենք սպասում:
(Գալիս են Պ, Զ, Ռ, Ս, Վ տառերը):
- Պ տառ.**—«Պ» տառն էմ ես բահը ձեռքիս,
Պակասահող հայրենիքիս
Պարթևալանջ քաջ պահապան,
Պեղող, պահակ և պարտիզպան:
- Մ. Մաշտոց.**—Պարտիզպանի պես
քաջամարտիկ
Պարզեկի մեզ բարիք անբավ:
Զ տառ.—Ջերմ սիրով լի հայրենիքի,
«Զ»-ն ջահել է, ջահը ձեռքին,
Ջատագովում էմ ես արտանց
Ջութակ, ջուլհակ, ջուր, ջրաղաց:
- Մ. Մաշտոց.**—Ջլապիմդ ես ու ջանասեր,
Ջրի ծարավ արտերը մեր:
- Ռ տառ.**—«Ռ» տառն էմ ես ձեր ուսմկասեր,
Ռազմիկի պես ես անվեհեր,
Ռամիկ պապս լինի վկա,
Ռումբ կդառնամ, երբ տեղը գա:
- Մ. Մաշտոց.**—«Ռ» տառն էս դու իմ
սոնակյան,
Ռահվիրա ես ամրամակյան:
Ս տառ.—Սևանի պես սիրունատես,
Սքանչագործ «Ս» տառն էմ ես,
Սոսյաց անտառ, լույս սաղարթ էմ,
Սրերի դեմ սաղավարտ էմ:
- Մ. Մաշտոց.**—Սանիկն էս դու հայ
հանճարի,
- Ստրուկ մի կաց երբեք չարին:
Վ տառ.—Վահանակի ու վարսագեղ,
«Վ» տառն էմ ես վեհ ու շքեղ,
Վսեմափայլ իմ գործերով
Վայելում էմ սեր ու գորով:
- Մ. Մաշտոց.**—Վարդան դու իմ սրբանկեր,
Վարիր նավդ դեպ նոր ափեր:
- Տ տառ.**—«Տ» տառն էմ ես տեգ-նիզակով,
Տիգրան Մեծի հզոր զարկով,
Տիգրիս գետի ափով եկա,
Տիտանական թափով եկա,
- Մ. Մաշտոց.**—Տարոնածին զավակն
հոգվույս,
Տարածիր սեր, հավատ և հույս:
Ր տառ.—Րաբունն էմ ես ձեր բազմագետ,
(Րաբուն, ասել է վարդապետ),
«Ր» տառն էմ ես թևեր առած,
Րաֆֆու կայծով հրդեհ վառած:

Մ. Մաշտոց.—Բարունու պես խեղճ դաստի, Բոպեղ շատ թանկ գնահատիր,
Յ տառ.—«Յ» տառն էմ ես ցավեր բուժող,
 Ցրտից, շոգից չվախեցող,
 Ցնծուղս առած ու ցնծալից
 Ցեղերն էմ մեր ջրում նորից:

Մ. Մաշտոց.—Ցանիր, ցանիր սիրո սերմեր,
 Ցանքդ լինի արգասաբեր:

Ու տառ.—«Ու» տառն էմ ձեզ ուրախացնող,
 Ուժեղ, որպես հայրենի հող,
 Ուղղախոս էմ և ուխտապահ,
 Ուրախ ընկեր ամենօրյա:

Մ. Մաշտոց.—Ուրեմն շեն պահիր տունս,
 Ուսուցանիր զմանկունս:

Փ տառ.—«Փ» տառն էմ ես փոթորկածին,
 Փառքն էմ երգում հողի, հացի,
 Փութաջան էմ և բարեբեր,
 Փառամոլ չեմ կամ պճնասեր:

Մ. Մաշտոց.—«Փ» տառ, շողա
 փարթամաբար,

Ք տառ.—Քանդակագործ և քարակերտ,
 «Ք» տառն էմ ես ճարտարապետ,

Քաջի ճամփան էմ ես հարթում,
 Քաղաք ու գյուղ ծաղկազարդում:

Մ. Մաշտոց.—Քանի Արև, կյանք կա քանի,
 Քեզ քո ազգը անմահ կանի:

Ուսուցչուհի.—Մեարոպ Մաշտոց, Մեարոպ
 Մաշտոց,

Դու սրբություն ամեն սրբոց,
 Զո խոսքը դեռ մի ավարտիր,
 Երկու տառ էլ ունենք ընտիր,
 Նրանց թեև դու չես կերտել,
 Բայց քո հրով են մկրտվել,
 Զննություն են տվել հաջող,
 Նրանց ևս մենք լսենք թող:

Մ. Մաշտոց.—Նրանք ևս հանդես թող գան,
 Իրենց հոգով ազնվական:

Օ տառ.—«Օ» տառն էմ ես պարզ ու
 պարկեշտ,

Օղի նման ձեզ անհրաժեշտ,
 Օթևանս մայր հողն է մեր,
 Օգնականն ու ընկերն էմ ձեր:

Մ. Մաշտոց.—«Օ» տառն էս դու իմ
 հատընտիր,

Օրբատօրե ամրապնդվիր:
Յ տառ.—«Յ» տառն էմ ես լավ սովորող,
 Յոսփորի պես լուսավորող,

Ֆրիկից եմ ուժ ստացել,
 Ֆիրդուսու հետ մտերմացել:

Մ. Մաշտոց.—«Ֆ» տառն էս իմ հմայուն,
 Ֆունդ ես կայուն ու մնայուն:

Ուսուցչուհի.—Մեարոպ Մաշտոց, Մեարոպ
 Մաշտոց,


Դու սրբություն ամեն սրբոց,
 Ուսուցչապետ մեր մեծատառ,
 Լույսի օվկիան, մտքի կատար,
 Խոսքիդ ցուլը ծիծառնի,
 Մեր սրտերում թող ծածանի,
 Հավակների մեարոպագուն,
 Զո խոսելու են սպասում,
 Ասա լեզվով քո անարատ,
 Ում ես սիրում ամենից շատ:


Մ. Մաշտոց.—Դուք իմ հոգու ծիլ-ծաղիկ-
 ներ,

Դուք իմ հավատ, իմ խիճ, իմ սեր,
 Հողմերի դեմ աղետավոր,
 Դուք կաղնիներ եք դարավոր,
 Տվել էմ ձեզ կորով ու սիրտ, խիճ,
 Սիրում էմ ես ձեզ՝ բոլորիդ:
 Եղեք խելոք, եղեք գիտակ,
 Թույլ միք տա ձեզ տան ոտնատակ,
 Սուրբ դպրության լեզվով գրոց
 Անմահ պահեք մեզ մեր ազգն հայոց,
 Զորությունով հայ հանճարի,
 Կուրացրեք աչքը չարի,
 Իմաստություն ճանաչեցեք,
 Նախնյաց հրով ճաճաչեցեք,
 Գրեք չեք լուկ, այլ զենք, զրահ,
 Սերունդներին տրված ի պահ,
 Որ հողմի դեմ մնաք անթեք,
 Անմար հրով ճառագայթեք,
 Չարի ընդդեմ զրահակիր
 Լույս տարածեք երկրե-երկիր,
 Ապրեք հավերժ դար ու դարեր,
 Քանի կա կյանք ու կա Արև:

Ուսուցչուհի.—Այքքենարան մեարոպագուն,
 Մեր մայրենի հայոց լեզուն

Իր գանձերով հազար-հազար,
 Պարգևեցիր մեզ հայրաբար:
 Մենք մեր խիճով մատաղ սրտի,
 Նրան հավերժ սիրենք պիտի,
 Փառք քեզ լեզու մեր մայրական,
 Դու հավերժող-հավերժական,
 Անխորտակ այուն հայոց տանս,
 Հավիտենից հավիտյանս:





ԷԿՈՒՄԵՆԻԿ

ԿՅԱՆՔ

ՀԱՅ ԵԿԵՂԵՑՈՒ ՄԱՍՆԱԿՑՈՒԹՅՈՒՆԸ
«ՀԱՎԱՏՔԻ ԵՎ ԿԱՐԳԻ» ԺՈՂՈՎՆԵՐՈՒՆ
(«Հավատքի և Կարգ»-ի հանձնաժողովին առթիվ)

Անցյալ տարվան օգոստոսի 15-ին 30 գումարվեցավ Եկեղեցիներու համաշխարհային խորհուրդի «Հավատք և Կարգ» (Faith and Order) կոչված հանձնախումբի ժողովը, Պինկալոր, Հնդկաստանի մեջ: Քրիստոնյա բոլոր եկեղեցիներեն եկած 185 ներկայացուցիչներ, մեծ մասամբ հայտնի աստվածաբաններ, հիսուն երկիրներե և բոլոր ցամաքամասերեն, հավաքվեցան Միջ-եկեղեցական Քրիստոնեական Կենտրոնի մեջ (Ecumenical Christian Center), Պինկալորի մոտ և քննարկեցին առաջարկված երկու նյութերը. «Պատասխան տալ հույսի մասին որ ի մեզ է» (Ա. Պետ. Գ. 15) և «Միասին աճիլ միության մեջ»: Ուշագրավ է որ, թեև Հռովմի կաթոլիկ եկեղեցին պաշտոնական անդամ չէ Եկեղեցիներու համաշխարհային խորհուրդին, սակայն անոր ներկայացուցիչները անդամ են Հավատքի և Կարգի Հանձնախումբին, լման անդամակցությամբ: Պինկալորի ժողովին, կաթոլիկ անդամակցողները թիվով տասներկու էին և անոնց մեջ կային հայտնի աստվածաբաններ, ինչպես մոնսեյնյոր Սարտորի (Խուալիո կաթոլիկ աստվածաբաններու նախագահը), հայր Տյուրիբե, փրոֆ. Պրաուն, փրոֆ. Թիլար և այլն:

Հայաստանյայց առաքելական եկեղեցին

Հավատքի և Կարգի ժողովներուն մասնակցած է առաջին իսկ օրեն, այս միջեկեղեցական կազմակերպության հիմնադրության օրեն:

Ծառեր մոռցած են այսօր թե Եկեղեցիներու համաշխարհային խորհուրդը հիմնվեցավ համադրելով արդեն իսկ գոյություն ունեցող երկու խորհուրդներ. Միսիոնարական Միջազգային Ժողովը և Հավատքի և Կարգի Ժողովը: Առաջինն նպատակն էր համադրել, համակարգել և միացնել միսիոնարական տարբեր առաքելությունները, որոնք բողոքական եկեղեցիներու կողմե կերթային հեթանոս ժողովուրդները քրիստոնեացնելու, սակայն իրենց բաժանումներով գայթակհություն կատեղծեին: Իսկ երկրորդը՝ շարժում մըն էր, սկսած եկեղեցիներու մերձեցման և միության նպատակով, սակայն աստվածաբանական մտածումի և դավանական բանաձևումներու վերամշակման ճամբով:

Առաջին իսկ օրեն, Հայաստանյայց եկեղեցին ողջունեց «Հավատքի և Կարգի Համաշխարհային Ժողովը» մեծ խանդավառությամբ: 1926 մայիս 19-ին դրկված հրավերին, Ամենայն Հայոց Հայրապետը պատասխանեց դրականորեն և նշանակեց երեք ներկայացուցիչներ, որպեսզի տանին

Լոգանի ժողովին Հայց. եկեղեցիի պաշտոնական ձայնը: Անոնք էին՝ Տիրայր արքեպս., առաջնորդ Ամերիկայի, Ղևոնդ եպս. Դուրյան, Մանչեսթերի հովիվ և Գրիգորիս եպս. Պալաքյան, կաթողիկոսական պատվիրակ Եվրոպայի: Իսկ Գերագույն հոգևոր խորհուրդը, 1927 հունիս 4 թվակիր պաշտոնագրով, հղված կաթողիկոսական ներկայացուցիչներուն, կբանաձևեր երեք ըսկզբունքներ, որոնցմով պիտի առաջնորդվեին իր ներկայացուցիչները: Սույն պաշտոնագիրը կըսէ. «Ողջունել համաքրիստոնեական համագումարի բացումը, հայտնել հայ առաքելական հնադարյան ազգային եկեղեցվո սիրով մասնակցիլը նրան, որ եկեղեցիների մերձեցման է ձգտում և ընդհանուր համագործակցությամբ Քրիստոսի սիրո շնչով աշխարհը ջերմացնելու և նրա Ավետարանի հավիտենական գաղափարները կյանքի մեջ մարմնացնելու նպատակն է դրել...»:

Կարգադիր Հանձնախումբի գումարած առաջին նիստին, Երուսաղեմի պատրիարք Եղիշե արքեպս. Դուրյան «ի պաշտոն» անդամ նշանակված է Համաշխարհային ժողովին «արևելյան եկեղեցիներու մյուս պատրիարքներուն հետ», իսկ Գրիգորիս եպս. Պալաքյան ընտրված է Գործադիր Հանձնաժողովին (Continuation Committee) անդամ:

1927ի «Սիոն» ամսագիրը, որուն վերահրատարակությունը սկսած էր Դուրյան պատրիարքի կարգադրությամբ և Բաբգեն եպս. Կյուլեներյանի խմբագրությամբ, հուլիս-օգոստոսի իր թիվի խմբագրականով Լոգանի ժողովին կանդաղատնար կոչելով զայն «Կրոնական Մեծ Ժարժույ մը»:

Երջանկաֆիշատակ Բաբգեն արքեպս. Կյուլեներյան, որ այդ տարին իսկ կոչված էր «Սիոնի» խմբագրության պաշտոնին, իր խմբագրականով կողջունեք քրիստոնյա եկեղեցիներու վերամրացման ձգտող այս ձեռնարկը. «Սիրեցեք զմիմեանս. Տերունի պատգամին ընդարձակ և ճոխ մեկ գործունեությունն է որ կարտացոլա Հավատքի և Կարգի միության համաշխարհային շարժումին մեջ և ապիկա ստուգիվ ցույց կուտա թե Ավետարանը և քրիստոնեությունը կըրցած են թափանցել միտքերու և հոգիներու խորքն ու ալքը, և գտած են իրենց քարոզած սիրույն և եղբայրության ամենեն գործնական և ամենեն օգտակար մեկնության կերպը»:

1927ի ժողովի խանդավառ մասնակցությունը հալ առաքելական եկեղեցիին կանցնում մը ունեցավ հետագային: Սկսած երեք եպիսկոպոսներու նշանակումով և

պատրիարքի պաշտոնական անդամակցությամբ Նախագահական Մարմին, մեր եկեղեցին հանկարծ ետ քայլ մը կկատարե: «Հավատքի և Կարգի» ժողովներուն, որոնք իրարու կհաջորդեն, մինչև կազմությունը եկեղեցիներու համաշխարհային խորհուրդին, կան հայ եկեղեցականներու անուններ, սակայն ո՛չ նախագահության մեջ, ոչ գործի խումբին մեջ (Working Committee) և երբեմն ոչ իսկ Հանձնախումբին մեջ: Լոգանեն ետք Իտինպրայի ժողովին մինչև Սոնթթեալ, Հայց. եկեղեցին մասնակցեցավ «Հավատքի և Կարգի» ժողովներուն, պատահականորեն և ոչ պաշտոնական ներկայացուցիչներով, ինչպես էր պարագան առաջին ժողովին:

Կտարվինք մտածելու թե պատճառը այս վերապահության կրկնակի է: Լոգանի փորձառությունն է, երբ երջանկաֆիշատակ Ղևոնդ եպս. Դուրյան շարունակեց մասնակցիլ զանազան հավաքություններու, Ամերիկայի մեջ, ի հայտ եկավ երևույթ մը, որ վտանգավոր նկատվեցավ մեր եկեղեցվո քարծրաստիճան եկեղեցականներուն կողմե. դավանական զիջումներու զառիվարը, որ փոխանակ առաջնորդելու եկեղեցիներու միության, փոխադարձ հարգանքի և հանդուրժողության հիման վրա, կապառնար սահեցնել տկարացած մեր եկեղեցին՝ դեպի ուրացումներու խորխորատը, ուրացումը մանավանդ մեր եկեղեցիին դավանական կեցվածքին և վարդապետական ըմբռնումին՝ քաղկեդոնյան բանաձևումներուն նկատմամբ: Վերապահության երկրորդ պատճառն էր հավանաբար բողոքականներու տիրող ձգտումը, ժողովներու մեջ, հավատքի և կարգի բոլոր հարցերը վերաբընդության ենթարկելու շարունակ, անգիտանալով եկեղեցիին ավանդությունը և Աստվածաշունչի մեկնության տալով անհատական և ազատ բնույթ մը:

Կրնա ըլլալ նաև որ վերապահությունն ավելի՝ անտարբերությունն մը կար մերոնց մոտ՝ եկեղեցիներու միության ամբողջ շարժումին նկատմամբ, նկատելով զայն օտար և մեզի համար՝ ավելորդ պաճուճանք մը, քանի որ Հայաստանի մեջ թե արտասահման, մեր եկեղեցին կապրեր վիրավոր, ամեն կողմեն հարվածված, իր պատմության ամենեն դժվարին տարիները:

Նոաջին իսկ օրեն, 1927ի Լոգանի ժողովին սկսյալ, «Հավատքի և Կարգի» ժողովները եղան քրիստոնյա եկեղեցիներեն դրկված աստվածաբաններու մեծ հավաքություն, նպատակ ունենալով ուսումնասիրել և քննարկել տարբերությունները, որոնց հետևանքն է քրիստոնեության բա-

ծանցյալ փնտալը: Սկզբնական տարիներում, նախաձեռնողներու մտածումին մեջ կտիրեր այն համոզումը թե դավանական տարբեր հասկացողություններն են հիմնական արգելքը միության և թե անոնց բարձր մոլ, աշխնքն աստվածաբանական վարդապետություններու շուրջ որոշ համաձայնություններ գոյացնելով, եկեղեցիները կըրնան իրագործել բաղձացված միությունը: Այս հիման վրա, «Հավատքի և Կարգի» ընդհանուր ժողովները կազմեցին հանձնախումբեր և անոնց հանձնեցին աստվածաբանական որոշ հարցերու քննարկումը: Այս հարցերն էին.

- 1) Եկեղեցվույն պատգամը աշխարհին՝ Ավետարանը:
- 2) Եկեղեցվույն բնությունը:
- 3) Եկեղեցվույն ընդհանուր դավանությունը հավատքի մասին:
- 4) Եկեղեցվույն պաշտոնությունը:
- 5) Խորհուրդներ:
- 6) Մեկ քրիստոնեություն և եկեղեցիներու փոխհարաբերությունները:

Մինչև Lundի ժողովը (1952) մասնագետ աստվածաբաններու խումբեր, որոնք զբաղեցան այս հարցերու քննարկությամբ, եկեղեցաբանական հարցերը բաղդատական մեթոդով վերլուծեցին, ի հայտ բերելու համար թե եկեղեցիները դավանական ո՞ր հարցին մեջ կտարբերին և թե ինչպիսի՞ կարելիություններ կան հաղթահարելու տարբերությունները համաձայնություններով: Բաղդատական այս մեթոդը չտվավ սպասված արդյունքը, թեև մոլեց յուրաքանչյուր եկեղեցիի աստվածաբաններ միասնաբար տանելու լուրջ ուսումնասիրություններ և ստեղծելու փոխադարձաբար հասկնալի եզրաբանություն մը:

Լունտի ժողովը նոր մեթոտ մը թելադրեց փոխարինելու կամ ամբողջացնելու համար եկեղեցաբանականը, այն էր «քրիստոսաբանական մեթոտ»ը: Աստվածաբանական ուսումնասիրությունները կեդրոնացան «Քրիստոս» և «Եկեղեցի» հասկացողությունները պարզաբանելու անհրաժեշտության վրա և աշխատանքի խումբերը լծվեցան նոր ուսումնասիրություններու, նոր նյութերու շուրջ: 1967ին Պրիսթոլի ժողովին քերված ուսումնասիրություններու վերնագիրները բավական են բնորոշելու համար նոր մտահոգությունները.

- 1) Աստված՝ բնության և պատմության մեջ:
- 2) Ա. Գիրք և ավանդություն:
- 3) Հաղորդությունը:
- 4) Եկեղեցին և հրեա ժողովուրդը:

«Հավատքի և Կարգ»ի կյանքին մեջ մեծ անկունադարձ մը կատարեց Լուվենի ժողովը, 1971ին: Կարգ մը եկեղեցիներ միությունը իրագործած էին իրարու միջև: Որոշ միություններ կայացած էին, առանց նկատի առնելու դավանական տարբերությունները և առանց լուծելու վարդապետական դժվարությունները:

Աստվածաբաններու մասնագիտական պրպտումներուն ձգելով շարունակել փնտալությունները, միացած եկեղեցիները որոշած էին հաղորդության ստեղծելու համար հետ, ճանչնալ ձեռնադրված պաշտոնյաներու հանգամանքը և գործակցի իրարու հետ, եկեղեցիի կյանքն ներս:

Այս բոլոր շարժումներն դուրս մնաց մեր եկեղեցին, թեև տ. Տիրան արքեպս. Ներսիսյանի, տ. Դերենիկ եպս. Փոլատյանի և ավելի ուշ՝ տ. Գարեգին եպս. Սարգիսյանի անունները հիշատակված են իբրև «դիտող» կամ «հյուր» եկեղեցականներ, շարունակաբար գումարված ժողովներու տեղեկագիրներուն վերջավորության:

... Այս տարվան Պրիսթոլի, Հնդկաստան շումարված ժողովին մասնակցեցալ տ. Ծահե արքեպս. Աճեմյան, Մայր Աթոռ ս. Էջմիածնի անունով:

Երկու շաբաթներու ընթացքին, ժողովը քննության ենթարկեց բոլոր աշխարհամասերն եկած արտահայտությունները քրիստոնեական հույսին, այսօրվան աշխարհի ակնկոծումներուն դիմաց: Տալը առանձին ենթահանձնախումբեր քննարկեցին այդ արտահայտություններն յուրաքանչյուր և տասներորդ Հանձնախումբը համադրեց բոլորին աշխատանքները «Վերջնագույն Հույս»ը վերնագրված գեղեցիկ գրությամբ մը: Վերջին երեք օրերուն ալ, ժողովը քննարկեց «Միասին աճիլ դեպի միություն» նյութը, նկատի առնելով հատկապես Մկրտության, Պատարագի և Զեռնադրության մասին կատարված աշխատանքները: Վերջին հինգ տարիներու ընթացքին, եկեղեցիներու աստվածաբան ներկայացուցիչները, երկար խորհրդակցություններն ետք, հասած էին համաձայնության մը, երեք խորհուրդներուն շուրջ: Համաձայնության արդյունքը եղած էր հրատարակությունը գրքույկի մը, «Մեկ մկրտություն, մեկ հաղորդություն և փոխադարձաբար ճանչցված պաշտոնություն»: Ստանալե ետք այս գրքույկը, յուրաքանչյուր եկեղեցի արտահայտած էր իր տեսակետը անոր պարունակած բանաձևումներու մասին: Ժողովին հանձնարարությունը եղալ որ շարունակվի «Հավատքի և Կարգի» հանձնաժողովին և եկեղեցիներու միջև զարգացող այս խոսակցությունը, հասնելու համար համաձայնու-

թյան ձևի մը, զոր կոչեն *consensus*, և որ կարտահայտե կարծիքներու համընկում մը, ավելի քան ամբողջական մոյնություն մը:

Պիմկալորի ժողովը, իր կատարած աստվածաբանական աշխատանքին իբրև արտահայտություն, հրատարակեց «հավատքի հասարակաց դավանություն» մը, որ արժանացավ ողջախառ, կաթոլիկ և բողոքական եկեղեցիներու ներկայացուցիչներու հավաքական հավանության:

Վերջացնելու համար, կհրատարակենք մի քանի հատվածներ այդ «դավանութենեն», հուսալով որ մեր եկեղեցիին հարազատ զավակները կգտնեն այնտեղ մոր ներշնչումներ: Իրենց հավատքը գորացնող:

• •

«Մենք լսեցինք հույսի ձայներ, որովհետև մենք հոս կոչված ենք հաշիվ տալու մեր հույսի մասին (Ա. Պետ. Գ. 15): Մենք խումբ մըն ենք 160 քրիստոնյաներու, հավաքված Հնդկաստանի մեջ, եկած բազմաօան եկեղեցիներէ և երկիրներէ, իբրև եկեղեցիներու համաշխարհային խորհուրդի «Հավատքի և Կարգի» հանձնախումբ: Մեր եկեղեցիները տված են մեզի տեսանելի միության դատը հառաջացնելու պարտականությունը: Այդ պարտավորության կեդրոնն է զարգացումը եկեղեցիներու միջև իրենց հավատքը միասնաբար դավանելու կարելիության:

• •

«Քրիստոս յարեալ ի մեռելոց»: Սակայն Հնդկոցյալը մուրհակալեցաւ է: Այս կնշանակե թէ հույսի մեր կյանքը անվտանգության անպահովություն մը չէ, այլ հրավեր մը վտանգավորության: Հույսի մեջ ապրիլ չի՝ նշանակե անպատակի մը հաւած ըլլալ, այլ գտնվիլ շարունակ վտանգներով լեցուն ճամբու մը վրա:

Հույսով ապրիլ կնշանակե հանձն առնել պայքարը: Մեզի զյացված է առավելությունը ըլլալու «ոչ տաք և ոչ պաղ», հանձն առնելու կեղծ չեզոքություն մը, որ գաղտնորեն պաշտպանությունն է իշխանության գլուխ գտնվողներուն: Պայքարի կնշանակե կողմ բռնել, ըսել «այո» ոճանց, որիշներուն «ոչ» ըսելու գիճով: Եթէ համբերող դիմացկունություն մը միակ կարելի միջոցն է, այդ ևս բողոքի ձև մըն է: Կրնանք ձախողի, քանի որ Աստված կրնա գործածել մեր ձախողությունները Իր անստակներու

իրագործման մեջ: Հույսը կընդգրկե պայքարի հանձնառությունը:

Հույսով ապրիլ կնշանակե հանձն առնել իշխանության գործառնությունը: Ոմանք չափազանց իշխանություն ունին, այնքան որ անվտանգելի են: Որիշներ շատ քիչ իշխանություն ունին արդյունքի մը հասնելու համար: Միշտ չէ՝ որ քիչեր իրենց որոշումները պագտադրեն շատերուն: Պետք է մոյնանանք իշխանութենէ գրկվածներուն հետ և օգնենք խնոց, դուրս գալու ուրիշներու ենթարկվածութենէ: Սակայն մահալեք է ծառայություն մատուցանենք իշխանության գլուխ գտնվողներուն, թեպէտք որ լսեն «աշխարհի արհամարհանքներուն», որ իշխանությունը գործածեն արդարությամբ և բաժնեն զայն դուրս մնացածներուն հետ: Հույսը կընդգրկե իշխանության պատասխանատու գործառնությունը և անոր անպատեհությունները:

Հույսով ապրիլ կնշանակե հաստատել մորը և վերահաստատել հիմը: Հաստատել մորը ընդունիլ է թէ Քրիստոս կերթա մեր առջևն. վերահաստատել հիմը ընդունիլ է թէ Ան չեկալ կործանելու, այլ լրության հասցնելու, որովհետև մույնն է Ան, երեկ և այսօր և հավիտյան:

• •

Հույսով ապրիլ կնշանակե հանձն առնել ինքնաքննադատությունը իբրև միջոց վերանորոգումի: Մշակույթն և եկեղեցին մերս, վերանորոգումը կու գա վերաքննության մը հաստատված իրականության, զայն վերակենդանացնելու կամ մեկդի շարտելու համար: Սակայն բառին իսկական իմաստով վերանորոգումը մեր իշխանութենէն վեր է: Ան կծաղկի երբ Աստված դատե մեզ և առաջնորդե մեզ զոջումի և ապաշխարության պտուղ բերելու: Այս կրնա մահ տանիլ մեզ թեթևամտության, ինքզինքնիս շատ լուրջի չառնելու կամեցողության մը: Անոնք միայն որոնք կրնան ծախիլ իրենք իրենց ակտմամբ կրնան, ի վերջո, լուրջի առնել ուրիշները: Հույսը կենթադրե ինքնաքննադատությունը, իբրև վերանորոգումի միջոց:

• •

Հույսով ապրիլ կենթադրե անցնիլ մահվան վտանգին մույն այդ հույսի սիրույն: Ոչ մեկ քրիստոնյա իրավունք ունի որոշելու որ ուրիշ մը պետք է անհատակվի: Սակայն մեզմե յորաքանչյորը կոխմագրավե


հավանականությունը թե վկայությունը կըր-
նա ըլլալ սուղ արժող վկայություն: Քրիս-
տոնեական հույսը խուսափում է մահեն,
ալ հաղթահարումը մահվան: Անոնք որ
իրապես կապրին հույսով, հաշտված են
մահվան հետ և կրնան դիմագրավել վտան-
գը Քրիստոսի հետ մեռնելու: Ոմանց հա-
մար այս խոսքերը ճառաբանություն են,
որիշներու համար՝ ժպտի նման հաստա-
տուն վստահությունն է, որով կդիմագրա-
վեն ամեն նոր օր: Հույսով ապրիլ կընդ-

գրկե մահվան վտանգը նույն այդ հույսի
սիրտում:

«Հաւատարիմ է քանս, զի եթէ ընդ նմա
մեռաք, ընդ նմին և կեցցուք. եթէ համբե-
րեմք, ընդ նմին և թագաւորեացուք. և եթէ
ուրանամք, և նա ուրանայ զմեզ. և եթէ
չհաւատամք, նա հաւատարիմ մնայ, ուրա-
նալ զանձն իւր ոչ կարէ» (Բ Տիմ. Բ 11—
13):

ՇԱՀԵ ԱՌՔԵՊԻՍԿՈՊՈՍ ԱԾԵՄՅԱՆ

«Սիոն» ամսագիր,
1978, № 10—12.





Յ Ո Ւ Ց Ա Կ

ՄԱՅՐ ԱԹՈՒ Ս. ԷԶՄԻԱԾՆԻ ՆՈՐ ՍՏԱՑՎԱԾ ԶԵՌԱԳՐԵՐԻ*

ԲՈՎԱՆԴԱԿՈՒԹՅՈՒՆԸ

- Թ. 1բ.—1. Կոհակ և ստուեր (Victor Hugo).
 Թ. 2բ.—2. Արօր և սուր (Ռեթեու Յ. Պերպեր-
 եան).
 Թ. 3բ.—3. Մաք վիթթոռ Հիկոյի (Գրիգոր Ս.
 Օտեան).
 Թ. 4բ.—4. Զենքի ձայներ և վառօդի թռուներ (Մե-
 մլետ Էմիլ).
 Թ. 5բ.—5. Պաշտպան սուրբը և հաաառքին ոյժը
 (Gabriele d'Annunzio).
 Թ. 7ա.—6. Ծննդատոթիւն (Սիլվեման Նեպիւ).
 Թ. 7բ.—7. Իրաւունք (Մեմլետ Էմիլ).
 Թ. 8ա.—8. Սիրամարգը և սոխակը (Աղեքսանդր
 Փանոսեան),
 Թ. 8բ.—9. Տերեր (Հիւսէյն Ծաֆիս).
 Թ. 9ա.—10. Պտոյտին ճեշտութիւնները
 (Georges Wagnière).
 Թ. 9բ.—11. Կարմրազանցը (Michelet).
 Թ. 10ա.—12. Աքսորեալին բարեկամները
 (Saint-Lambert).
 Թ. 11ա.—13. Աղդիւս և Մարիլիւս
 (Amedée Thierry).
 Թ. 12ա.—14. Կեղծաւոր վաշխաւոր (Le Sage).
 Թ. 13ա.—15. Երկաթագործը (Emile Zola).
 Թ. 14ա.—16. Քերթողին ճոզին
 (Victor de Laprade).

* Ծարուակված «Էշմիածին» ամսագրի 1964 թվականի Ռ Ռ Ը—Թ-ից, ԺԲ-ից, 1965 թվականի Ռ Ռ Ը—Ժ-ից, 1968 թվականի Ռ Է-ից, 1970 թվա-
 կանի Ռ Ռ Դ—Ե-ից, Ժ-ից, ԺԲ-ից, 1971 թվականի
 Ռ Ռ Ե—Ը-ից, ԺԱ—ԺԲ-ից, 1972 թվականի Ռ Ռ
 Ա—Բ-ից, Դ-ից, 1973 թվականի Ռ Ռ Ա—Գ-ից,
 Ը-ից, 1974 թվականի Ռ Ռ Գ-ից, Է—Ը-ից, 1975
 թվականի Ռ Ռ Ա-ից, Գ-ից, ԺԱ—ԺԲ-ից, 1976
 թվականի Ռ Ռ Բ—Ե-ից, Է—Թ-ից, ԺԲ-ից, 1977
 թվականի Ռ Ռ Գ—Ժ-ից, 1978 թվականի Ռ Ռ
 Ա-ից, Դ-ից և 1979 թվականի Ռ Ռ Բ-ից և Դ-ից:

- Թ. 14բ.—17. Մարդուն ստեղծումը (Եղիշէ Եպիս-
 Կոպոս Դուրեան).
 Թ. 15ա.—18. Տիրամա՛յր ... (Գէորգ Սիմօն-
 եան).
 Թ. 15բ.—19. Մօրկա՛նս ... (Şeref Kâzım).
 Թ. 16ա.—20. Աքորը և աղուէրը (La Fontaine).
 Թ. 16բ.—21. Վոյկա և Վազուգա
 (Madame de Vitti).
 Թ. 17բ.—22. Հովտաշուշանները
 (André Theuriet).
 Թ. 18ա.—23. Պէտք է կարդայ սորվի
 (Emile Souvestre).
 Թ. 19ա.—24. Երշանիկ նախնազապետը
 (Voltaire).
 Թ. 20ա.—25. Առաջին գինին (Edmond About).
 Թ. 21ա.—26. Ժամ տ՛Արք խարոյկին վրայ
 (Barante).
 Թ. 22բ.—27. Կօշիկ ներկողին շունը
 (J. Franklin).
 Թ. 23ա.—28. Ինչ կ'ըսեն աստղերը
 (Charles Wagner).
 Թ. 24ա.—29. Մարդը, ազգին և ճախինը
 (Lamenais).
 Թ. 24բ.—30. Լոակացիկ կանաղը
 (L'Abbé Blanchet).
 Թ. 25բ.—31. Հանճարամիտ ոստայնանկը
 (Maurice Bonchor).
 Թ. 27բ.—32. Բախտէն դժգոհ ձին (Lessing).
 Թ. 28ա.—33. Մախը (Florlan).
 Թ. 28բ.—34. Վէճ մը եղբայրներու մէջ
 (Léon Tolstol).
 Թ. 29բ.—35. Տեսիլք մը (Eugène Manuel).
 Թ. 31ա.—36. Արձագանքը (Théodor Botrel).
 Թ. 31բ.—37. Զորիկ ակը (Théophile Gautier).
 Թ. 32ա.—38. Այծարածին հրաշալիւդը
 (Jean Alcard).
 Թ. 32բ.—39. Երկու օրացոյցները
 (Guillaume Viennet).
 Թ. 33բ.—40. Երկու երբեք-գոհերը
 (Marc-Monnier).

- թ. 34ա.— 41. Եթե պարիկ ըլլայի ես
(Frédéric Passy).
թ. 34բ.— 42. Մայրը (Վ. Նոթենց).
թ. 35ա.— 43. Երջանիկ մարդու մը շապիկը
(Jules Vernes).
թ. 35բ.— 44. Վախը յաղթուած ...
(Anatole France).
թ. 36ա.— 45. Զմեռն է մենք
(Mme de Pressensé).
թ. 36բ.— 46. Կաղի մը պատմությունը
(Mme A. Tastu).
թ. 37ա.— 47. Թովմաս Թեղզեանի կեանքն
(Հրանդ Ասատուր).
թ. 38ա.— 48. Պայքար պայքարի դէմ
(Gelâl Nuri).
թ. 38բ.— 49. Հայ տղայոց (Աղեքսանդր Փան-
սեան [անտիպ ոտանավոր]).
թ. 39բ.— 50. Փայտին տրտունջը
(Jean Richopin).

ՀԻՇՏԱԿԱՐԱՆ

(Կազմի երեսին, սպիտակ-կարմիր պիտակի վրա).
Ոսկեմատեան տիեզերական գրականության

Պրակ 1
Նիս 1—50:

ՀԻՇՏԱԿԱԳՐՈՒԹՅՈՒՆՆԵՐ

(Կազմի երեսին, փակցված երկու սպիտակ թղթի վրա).

Այս նուրը կ'ընեն, հանգուցեղին փափաքով, իր երեք զաւակները՝ Եղուարդ, Ասողիկ և Վահէ Սիմ-
բեշեանները:

27 Պրակ

Երկասիրութիւն՝ հանգուցեղ Գեորգ Սիմբեշեանի
(1870—1951)

Յոթեկար ուսուցչակետ, լեզուարան և արեւելա-
գետ, քաղաքային տնօրէն և դասախօս ազգ(ային)
քաղաքային վարժարաններու, հայերէնի և գրաբարի
ու հայ մատենագրութեան, մաթիկին դասախօս օս-
մանեան համալսարանի և քաղաքային վարժարանի:
Ս. Էջմիածնի Մատենադարանին և Ն. Ս. Օճու-
թիւն Ամենայն Հայոց Հայրապետին գորգորանքին
կր յանձնէ իր երեք զաւակը՝

Տօթ. Եղուարդ Սիմբեշեան.

Հասցէ՝ Şişli Feriköy Lale Şahin Sokak No. 73/4
Istanbul (Turquie).

№ 481

ՈՍԿԵՄԱՏԵԱՆ

ՏԻԵԶԵՐԱԿԱՆ ԳՐԱԿԱՆՈՒԹԵԱՆ

(Պրակ 2)

Թերթերը՝ 38: Պրակները՝ 1: Մեծությունը՝ 33×
24.7×0.5 սմ.: Նյութը՝ մի քիչ դեղնած դիմացկուն
թուղթ: Կազմը՝ բարակ ստվարաթուղթ: Պահպա-


նակներ՝ չունի: Վիճակը՝ լավ: Գրությունը՝ միա-
յուն: Դատարկ թղթեր՝ չունի: Տողերը՝ 35: Գծումները՝ գործարանային գծավոր թուղթ: Գիրը՝
շեղագիր: Զարդագրություն՝ չունի: Գրիչը և պատ-
վիրատուն՝ Գեորգ Սիմբեշեան (1870—1951): Ժա-
նանակը՝ 1930-ական թթ.: Վայրը՝ Ստամբուլ: Ծա-
նոթություն՝ Զեռագիրը նվեր է ստացվել Ստամ-
բուլի 1976 թ., գրողի որդի Եղվարդ Սիմբեշեանի
կողմից:

ԲՈՎԱԼՆ-ԴԱԿՈՒԹՅՈՒՆԸ

- թ. 1ա.— 51. Ընմարիտ քերթուածը (Գեորգ Սիմ-
բեշեան).
թ. 1բ.— 52. Մրա՛գը ... (Ibrahim Alâeddin).
թ. 2ա.— 53. Ալքասուց համար (Victor Hugo).
թ. 3բ.— 54. Արևը և վարդը (Eugène Rambuert).
թ. 4ա.— 55. Սարդն ու ճանճը (Mary Howitt).
թ. 5ա.— 56. Միծմա՛յրը (Saraceddin).
թ. 5բ.— 57. Աշխարհի վախճանը (G Viennet).
թ. 6ա.— 58. Մուրացիկ կինը (Tevfik Fikret).
թ. 6բ.— 59. Մա՛յրը (Tevfik Fikret).
թ. 7բ.— 60. Հրա՛շքը ... (Գեորգ Սիմբեշեան).
թ. 8ա.— 61. Կեանքի արագութիւնը (Fénélon).
թ. 8բ.— 62. Մօր մը սիրտը (Louis R. isbonne).
թ. 9բ.— 63. Մշակը և եկքանիկը (Գեորգ Սիմ-
բեշեան).
թ. 10ա.— 64. Կէս գիշեր... (Xavier de Maistre).
թ. 11ա.— 65. Գարո՛ւնն է եկեր (Orhan Seyfi).
թ. 11բ.— 66. Ծունի մը մահը (Victor Hugo).
67. Մեղում (Michelet).
թ. 12ա.— 68. Զմեռը գիտին մէջ (George Sand).
թ. 13ա.— 69. Օղը (Ernest Legouvé).
թ. 13բ.— 70. Սիսակը (Théophile Gautier).
թ. 14ա.— 71. Երբեմնի դպրոցը (Jules Simon).
թ. 14բ.— 72. Մայրս (Pierre Loti).
թ. 15բ.— 73. Անգործութիւնը (Emile Zola).
թ. 16ա.— 74. Երկաթին երգը (Théodor de
Banville).
թ. 17ա.— 75. Բնամուլը (Louis Veuillot).
թ. 17բ.— 76. Յիշատակիկի Զատիկ մը (Յակոբ
Գուրգէն).
թ. 18բ.— 77. Գարնան վերջալոյս (Արտաշէս
Յարութեան).
թ. 19ա.— 78. Բիւրեղին մէջէն (Արտաշէս Յա-
րութեան).
թ. 19բ.— 79. Տիկին Տիսար իր սրահին մէջ
(Զապէլ Հ. Ասատուր).
թ. 20բ.— 80. Կաղա՛նը (Գեորգ Սիմբեշեան).
թ. 21ա.— 81. Կիսեղնակերպ (Lamartine).
թ. 21բ.— 82. Սուրը (Sully P. udhomme).
թ. 22ա.— 83. Առուի մը ծնունդը (Elisée Reclus).
թ. 22բ.— 84. Ծառը (Victor Hugo).
թ. 23բ.— 85. Յեփթայի աղջիկը
(Alfred de Vignie).
թ. 24բ.— 86. Պարիկը (Georges Sand).

(Շարունակելի)





ԲՈՎԱՆԴԱԿՈՒԹՅՈՒՆ

Այցելություն Հայկական ՍՍՀ Մինիստրների խորհրդի նախագահ տիար Ֆադեյ Տ. Սարգսյանին	3
ԳՐԻԳՈՐԻՍ ՎԱՐԴԱՊԵՏ ԲՈՒՆԻԱԹՅԱՆ—Ամավերջի հանդիսություն հոգևոր ճե- մարանում	4
ՄԱՅՐ ԱԹՈՌՈՒՄ—Եկեղեցական քեմ. լուրեր	10
Հյուսիսային Ամերիկայի արևելյան առաջնորդական թեմի 77-րդ տարեկան թեմա- կան պատգամավորական ժողովը	13
ԸՆՈՐՀՔ ԱՐՔԵՊԻՍԿՈՊՈՍ ԳԱԼՈՒՍՏՅԱՆ—Աստվածաշնչական սուրբեր	15
ԱՐԹՈՒՆ ՀԱՏԻՏՅԱՆ—Սուրբ Երանոս կամ Իրենեոս եպիսկոպոս Լիոնի	23
Ագաթանգեղոսի Պատմություն հայոց. Վարդապետություն սուրբ Գրիգորի	33
Ն. ԹԱՀՄԻՋՅԱՆ—Մովսես Խորենացին և հայ հին ու վաղ միջնադարյան երգարվեստը	44
ՄԿՐՏԻՉ ԿՈՐՅՈՒՆ—Սուրբ Մեսրոպ Մաշտոցն ու հայոց տառերը	54
ՇԱՀԵ ԱՐՔԵՊԻՍԿՈՊՈՍ ԱԺԵՄՅԱՆ— Հայ եկեղեցու մասնակցությունը «Հավատքի և կարգի» ժողովներում	58
Ցուցակ Մայր Աթոռ Ս. Էջմիածնի նոր ստացված ձեռագրերի	63

ԽՄԲԱԳՐՈՒԹՅԱՆ ՀԱՍՑԵՆ ՀԱՅԿԱԿԱՆ ՍՍՀ, ԷՋՄԻԱԾԻՆ «ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 18.07.1979 թ.: Ստորագրված է տպագրության 27.07.1979 թ.:
Տպագրական 4 մամուլ 1 ներդիր, թուղթ 60×84¹/₈, պատվեր 623

Մայր Աթոռ Ս. Էջմիածնի տպարան, 1979 թ.